



# WANTOK

Niuspepa bilong yumi ol PNG stret!

Wan Wik,

Februari 24 - Mas 2, 2005

NAMBA 1597

K1 tasol



**Pes 7 - NCD Polis sekim ol nait klab na bia ples**



OCEAN BLUE

Tuna in oil  
Rait teist  
yah!



**Pes 16 - 17 Wol nius na Pasifik nius**

# Lukaut long Sik AIDS

*...Toksave long ol Yuni sumatin*

Maisan Pahun i raitim

Ol sumatin long ol yunivesiti insait long kantri nau stap long taim nogut we sik AIDS i wok long kamap bikpela na sans bilong ol long kisim dispela sik i bikpela moa. Ol sumatin we i skul i stap long ol yunivesiti, kolis na ol teknikal skul i yangpela namel long krismas bilong 16 i go 30.

Long opim toktok bilong yunivesiti ov Papua Niugini skul yia (UPNG) Vice Chancellor Profesa Leslie Eastcott i tokim ol sumatin long lukautim ol gut na noken mekim nambaut nambaut. "Yupela mas yusim ol proteksen (banis) long lukautim yupela yet na i no putim yupela long rot bilong kisim AIDS," Profesa Eastcott i tok.

Metropolitan Polis komanda Mista Tony Wagambie tu i tokim ol nupela tes yia sumatin long putim skul bilong ol i kam pas-taim na noken westim taim long painim ol amamas bilong siti.

Pot Mosbi siti yet i gat planti nait klab we i save pulim laik bilong planti ol yangpela bilong siti.

"Planti bilong ol lain i kisim dispela sik i tokaut olsem ol i kisim taim ol i save raun long nait klab na pati ples bilong siti," Mista Wagambie i tok.

Siti lait i save pulim laik na tingting bilong planti ol yangpela na taim ol i go amamas ol i painim kainkain trabel insait long pasin spak, kisim spak brus, reip na pamuk

Olsem na taim namba bilong sik AIDS i wok long go bikpela yet ol yunivesiti insait long kantri i redi na i kamapim pinis progrem we bai i skulim ol sumatin long dispela sik nogut.

I go moa long pes 2



**Planim  
Diwata**

**DISPELA** tupela wantok bilong Tanzania long Afrika, Helen Kigodi na pikinini meri bilong em Alice em ol sumatin long Yunivesiti ov Papua Niugini. Helen i skul long kisim Bachelor of Science bilong em na Alice i mekim Science Foundation. Tupela wantaim ol arapela UPNG sumatin na bikmanmeri bilong Rotary International i bin makim bikpela de bilong Rotary International. Rotary em wanpela grup i gat ol lain long olgeta hap long wol husat i save givim save na han bilong ol long mekim ol komyuniti wok. *Foto: NEVILLE CHOI*

**Taubmans**

**603010**  
**.com.au**  
**100% Colour Confidence**

POLIS REPOT

POT MOSBI - PLANTI ol komplek na isiu i save kamap olsem ol Esia na ol lain i hait na kam insait long PNG i save baim ol polis long kamapim hait bisnis i tru.

Tasol ol narapela dipatmen olsem Foren Afes na Imigresen tu i mas kisim nem nogut bikos em ol tu i save givim visa na paspot long ol dispela ovasis lain.

Polis Minista Bire Kimisopa i tok i no ol polis tasol bai i kisim nem nogut tasol ol Foren Afes na narapela dipatment tu i mas kisim nem nogut.

Husat ol lain i tarim ol dispela lain i kam insait long kantri long fes taim stret i mas kisim nem nogut.

Ol dispela Esia i kam insait long kantri mekim iligel bisnis na bihain ol i baim ol sampela polis man long givim ol proteksen.

Mista Kimisopa i tokaut long dispela bihain long wanpela ripot i kamap long wanpela niuspela bilong Australia olsem Saina mafia i baim pinis sampela ol PNG polis ofisa long givim was long ol bisnis bilong ol.

MANUS PROVINS - POLIS long Lorengau i painim yet wanpela man Baluan long husat i ranawe long polis bihain long em i bin bagarapim wanpela sumatin meri long Is Lorengau Praimeri skul.

Man yah i gat 26 krismas i bin reipim wanpela 13 yia skul meri bihain long liklik meri yah bin laik baim buai long wanpela strit maket.

Em i bin poretim gel ya wantaim wanpela naip na bihain kisim em i go long bus na reipim em.

Ol polis i save long dispela man na ol i wok yet long painim em

Tupela MAF. balus pailot balus i dai long Westen provins

WANPELA Twin Ota balus i bin pundaun na bagarap long Westen provins na tupela man i dai long en. Balus i bin gat 11-pela pipel long en na dispela i karamapim pailot, fes opisa na boskru.

Sief Eksekutiv opisa bilong Sivel Eviesen Atoriti Andrew Ogil i tokaut tupela i dai em tupela Kepten bilong balus husat i bin kisim bikipela bagarap na dai long ples we balus i pondaun bagarap long en. Ol narapela i stap laip.

Mista Ogil i autim nem bilong tupela dai man olsem Kepten Chris Hansen na Kepten Richard West. Tupela em ol waitman misinari pailot i wok wantaim MAF long PNG.

Balus i bin pundaun na bagarap namel long Wobagen na Bimin ples balus antap long Star Maunten long Westen provins long samting olsem 1.30 apinun long dispela wik Tunde.

Misinari Eviesen Felosip (MAF) i papa long dispela Twin Ota P2-MFQ balus. Em bin wok long plai i go long Tabubil bihainim Wobagen rut taim em i kisim bagarap.

Mista Ogil i tok Ok Tedi Maining kampani i wok long karimaut wok bilong reskyu o helpim ol lain i stap long eksiden o birua tasol taim nogut i kamapim hevi.

Mista Ogil i tok balus ya i sapos long singautim Ea Trefik Sevis taim em i stap

long graun, tasol e mi no wokim dispela. Ol witnes i bin ripotim balus i wok long pundaun kres o bagarap klostu long Bimin ples balus.

Mista Ogil i tok ol i kisim tok tru olsem tupela pailot i dai em tupela i bin kisim bikipela bagarap.

Mista Ogil it ok ol famili memba bilong ol i stat long kam aste long dai bilong lain bilong ol na ol bai wokim memoriel sevis bilong ol long Hagen.

Em i tok CAA i no klia yet long as bilong dispela birua i kamap.

Em i tok ol bai karimaut ol wok painim watpo birua ya i kamap.

Lukaut long sik AIDS

I kam long pes 1

Tripela yunivesiti insait long kantri UPNG, Unitech long Lae, na Divine Word University long Madang i gat Peer Educators program we ol i save helpim ol sumatin. Insait long Peer Educator program ol kaunsela husat i save long wok bilong givim tok stia, wokman bilong lotu na ol ol heit kaunsela i save helpim ol sumatin i gat problem na hevi bilong skul laip bilong ol.

Aninit tu long dispela program ol save givim awenes long sik AIDS na wei bilong abrusim dispela sik nogut.

Samting olsem 50 sumatin inap painim sik AIDS long wanpela yia na ol inap lusim stadi na go long ples. Profesa Leslie Eastcott i bin tokim ol nupela sumatin long UPNG long Mande long statim bilong 2005 skul yia.

I bin gat sampela sumatin husat i bin lusim stadi na skul bilong ol na go long ples bikos ol i bin gat sik AIDS, Profesa Eastcott i tokim ol fes yia o nupela sumatin long UPNG. Dispela sik nogut i bin kisim planti gutpela laip bilong ol sumatin long UPNG na long dispela yia VC i tok strong bai ol nupela sumatin i mas was gut long ol yet na noken mekim nambaut long laip bilong ol.

Em i bin tokim ol sumatin tu long noken skelim nidol o yusim wanpela resa long rausim mausgras o gras bilong skin. Sik AIDS i bikipela hevi nau long kantri na planti sumatin insait long kantri i wok long painim dispela hevi.

Namba i kamaut i soim olsem planti ol sumatin i kisim sik AIDS taim ol i painim pren bilong ol long nait klab. Em i no kolim amas namba stret.

Skul bai i stat dispela wik long ol fes yia na ol olpela sumatin long neks wik. VC tu i tok strong olsem UPNG i tambu long ol sumatin long dring bia o karim bia i kam insait long yunivesiti, man sumatin paitim ol meri, na long sumatin paitim ol sekyuriti bilong Yunivesiti. "Sapos wanpela bilong yupela sumatin i wokim ol dispela pasin bai yupela i raus long UPNG," Profesa Eastcott i tok.



Sharon Onsa-Pople (raithan) na tupela woklain i soim ol nupela erogrem we Post PNG i lonsim. Foto: VERONICA HATUTASI

Post PNG autim ol nupela erogrem

Veronica Hatutasi i raitim

OL lain bilong salim pas i go na i kam i gat sans long peim liklik mani long salim pas i go long ol famili na pren insait long kantri na ovasis.

Dispela i kamap bihainim Post PNG i opim 6-pela nupela erogrem bilong em.

Erogrem em i olsem pepa bilong raitim pas long en tasol em i gat stem pinis, envelop na pepa bilong raitim pas pinis long em. Planti manmeri i no klia long erogrem, maski em i save stap long bipo taim yet. Tasol nau Post PNG i lonsim, i gat bilip olsem planti manmeri bai yusim dispela rot long salim pas i go i kam bikos em i isi rot we pipel i no inap tromoim bikipela mani long baim stem, envelop na pepa bilong raitim pas long em.

Maketing Menesa bilong Post PNG Sharon Onsa-Pople long taim bilong opim dispela i bin tok erogrem em i isi rot long salim toktok i

go na i kam wantaim ol poroman na famili na bai yu sevim mani long wanem taim yu baim wanpela erogrem, yu baim tripela samting long sem taim. Em long envelop, stem na pepa bilong raitim pas long em.

Na pe bilong wanpela erogrem long salim pas insait long PNG yet em 70 toea taim long ovasis em K2.50. Long nau, pe bilong wanpela stem long salim pas long PNG yet em 75 toea. Na bai yu tromoim mani long baim envelop na raiting pepa. Na glasim wantaim erogrem, dispela bai kos moa taim erogrem i isi rot.

Mis Onsa-Pople i tok ol erogrem i gat tu ol gutpela piksa we i soim kalsa bilong PNG, ol animol, bus na graun bilong kantri yet we yumi ken soim aut taim yumi salim erogrem i go aut.

Yu ken baim erogrem long ol pos opis long Boroko na ol arapela pos opis insait long NCD na kantri.

Advertisement for Cambridge International College. Text includes: 'TRAIN FOR SUCCESS IN 2005!', 'Professional accredited British Career Training', 'Cambridge International is the key to a successful career. Invest in accredited qualifications and skills for a great future.', 'International Diplomas (£130 or US\$260)', 'Accounting, Hotels, Tourism, Computers', 'Business, Management, Stores, English', 'Personnel, Marketing, Advertising, Insurance', 'Economics, Secretary, Purchasing, Stores', 'Advanced & Honours Diplomas and MBAs', 'Business, Marketing, Finance, Personnel', 'For your FREE information book contact: CAMBRIDGE INTERNATIONAL COLLEGE P O Box 53, Southampton, SO14 0YP, England, Britain. Fax: + 44 2380 337200 Web: www.cambridgecollege.co.uk Email: info@cambridgegetraining.com Accredited British Training & Education registered with the National Training Council & Ministry of Labour of Papua New Guinea'

TO TO TO TORO SPAK I GO TULAIT I BRUK... NAU EM PUTIM AIGLAS NA GO RAUN LONG TABARI PLES LONG BOROKO...

EM RAUN I GO TASOL SPAK I KILIM EM CUT TRU NA EM SILIP ARERE LONG STUA... 222

NAU OL MANMERI LUKIM TORO WANTAIM AIGLAS NA OL I TING EM TARANGU AIPAS YA... TARANGU AIPAS YA... 222 NAU OL TROMOI WAN TOEA, TU TOEA KLOSTU LONG EM...

TORO I NO SAVE... EM SILIP INDAI TRU... TAIM EM I KIRAP. EM LUKIM PLANTI MONI TRU KLOSTU LONG EM... AIYOO!! MILAKI MAN TRU! EM RAUSIM AIGLAS NA MUMUTIM MONI I STAP...

OL MAN HUSAT I TROMOI I GO LONG TORO I LUKIM OLSEM NA OL I BELHAT NOGUT TRU NA T.K.O LONG TORO... EX?!! NAU YU AIPAS TRU! TARANGU TORO, AI BILONG EM I PAS OLGETA..

# Nogat man makim wod


## Yakam Kelo i raitim

MEMBA bilong Rabaul Dokta Allan Marat i tokaut olsem sampela wod long Rabaul i gat ol kaunsel memba we nogat man i makim ol na nogat man i save long ol dispela wod.

Dokta Marat i tok dispela pasin i bin kamap sampela taim nau na ol dispela wod em i nogat rekot bilong gavman long en na olsem wanem i gat sampela man i sanap makim ol dispela wod we ol i gat nem olsem ol kaunsel na i save kisim pe long wok bilong olsem kaunsel bilong ol dispela wod.

Dokta Marat i tromoi askim i go long Minista bilong Inta Gavman Rilesens Sir Peter Barter sapos Minista i gat save long dispela samting na gavman i mekim wanem long stretim dispela hevi nau i stap long Rabaul.

Em i askim sapos gavman i save long dispela samting orait wanem kain eksen bai gav-



Sir Peter Barter MBE

man i kisim long dispela wod we i nogat nem long buk bilong gavman.

Minista Sir Peter Barter i tok em i nogat save long wanpela nupela wod insait long Rabaul o Is Nu Briten provins. Tasol em i bin save long ol manmeri i bin lusim ples long Rabaul na i go long Kokopo long taim bilong volkeno o maunten pairap. Na dispela i mekim sampela senis long ron na wok bilong ol kaunsel insait long Kokopo na Rabaul eria.

Tasol Minista i tok em i no kisim wanpela toksave i kam long Is Nu Briten Provinsal Gavman long wanem kain senis i kamap o sapos dispela samting i kamap tru o nogat. Olsem na em i no inap klia gut long dispela toktok bilong Dokta Marat.

Tasol Minista i tok em bai kisim dispela tok-tok i go bek long opis bilong em na toktok wantaim ol opisa bilong dipatmen long sekim dispela sapos i tru o nogat. Na bihain bai em i tokaut klia long dispela toktok bilong memba bilong Rabaul.



Memba bilong Kokopo na ekting Praim Minista Sir Rabbi Namaliu i harim wari bilong ol pipel bilong Manam long Bogia, Madang provins. Foto: SIR PETER BARTER

## Lo bilong kilim man i redi

MINISTA bilong Atoni Jenerel Mark Mapaika i tokim palamen olsem ripot bilong em long Lo bilong kilim man i dai i redi. Dispela ripot bilong Minista i bihainim wok-about bilong em wantaim ol opisa bilong em i go long Melesia na Singapo long las yia long kisim skul long rot na pasin Lo bilong ol i save kilim ol trabel lain.

Mista Maipaka i tok ripot bilong em i redi tasol em i wetim ripot bilong narapela tupela memba bilong palamen husat i bin go wantaim em.

Mista Maipaka i mekim dispela toktok long bekim askim bilong memba bilong Finsafen Gao Zurenuoc long wanem na gavman i

kisim longpela taim tru long kamapim dispela lo bilong kilim ol trabel lain insait long kantri.

Mista Zurenuoc i askim tu sapos Minista i ken tokaut long wok-about bilong em wantaim ol opisa bilong em i go long Melesia na Singapo na wanem as na ol i go long Ingran na sapos dispela wokabout bilong ol i westim mani bilong kantri nating.

Tasol Mista Mapaika i tok dispela wokabout bilong i no westim mani bilong kantri nating.

Ol i bin raun lukluk long Melesia na Singapo we Lo bilong ol i save kilim dai ol trabel lain we kot i painim ol i brukim long trabel bilong ol. Ol i raun na kisim tingting pinis.



SAPOS yu save sanap long ol lain long benk, long stua na long pos opis o arapela hap, bai yu save olsem pasin bilong sanap long lain i save hatim bel tu ya. Turangu, wanpela bikman i bin sanap long lain i stap wetim balus bilong em na em i pundaun na nau em i no stap long graun moa. Olsem wanem... ol lain long balus i ken abrusim ol dispela kain hevi o nogat?

Wanpela wanwok i bin sanap long wanpela supamak long kisim pawa na lain em i sanap long en i no manki manki. Longpela lain stret. Ol manmeri pulim lain i go raunim ol ples bilong ol las karamap bilong ol meri na ol man i sanap long lain i kirap nogut long lukim ol kain kain las karamap bilong ol meri na wanpela i askim. Yupela, ol samting mipela ol man i no save tromoi ai long en taim mipela i kam raun long stua nau mipela i glasim gut tru. Tru tumas... sampela samting long hap i luk olsem let bilong katapel ya.

Skul i stat pinis na long ol bikpela ples olsem Mosbi, Lae na Hagen, planti ol sumatin i save laik lusim tingting long skul na raun na pati long nait long ol nait klab. Tasol mipela i laik tok lukaut long ol yangpela. Nait klab em i ples we dispela bikpela binatang HIV i save raun na karim pikinini bilong em. Noken asua na kamap papa bilong ol pikinini bilong em. Em mak bilong indai tasol. Tingting gut na sindaun isi na kisim skul.

Ol seaholda bilong sampela klab insait long Mosbi nau ol i wok long senisim taim bilong ol long go pati na dring. Ol polis bilong Australia i kam raun na makim taim we olgeta nait klab i mas pas. Tru tumas... mipela i les pinis long lukim ol spak man na meri i raun painim dai long rot long ai bilong sampela klab.

Na nau polis i tok ol klab i noken salim bia long ol manmeri i spak indai pinis insait long klab. Em i gutpela tingting. Tasol mak bilong spak bilong yumi ol PNG i stap long wanem hap tru? Maski bia i go insait na i kambek ausait gen. Mipela bai dring yet. Sampaia long mipela i no save tingting olsem taim bodi tok inap... em inap. Nogat. Mipela bai i pulamapim yet. Sampaia taim mipela i mas harim tok bilong bodi tu.

MIPELA hia long Wantok i laik tok HEPI BONDEI i go long olgeta wantok long YUMI FM redio stesen. Tok pisin em mipela yet i karim nau. Amamasim yupela gut na noken bikhet tumas. Long olgeta lain anaunsa na wokmanmeri bilong YUMI FM - Laikim Yupela Nating Tru!

Wanpela tok piksa i tok long wanpela man i mekim haus we i gat foapela windo. Na olgeta taim em i lukluk em i save lukluk long saut tasol. Na askim i stap olsem bilong wanem na dispela man i save lukluk tasol long saut na i no save lukluk long narapela ol sait. Na wanpela man i bekim dispela askim na tok dispela tok piksa i tok long han paus we i gat foapela windo bilong en. Na olgeta taim em i save yusim wanpela sait long baim samting bilong ol man. Tasol tok tru i olsem man ya i mekim haus bilong em long not pol na olsem taim em i stap em i save lukluk i kam daun long saut pol. Em i no inap long lukluk long narapela hap gen.

## Rent bilong ol haus bilong NHC i go antap

MINISTA bilong Nesenei Hausing Kopresen (NHC) Atimeng Buhupe i tokim palamen olsem rent bilong ol haus i go antap nau em i bihainim ol senis we i kamap tude long kos bilong lukautim na ranim ol dispela haus bilong gavman.

Mista Buhupe i tok planti gavman haus i bin stap bipo long Australia gavman yet i kam nau i save stap aninit long liklik pe o ren tasol long olgeta fotnait.

Mak olsem K20 na K30 long olgeta fotnait na dispela i no stret long ol sampela pablik sevens na ol wokmanmeri bilong kampani husat i save peim moa long K200 na K300 long rentim ol haus long olgeta fotnait.

Mista Buhupe i tok planti pablik sevens i save kisim pei i go antap long fotnait bilong ol

longpela taim i kam tasol ol i wok long peim liklik fi long rent bilong haus. Olsem na ol i noken komplek long dispela liklik fi we NHC i kamapim nau.

Mista Buhupe i tok em i lukim tu olsem NHC i nogat gutpela bisnis plen bilong em wantaim ol dispela kain gavman haus we ol manmeri i bin stap long en longpela taim tru i kam peim liklik rent tasol long olgeta fotnait.

Olsem na em wantaim dipatmen i traim long kamap wantaim sampela nupela senis bilong mekim dipatmen i strong na wok strong long mekim mani na strongim em yet ol wok na program bilong em.

Minista i tok long stretim ol haus na putim ol nupela samting long ol hap palang o kapa we i ros na drai pinis i no isi bikos wanpela hap

palang bai kos olsem K50 na wanpela hap kapa bai kos olsem K120. Na dispela K20 na K30 rent bilong ol lain long haus i no inap tru long baim wanpela nupela hap palang na kapa long stretim ol dispela bagarap bilong haus. Olsem na ol i mas apim rent bilong haus long stretim kain hevi olsem.

Dispela senis long apim rent bilong haus i sut long olgeta Hausing Komisins insait long kantri stat long ol liklik i go long bikpela haus wantaim.

Minista Buhupe i mekim dispela toktok long bekim ol askim i kam long memba bilong Ijivitari Cicelking Debura long wari bilong nupela rent bilong ol hausing komisina insait long kantri.

## Yawari no amamas long makim bilong nupela odita jenerol

GAVANA bilong Sauten Hailans provins Hami Yawari i askim gavman long wanem as tru na kabinet i luk daun long ekting Odita Jenerel na makim narapela man olgeta long kamap Odita Jenerel bilong kantri.

Mista Yawari i tok em i amamas taim dispela man i holim dispela wok bilong ekting Odita Jenerel bilong kantri inap long taim gavman i laik makim man long kisim dispela ples na ol i daunim dispela man na makim nupela olgeta. Odita Jenerel em man i go pas long sekim olgeta buk na rekot bilong mani na wok bilong gavman sapos olgeta wok i go stret wantaim rekot bilong na wok.

Em i askim Minista bilong Pablik Sevis Sinai Brown long tokaut klia sapos dispela nupela man ol i makim i nogat nem o rekot nogut long wok bilong em bipo.

Na tu sapos gavman i laik makim ol wokman bilong em, gavman i mas makim ol man stret bihainim wok na save bilong ol na i noken makim nating ol wokman.

Minista bilong Pablik Sevis Sinai Brown i tokaut olsem taim gavman i putim toksave long Niuspepa olsem long wok o posisen i stap nating na ol saveman bilong dispela wok i ken aplai. Em nau ol i bin kisim ol pas i kam long ol savemanmeri bilong kantri i rait

i kam long i laik holim dispela wok.

Mista Brown i tok wok bilong Pablik Sevis Komisins em ol i glasim na skelim gut olgeta nem bilong ol lain i aplai long dispela posisen na bihain ol i makim wanpela nem tasol i go long kabinet we kabinet i mekim las disisen na pasim. Olsem na kabinet i no makim man long dispela wok, em wok bilong Pablik Sevis Komisins, Mista Brown i tok.

Olsem na Mista Brown i tok dispela man kabinet makim em rait man we Pablik Sevis Komisins i makim pinis na i nogat senis moa long dispela.

### Hap Hap Nius

Polis tok man kilim brata bilong em

PROVINSSEL polis komanda bilong Is Nu Briten, Allan Kundi i tokaut las wik olsem wanpela man i bin kilim brata bilong bihain long tupela i bin dring spak na pait.

PPC Kundi i tok bikpela brata Vincent Peni, 35 krismas, na liklik brata bilong em bilong Livuan ples long Kokopo distrik i bin dring bia na go long Takubar. Bikpela kros i bin kamap na pait i bruk. Bihain bikpela brata i bin pundaun na ol i kisim em i go long Vunapope haus sik, bihain ol i karim em i go long Nonga Bes Haus sik we em i bin dai.

Polis i holim pinis liklik brata bilong em na ol bai mekim moa wok painimaut.

- Paulus Tali i raitim

### ENB gavman bai lukautim Tokua ples balus

APGREDING bilong Tokua ples balus long Is Nu Briten i wok long go het wantaim toksave long ol intanesenel sevis bilong em long kamap long mun Jun.

Is Nu Briten Gavana Leo Dion i tok dispela senis we ol i bin tok bai kamap long stat bilong dispela mun i no bin kamap tasol Sivil Eviesen Atoriti i no redi na nau wanpela tim i wok long glasim i stap.

Em i tok provinsel gavman i sanap redi tasol long karimaut wok developmen long Tokua Ples balus bai em i kamap long mak bilong wanpela intanesenel ples balus.

As long kamapim Tokua ples balus long kamap wanpela intanesenel ples balus em long strongim turisim insait long provins.

# Namatanai Sekendri kisim buk inap long K15, 000

NAMATANAI Sekendri skul i kisim ol buk i kam long Australian Gavman inap long moni mak bilong K15, 000.

Ol dispela buk i kam aninit long Hed ov Misin Dairek Eid Program (HOMDAP) bilong Australia gavman.

Memba bilong Namatanai, Byron Chan i bin makim Namatanai Sekendri taim em i kisim ol buk aste moning long Nesenel Laibri long Pot Mosbi.

Mista Chan i tokaut olsem em bai stretim rot bilong ol buk long go long skul long Namatanai.

Joanne Woodbury, Siameri bilong HOMDAP Komiti i bin makim Australian Hai Komisn long givim ol dispela buk long Mista Chan.

Mista Chan i tok Namatanai Sekendri i bin karim bikpela hevi bilong wanem i nogat inap buk insait long laibri bilong en na nau bai sindaun bilong ol bai i orait liklik.

"Ol dispela buk bai helpim long strongim skul, wok risets bilong samatin na helpim ol long kamapim dispela pasin bilong rit long kisim save. Dispela bai i gutpela tru bilong ol samatin long Namatanai Sekendri nau na long taim bihain. Mi amamas tru long kisim ol dispela buk tete," Mista Chan i tok.

Dairek Eid Program (DAP) em i wanpela liklik grens program bilong wanwan ol kantri i kisim moni

long Australian Gavman aninit long AusAID.

Dipatmen bilong Foren Afes na Tred bilong Australia i save menesim na program i save lukluk long daunim hevi bilong ol manmeri insait long ol liklik komyuniti.

DAP em i program we ol wanwan manmeri, ol komyuniti grup na ol non gavman ogenaesen i ken kisim helpim long sanapim ol developmen projek we i ken helpim olgeta manmeri insait long komyuniti.

# Baai pipel no laikim ausait man i pulim pis

OL PIPEL bilong Baai ples insait long Rabaul Distrik husat i bin go bek long ples bilong ol i autim bel hevi olsem i gat ol kainkain man bilong ausait i wok long pulim pis long solwara bilong ol.

Ol manmeri bilong Baai i bin lusim ples bilong ol taim maunten paia i bin pairap 10-pela yia i go pinis. Nau ol i go bek long ples bilong ol, ol i lukim olsem i gat ol arapela man i wok long pulim pis long ples bilong ol. Ol dispela lain i no kisim tok orait bilong ol as ples manmeri long pulim pis long hap.

Long wanpela bikpela wod miting, ol manmeri i autim belhevi bilong ol long kaunsol Ken Darius olsem planti lain husat i wok long pulim pis i wok long yusim samting olsem dainamait na ol posin rop bilong pulim pis long bikpela ples bilong ol long pulim pis ol i kolim Rakaolo.

### Ples Rakaolo i pulap long pis

Ol ples lain i tok bihain long maunten paia i bin pairap, ol i bin kisim blesing long Rakaolo we i pulap long abus bilong solwara na i no stret long tingting bilong ol taim ol manmeri bilong ausait i stilim pis na ol arapela abus long dispela hap.

Pulim pis long Rakaolo em i wanpela long ol rot we ol Baai pipel i save kisim mani long en bihain long ol i go bek long ples bilong ol.

Kaunsol bilong Baai ples, Ken Darius i givim strongpela tok lukaut long ol ausait manmeri bilong ol ples i stap klostu husat i save go raun long solwara bilong Baai long pinis long pulim pis insait long dispela hap o bai ol i mas kisim mekimsave bilong lo.

Mista Darius i givim tok lukaut olsem ol pipel bilong Baai bai i putim was long husat manmeri i wok long pulim pis long solwara bilong ol na bai ol i mekimsave long ol tu.

Mista Darius i tok klia olsem dispela 'Matanoi' em i ples tumbuna bilong ol Baai pipel na ol wanfamili tasol i mas go wantaim husat manmeri i laik pulim pis long Baai. Sapos ol i go ol yet, bai ol i pulim pis nating na ol i ken kisim mekimsave.

"Bipo long taim bilong ol tumbuna, dispela Matanoi i bin i gat bikpela ona, tasol tete bihain long planti long ol manmeri bilong mipela i go sindaun gen long Gelagele bihain long maunten i pairap, ol manmeri bilong ol arapela ples i ting olsem ol i ken kam na pulim pis long laik bilong ol," Mista Darius i tok.

Em i tok klia olsem i gat plen i stap long kamapim ol lo bilong banisim solwara bilong ol Baai pipel.

Mista Darius i tok aninit long ol dispela nupela lo, ol arapela manmeri i mas luksave long Matanoi o ples tumbuna bilong pulim pis bilong wanwan ples bai ol i ken lukautim gut bilong bihain taim.

Nau yumi lukim kainkain fismen bilong narapela ol kantri i kam na stilim ol pis bilong yumi.

# Jumogot givim tok lukaut

PROVINSSEL Gavana bilong Manus provins, Dokta Jacob Jumogot i givim strongpela tok lukaut i go long ol lain bilong arapela kantri long pulim o pis lama insait long provins.

Dokta Jumogot i givim dispela strongpela tok lukaut bihain long em i kisim toksave long sampela man bilong arapela kantri i stap insait long Manus i wok long yusim ol as ples manmeri long baim na salim pis lama.

Pis lama o long tok inglis ol i save kolim beche-de-mer i ken kisim bikpela moni. Tasol nau yet ol Papua Niugini manmeri tasol i ken mekim wok bisnis long baim na salim.

Em i tok em i save long ol bikpela bisnis long Manus husat i wok long yusim ol as ples lain long baim na salim pis lama.

Wanpela hevi we i wok long go bikpela nau em ol manmeri bilong arapela kantri i wok long yusim ol as ples manmeri long baim pis lama long liklik prais na bihain ol i save



Joanne Woodbury, Siameri bilong Hed ov Misin Dairek Eid Program na Memba bilong Namatanai, Byron Chan i soim sampela long ol buk bai i go long Namatanai Sekendri Skul. Foto: Australia Hai Komisn

kisim na salim i go aut long kantri long bikpela moni tru.

Dokta Jumogot i tok em bai toksave long asisten dairekta bilong piseris, Steven Nailahai long go het long mekim wok painimaut long ol dispela bisnis husat i wok long baim na salim pis lama.

Em i singaut tu long ol as ples manmeri long noken aipas long ol giaman bilong ol man i laik yusim ol long mekim mani bilong ol yet.

## 4-pela stap laip bihain long 6-pela i lus

FOPELA long 6-pela Manus manmeri husat i bin lus i stap laip yet bihain long ol i tirip long solwara inap long tupela wik olgeta.

Tupela pikinini i bin raun wantaim ol, wanpela liklik manki na meri i bin dai bihain long ol i hangamap long kanu bilong ol i bin kapsait.

Edministreta bilong Manus na Siaman bilong Provinsel Disasta Komiti, Wep Kanawi i tok ol i bin lusim Liot Allan na ron i go long Mal Allan taim kanu bilong ol i bin kapsait.

Ol i bin karim ol pikinini i go long skul taim bikpela solwara i bin painim ol.

Em i tok ol bin hangamap long kanu bilong ol moa long 18 de.

Tupela yangpela pikinini bin dai taim san na solwara i bagarapim ol.

Bihain long tupela i bin indai, ol arapela lain i bin holim pasim bodi bilong ol na wetim ol lain long painim ol.

Taim ol i no inap holim ol moa, ol i karamapim bodi bilong tupela wantaim laplap na ol i lusim ol.

Las wik Fonde, 4-pela lain i tirip wantaim kanu yet i bin sua long wanpela ailan.



**HAP HAP NIUS**

Yangpela man Max laik helpim Oksapmin kofi fama

WANPELA strong-pela yangpela man bilong ruel viles long Bak insait long Oksapmin eria long Telefomin distrik long Wes Sepik i traim hat tru long bringim krai bilong ol kofi famas long ples bilong en i go aut long gavman long harim.

Nem bilong dispela man em Max Kikmatim na em i wok olsem wangepela welda long Ok Tedi main long Westen provins. Las wik i go pinis Max i bin kalap long wangepela sata balus bilong Ok Tedi i flai i go long Goroka long lsten Hailans wantaim sampela kofi sempol long soim ol wokman bilong Kofi Industri Koporesin (CIC) long lukluk long sampela rot long helpim em wantaim ol lain pipel bilong em long make-tim kofi bilong ol.

Insait long dispela wokabaut bilong Max em i traim long soim na bringim dispela hevi bilong ol pipel bilong em long ruel eria bilong Oksapmin husat i save groim kofi.

**Klinim taun long Madang**

OL komyuniti bilong Divine Word Yunivesiti wantaim taun kaunsel bai kari-maut wok bilong klinim Madang taun long dispela wik Sarere 26 Februari 2005.

Dispela bai namba tu taim dispela bikpela komyuniti wok bilong klinim Madang taun i kamap.

Namba wan taim em oll tisa na sumatin bilong Divain Wod Yunivesiti i klinim Madang taun long Sarere, namba 29 de bilong mun Jenuari long dispela yia, 2005.

Sampela tisa wantaim sumatin long Divain Wod Yunivesity i bin klinim Madang taun. Ol i bin stat wok long 8 kilok na pinisim klostu long belo.

Siti kaunsel i bin helpim ol long ol wantaim ol plastik bek bilong pulmapim pipia, na sampela rek, sawol, na sarep bilong wok na tu ol i bin yusim wangepela kar bilong mekim wok wantaim.

# Skul fi bilong Madang Tek i paulim ol sumatin

GABRIELLA PAEM - DWU Journalism Student

Ol sumatin i go long Madang Teknikol Koles i laik save bilong wanem as na long dispela yia opis bilong Haia Edukesen i apim skul fi hariap tru olsem.

Sumatin i makim maus bilong studens kaunsel (SRC) Brian Osil koles fi bilong ol sumatin aninit long HECAS i go antap long K3,106.30. Long las yia em K450. Planti sumatin ino inap rejista bikos ol i kisim toksave olsem olgeta sumatin i mas peim hap bilong ful fi. Planti sumatin ino inap peim hap fi bikos skul i tokim ol long peim dispela hap fi pastaim long ol i go insait long klas, Mista Osil i tok.

Rejistresen istat long las wik Mande na 11-pela sumatin tasol i rejista. Plant sumatin i bin kamap long skul i kirap nogut long dispela

nupela fi we i go antap pinis na ol i no inap peim dispela hap fi. Planti sumatin i stap yet long ausait.


Long Trinde las wik ol sumatin i givim wangepela petisen o komplek pas i go long edminstrsen bilong koles long dispela senis long skul fi.

Ol i salim pas i go tu long OHE long kisim tok kla long dispela senis.

Planti sumatin i tok ol i no inap kamap wantaim dispela kain mani bikos famili bilong ol i no save mekim dispela kain mani.

Ol sumatin i tok sapos OHE i no lukluk insait long dispela hevi bilong ol orait OHE i mas salim balus tiket i go long ol bai ol i ken go bek long ples bilong ol wanwan.

Prinsipol bilong skul i no bin stap long toktok long dispela hevi tasol ol sumatin i ting em i stap long Mosbi long toktok wantaim OHE long dispela hevi.



Ol papagraunbilong Madang taun i mas i go long Provinsel gavman opis long Madang long givim petisen bilong ol long Deputi Edministreta Sip Bunag. Foto: STEVEN BUSIN

## Ol ami wok klostu wantaim Manam pipel

Thomas Kilala i raitim

OL gavman sevis i no stap ples kla long ol kea senta o kem long bikples Bogia we ol pipel bilong Manam husat i ronawe na lusim ples i kam stap long en taim volkanu i bagarapim ples long las yia. Komanda bilong PNG Difens Fos Komanda Komondor Peter Ilau i mekim dispela toktok taim emi bin go lukluk long ol dispela kea senta long las wik.

Komondor Ilau i bin go wantaim Operesen Komanda Nevi Kepten Max Aieale long Fonde apinun long Madang long go lukim Difens Fos ami husat i stap insait long Operesen Wali Durua long helpim wantaim ol wok bilong stretim sindaun bilong ol Manam pipel long Bogia

Em i tok em i sori tru long lukim olsem ol kaikai i no kam stret long taim, nogat gutpela wara saplai, nogat gutpela toilet na helt sevis na tu ol haus sel i no go aut gut long ol pipel i skelim gut. Ol wok bilong lukautim na ranim wok i no ron gut we i no em i no lukim long Asuramba na Mangem kea senta.

Tasol Komondor Ilau i amamas long lukim ol

wok i ron gut long hap biing Potsdam kea senta we i gat gutpela wara saplai na ol ami i wok long wokim ol toilet ausait long kea senta. Long Asuramba wangepela bikman bilong ples Robert Basse bilong Dangale ples long Manam i tok ol i bin lukim ol Minista bilong Gavman i bin kam na i go tasol i nogat wangepela senis yet long kea senta long ol toktok ol i bin mekim long ol pipel.

Mipela long kea senta i wari bikos ol lapun na ol liklik pikinini i wok long dai bikos long sik na hangre olsem na Gavman i mas mekim samting hariap long stretim sindaun bilong mipela. Mista Basse i tokim Komondor Ilau.

Em i askim bos blong Difens Fos long yusim ol ami bilong em long wokim ol haus, skul, na helt senta insait long kem ol i stap tasol Komondor Ilau i tok dispela em disisen bilong Gavman long mekim.

Ol wara long Asuramba na Mangem kem i doti tasol ol ami i wok long was gut long ol wara na putim klorin marasin i go insait long klinim pastaim long ol manmeri i kisim na dring.



NESENEL KAPITEL DISTRIK KOMISIN

## PABLIK NOTIS

# SEKEN HAN KLOS - BOROKO MAKET

NESENEL KAPITEL DISTRIK KOMISIN (NCDC) i laik toksave long olgeta manmeri i save salim ol seken han klos long Boroko Maket na ol ples klostu long hap, long STOP long salim olgeta seken han klos bilong yupela long namba 25 DE BILONG MUN FEBRUARI, 2005.

Komisin Bod i mekim dispela long strongim disisen em mekim long mun Disemba, 2003 we ol i bin skruim taim bilong salim klos i go inap mun Mas, 2004.

Dispela toksave nau i go pas bai yupela i gat inap taim long rausim olgeta klos na painim ol arapela hap bilong salim klos insait long ol ples bilong salim klos na mekim bisnis bilong yupela.

Long painimaut moa o kisim moa toksave, ringim Opis bilong a/Deputi Siti Menesa - Komyuniti na Sosol Sevises o a/Sief Helt Seveya long Telepon: 323 1921 o 323 1455.

Mipela laikim helpim bilong yupela.

**BERNARD KIPIT**  
A/Siti Menesa

**Hap Hap Nius**

**Hailans meri**

OL LIDA meri long 5-pela provins insait long Hailans rijon i redi long bringim ajenda bilong ol i go long Nesenol Wimen Konferens long Pot Mosbi long neks mun. Long wanpela miting ol lida meri i bin kamapim long Mt Hagen ol i tok HIV/AIDS na lo na oda em bikpela isiu bai ol i toktok strong long gavman i mas luksave long em. Ol lida bilong ol provins em Julie Soso Akeke bilong Isten Hailan, Martha Kaiun bilong Simbu, Paula Mek bilong Westen Hailan na Rachael Yangu bilong Sauten Hailan.

Scholla Warai Kakas i makim ol meri bilong Enga provins i tok ol meri long Hailans rijon i mas wok bung wantaim long kamapim gutpela bilong rijon. Em i tok planti meri long ol ples i no save long ol nesenol, provinsol na distrik kaunsel bilong ol meri. Olsem emi gutpela long karimaut awenes bilong eduketim ol long dispela grup bilong ol em long wanem samtin dispela asosiesen i save mekim. Misis Mek bilong Westen Hailan provins i tok ol dispela lida meri bilong rijon bai toktok strong long isiu bilong HIV/AIDS na lo na oda long dispela nesenol kibung.

**UNICEF**

AI BILONG em i bin op taim Rao Singh raun lukim ol prosek long Simbu na Isten Hailan provins we em i tok dispela i soim olsem sosel developmen long kantri i wok long go isi isi na go daun. UNICEF Rijnol Dairekta bilong East Asia na Saut Pasifik Anupama Rao Singh i bin kam raun long kantri long las wik na long raun bilong em long hailans em i toktok long ol isiu we i bagarapim na afektim ol pikinini long PNG. Em i tok hai motaliti reit bilong ol pikinini aninit long 5-pela kris-mas na long ol ripot olsem wanpela insait long 10-pela pikinini i no save gat sans long go long skul i bikpela wari na soim olsem kantri i mas wok hat long developim ol pikinini na humen risos bilong em. Misis Singh i amamas tu long lukim ol komyuniti i kamapim liklik ol wok long helpim developmen bilong ol pikinini na ol meri.

# Goroka bai holim bikpela kopi festival bilong yia

Maisan Pahun i rattim

OLGETA kofi industri manmeri bai i gat bikpela sans long putim ol bilas bilong ol long dispela bikpela Papua Niugini kofi festival we bai kamap long mun Mei namba 5 dei i go inap 7 dei long Raun Raun haus tieta long Goroka Isten Hailans Provins.

Long dispela bikpela 3-pela de dei festival bai i gat kofi so na ol narapela samting bilong bilas olsem fiseries prodak, wail laif na ol agrikalsa na rurel bisnis. Man i go pas long dispela kofi festival long yia 2000 inap dispela yia em Mista Norman Carver.

Em i tok festival bilong dispela yia bai i bikpela na klostu winim Goroka show tasol wanpela samting tasol em nogat planti mani kam insait long kamapim dispela festival. "Mipela mas kisim mani long Festival yet na ronim dispela so olsem na i hat

liklik long save husat bai sponsarim ol samting we bai kamap," Mista Carver i tok.

Wanpela kampani i kam pas pinis long helpim dispela festival, we Post Courier we i bin givim mak olsem K15, 000. 00 olsem advetaising fi.

Na tu dispela bikpela kofi festival bai pulim planti turis i kam olsem long Amerika, Japan na Australia. "Wanpela turis agensi long Japan i tok-save pinis long salim sampela Japanese turis kam long dispela festival," Mista Carver i tok.

Long dispela festival bai i gat planti displei i kam long ol dispatmen bilong komes, agrikalsa na turisim. Na ol planti ogenaisesen na kampani tu bai kam putim so bilong ol.

"Ol dispela kampani na ogenaisesen we i putim so tu bai i gat wok long putim ol samting long lainim ol skul pikinini. Ol sumatin bai laik long save wanem samting ol i save wokim long ples wok bilong ol," Mista Carver i tok.

Long las yia klostu olsem 70 i go 80 kampani kam soim aut wok bilong ol na dispela yia bai i gat klostu long 100 kampani na ogenaisesen wantaim 30 slingsing grup.

Dispela kofi festival em bilong helpim ol manmeri long ples kam lukim pasin na wei bilong helpim ol yet kamapim gutpela sindaun bilong ol na we ol i no ken tingim olsem gavman na ol narapela lain bai i kam helpim ol. Olsem na ol dispela so i kamap em i gutpela long olgeta manmeri na ol sumatin long go lukim

"Long las yia ol skul sumatin long Goroka i bin gat sans long lukim na toktok wantaim ol bikman olsem Noel Smith bilong BSP benk na Bob Howarth bilong Post Courier," Mista Carver i tok.

Kain samting em ol skul pikinini bai ol i tingim i go inap ol i kamap bikman na tu bai i helpim ol long wokim gutpela disison long laip bilong ol. Dispela i gutpela sans bilong lainim ol pikinini.



• Taim bilong singsing na amamas... Ol lapun bilong Paiela ples long Enga Provins i putim pilas na redi long singsing long wanpela bikpela bung bilong lotu. Foto: Fr PHIL GIBBS.

## Wok agrikalsa senisim laip bilong Gumine manmeri

OL MANMERI bilong Yuri na Dom bai i gat sans long kaikai fres sipsip bihain long ol i senisim 16 -pela asples meme long kisim nupela sipsip.

Aninit long wanpela infomal agrikalsa program ol Dom na Yuri manmeri insait long Gumine distrik senisim meme wantaim sipsip bilong ol Nesenol Agrikalsa Rises Institut (NARI) long Westen Hailans provins.

Dispela em i namba wan taim long kain samting samting i kamap namel long ol lain long ples na ol

NARI. Laivstok saintis bilong NARI Francis Dua na rises program lida Alai Simin i tok ol bai lukautim ol meme long Tambul Rises stesin na taim ol meme i karim planti pikinini na go bikpela bai ol i salim i go long ol komyuniti na ol ples we ol manmeri i ken lukautim.

Mista Dua i tok tu olsem em bai fes taim long ol i lukautim sipsip long rises stesin, bihain long ol i save groim ol gaden kaikai olsem polato tasol.

Na tu ol i save lukautim sipsip na ol Dom na Yuri no save lukautim sipsip. Olsem na ol i kamapim wanpela tingting long ol bai senisim meme wantaim sipsip bilong ol NARI.

Mista Dua i tok bihain long ol i givim ol sipsip bai ol i kamapim trenin bilong ol fama long wei bilong lukautim sipsip.

I gat wanpela asples man long Dome husat i go pas long mekim dispela gutpela wok bilong agkrikalsa.

# NCD polis mekim wok painimaut long ol hotel na klab

Joe Ivaharia i raitim.

NESENEL Kapitela Distrik polis wantaim helpim i kam long ol polis bilong Australia i wok long mekim wok painimaut igo insait long ol nite klab na hotel husat i save abrusim lisens bilong ol long salim ol strongpela dring na bia.

Stat long tupela wik igo pinis ol polis i wok long mekim wok lukluk insait wan-

taim ol Komisina bilong NCD Lika Laisensin Komisin long sekim ol hap bilong pati.

Namel long dispela inspeksen ol i painim aut olsem moa long 9-pela klab i bin abrusim mak o taim bilong salim ol bia we ol atorit i makim i stap insait long treding laisens.

Taim ol NCD atorit i makim long salim bia em long 9.00 kilok long moning igo inap long 12.00 kilok long bik nait.

I bin gat planti toktok olsem ol klab i wok long salim bia bihain long dispela taim ol i makim long pasim ol lika ba. Planti bilong ol klab i wok long salim bia yet bihainim 12.00 kilok long nait taim ol i lukim planti kastoma i stap yet.

Nau yet ol polis i mekim wok aweanes wantaim ol klab menesmen long tokaut long stretpela pasin long bihainim gut treding laisens

bilong ol. Bai i gat wanpela bung i kamap wantaim ol manmeri na hotel menesmen husat i save salim bia long Februari 21 we ol polis na NCD opisel bai i tok klia long gutpela na stretpela rot long bihainim.

Dispela operesen tu bai i lukluk long ol blek maket na ol manmeri i salim bia we i nogat laisens. Ol polis i mekim wok long holim dis-

pela kain lain nau long wanwan ol hap insait long siti.

Planti hevi olsem pait, reip, ka eksiden o birua na ol arapela i save kamap bihain long 12 kilok nait we planti manmeri i save spak nogut tru bihain long ol pati long nait klab.

Olsem na long helpim daunim kain ol hevi ol polis i singautim ol manmeri na bisnis haus long bihainim gut lo bilong salim ol dring o bia.

## Hap Hap Nius

UPNG sumatin mas peim K966 long go insait

OL nupela sumatin long Yunivesiti ov PNG Waigani kampus i go rejista stat long dispela wik Mande. Ol i mas pinisim wok long tumora Fraide bikos long neks wik, ol olpela sumatin bai rejistaim ol yet bipo skul i stat long tupela wik i kam.

Moa long 800 nupela sumatin i go insait long UPNG long dispela yia na dispela i go daun long 100 mak long ol nupela sumatin i bin go long yuni las yia.

Kompalseri fi i wankain olsem long las yia na dispela i stap yet olsem K966. Manimak i karamapim pe bilong ol lesan, sevis na student asosiesen fi.

Wari long trenim ol yut

I gat wari olsem planti grup insait long siti i wok long givim trening long ol yangpela pipel tasol ol i no givim gutpela sapot long sait bilong fanding long karimaut wok ol i kisim trening long en.

Dairekta bilong Lifeline Sevis Joseph Saronduo i wokim dispela toktok bihainim planit ol woksop ol yangpela i sindaun long en tasol bihain long dispela, ol i bungim hevi bikos ol i no kisim gutpela sapot moa long ol lain i givim trening long ol. Em i tok true m i gutpela long givim save na pawa tai mol i trenim ol tasol ol i noken lusim ol nating i go na tokim ol long mekim samting long strong bilong ol yet.

Em i tok ol i mas sapotim ol tu long sait bilong fanding na ol arapela rot tu we ol i laikim helpim long en.

## Ol memba bilong Western provins singaut long wok bung wantaim

SINGAUT igo long Papua Niugini Sastanabol Developmen Program (PNGSDP) Limited long wok bung wantaim Flai Riva Provinsel Gavman (FRPG) long kirapim ol developmen programs na karim ol sevis igo long ol pipel insait long provins.

Dispela askim i bin kam long ol memba long palamen bilong Western Provins, Conrad Haoda (Saut Flai MP), Roy Biyama (Midel Flai MP) na Martin Tabi (North Flai MP) wantaim Gavana bilong provins Dokta. Bob Danaya.

Long wanpela pas we Gavana Dr. Danaya i bin sainim ol lida i bin mekim toktok olsem PNGSDP i mas noken mekim o karim aut ol developmen projek em yet long wanem i gat ol sistem aninit long lo bilong provinsel gavman we ol i mas bihainim.

Laik na askim bilong kamapim ol developmen projek i no wankain long wanwan ilektoret we wok konsaltesen i mas go het pastaim bipo long ol pepa wok o sabmisen i mas go long Provinsel Eksekutiv Kaunsel (PEC) long givim tok orait.

Bihainim tok orait o apru- vol bilong PEC provinsel

administresen bai i ken luksave na mekim wok bilong karimaut dispela sevis o developmen projek.

I bin gat sampela hevi wantaim ol arapela developmen ejensi long provins long mekim ol wok projek we tok klia ino bin stap stret na planti paul toktok i bin kamap.

Gavana Danaya i bin olsem tok yumi mas putim ol risoses long wanpela basket bikpela em ol mani o fainens long kirapim ol developmen projek we i stap insait long dispela faiv yia developmen plen bilong provins na aninit long enuel baset.

Em i tok tu olsem yumi save westim taim na planti mani long kisim ol konsalten long mekim wok painimaut o fisibiliti stadi long ol projek we dispela i no save karim kaikai gut long bipo taim.

Gavana i mekim dispela toktok bihain long em i painimaut olsem PNGSDP i no bin wok bung wantaim FRPG long karimaut ol nupela projek long provins we em tok dispela ol projek bai i go bek long drowing bod o long kampim nupela wok plen gen wantaim tok klia na orait bilong provinsel gavman.



• Pokies i no pei aut... Sampela lain kros long pei bilong poka masin. Ol i win tasol masin i no pei aut.

## Gerehu makim wod yut kaunsel

Andrew Molen i raitim.

GEREHU komyuniti long Pot Mosbi i makim pinis ol nupela yut kaunsel bilong wod bilong ol.

Sief eksekutiv opisa bilong Provinsel yut kaunsel (PYC) long Nesenel Kapitela Distrik, David Oala husat i bin i stap long lukim ileksen bilong dispela kausela i tok Wod 11 we Gerehu i stap long en i no bin i gat wanpela kaunsel olsem na ol sevis i no save go insait long hap.

"I bin i gat ol nem i stap nating tasol i nogat ol man o pes i makim dispela ol nem tasol nau yupela i kamap nau na mi laikim bai yupela i sanap strong na wok bung wantaim," Mr Oala i tok.

Tasol nau em i tok olgeta samting i stap long ol pipel wantaim ol lida bilong ol na sapos ol i laikim ol wok na sevis i kam insait long komyuniti bilong ol, ol i mas wok bung wantaim.

Dispela ileksen bilong ol yut kaunsel i no stap long taim

bilong wanem planti pes man bilong ol liklik yut grup insait long komyuniti husat i kamap long miting i tok orait olsem ol lain i stap long interim bod i mas kisim opis ken olsem ol bod memba bilong wod 11 yut kaunsel.

Presiden Jonathan Ronnie i tok em i amamas long kisim dispela posisen tasol em i laikim bai ol yut grup husat ol i stap aninit long dispela nupela wod yut kaunsel (WYC) i mas wok bung wantaim em na ol narapela memba bilong bod.

TOYOTA

PNG'S TOP SELLING PMV BUS

**Coaster**  
25 Seater PMV Bus

**After Sales Backup**

- Biggest Vehicle Parts Supply in country
- Largest Service Backup in PNG
- PNG's Only Quality Assured\* Motor Dealer

**NATIONWIDE**



Ela Motors

TOYOTA TSUSHO (PNG) LTD

\*QUALITY ASSURED AS/NZS ISO 9001 : 2000

Visit our Website: [www.elamotors.com.pg](http://www.elamotors.com.pg)

# Nupela kemikol bilong ol kar

## Maisan Pahun i raitim

WANPELA gavman dipatmen wantaim wanpela Jemen voluntia grup i bin kamap namba wan lain long Papua Niugini long senisim ol ea kondisen bilong kar i kamap gutpela bai i noken bagarapim win na ol samting i stap arere long yumi.

Long wanpela wok senis dipatmen bilong Envaromen na Konsevesen (DEC) i wokim wantaim helpim i kam long German Association for technical Coperation GTZ. Ol bin lainim ol mekanik na teknisen long senisim ol ges bilong bokis ais na ol ea kondisen bilong haus na kar i kamap gutpela na i no inap go aut na bagarapim banis o karamap bilong ples graun ol i save kolim ozone layer.

Stat long dispela yia i go inap long yia 2008, olgeta kar na frisa boks insait long kantri i mas senis long stap aninit long wol stended o mak we olgeta kantri i mas stap long en na i noken bagarapim win, san na wara na ol samting i stap long dispela ples graun. Dispela i kam aninit long wanpela intanesenol Lo we olgeta kantri i wanbel na sainim long ol i mas bihainim. Las wik Trinde Kyoto Protocol i kamap pinis long strongim dispela lo na Gavman

bilong PNG i memba bilong dispela wanbel tu.

Instrakta bilong Nesenel Woks Trening Institut Mista Willie Kupe wantaim projek edvaisa Oliver Stassen i bin kamapim 3-pela dei kos long skulim ol teknisen na mekanik long wei bilong rausim CFC ges long ol kar na putim gutpela ges ol i kolim Ozone Friendly refrigerants. Dispela ozone friendly refrigerants em Hydrocarbon refrigerant we i gutpela na i no inap long bagarapim win, san, wara na ol samting i stap long graun na Ozone Layer. "Olgeta dispela teknisen na mekanik taim ol i go bek long wok ples bilong ol bai i klia long wei bilong senisim ol kemikol bilong kar ea kondisen," Oliver Stassen i tok.

Mista Kupe i tok tu olsem aninit long dispela program bai ol teknisen bai kisim fri trening long awenes bilong CFC na hydrocarbon na wei bilong rausim CFC na putim hydrocarbon. "Ol bai kisim trening long noken yusim kemikol bilong bagarapim Ozone layer na tu long kisim laisens long senisim ges," Mista Kupe i tok.

Dispela wok i bin kamap aninit long Montreal protocol long 1987 we PNG i sapatim long daunim hevi bilong ol kemikol we i save kukim dispela banis win o ozone layer. Na Oliver Strassen i kam

aninit long dispela program long helpim ol kantri olsem PNG long bihainim dispela senis we i kamap long olgeta hap kantri.

Bikos long yia 1985 ol saintis na ol saveman i painim olsem wanpela hul i bin kamap long ol banis bilong ples graun o ozone layer antap long Antarctica (not pol ples bilong ais tasol).

Dispela i mekim ol ais antap long antarctica long bruk na kamap wara na solwara i solap i go antap karamapim sampela ailan.

Long las yia DEC i bin putim wanpela impot laisens sistem we ol lain husat i laikim CFC mas gat laisens long yusim na baim CFC na i noken abrusim namba DEC i putim.

Planti long yumi ol manmeri bilong Papua Niugini i no inap klia long wanem em Ozone layer na ol nogut o gutpela kemikol long yusim. Kemikol we i save kukim ozone layer em ol i kolim Chlorofluorocarbons tu ol i save kolim olsem CFC's.

Dispela kemikol i save stap insait long long ea kondisen, spreit, bokis ais na ol ges marasin nambaut.

Nau yet long Mosbi sit i gat 5-pela kar bilong DEC i ron wantaim hydrocarbon bihain long ol i senisim CFC long hydrocarbon.



• Meri Sentral provins gat namba long senisim ol kar' Ol man mekanik na teknisen lukluk tasol na auto elektrisen Cynthia Herre wok long senisim CFC na Hydrocarbon ges long wanpela kar long wanpela trening bilong ol mekanik na teknisen hia long Pot Mosbi.

I gat planti kemikol nogut long ples graun, tasol sampela tasol i stap long Papua Niugini. Nesenel Ozone yunit long DEC i karimaut sevei o wok painimaut long yia 2002 na painim aut olsem CFC's long PNG em;

• 15% long mobile air condisen long karØ 5.0 %

long ol ais boks o frisa boks long ol haus

• 35% long bikpela frisa boks na air condisen bilong ol stoa, hotel, haus sik na wokpies

Lukim Wantok Niuspepa long neks wik we bai mipela i stori moa long Greenhouse Effect na Ozone Layer.



## Noken bagarapim ol pikinini!

### Em i rait bilong ol pikinini

### bilong yumi mas marimari long ol na lukatim ol gut.



### Na em i woka bilong ol long marimari na lukautim gut ol narapela.



WANTOK

pas long dispela kempen.





TOKTOK NATING Wantaim Fr. Paul Liwun SVD



INSAIT long buk bilong em - SONG OF THE BIRDS - Pater Anthony de Mello, SJ - i bin raitim wanpela stori bilong wanpela saveman husat i bin wokim refleksen o glasim laip bilong em yet. Save man i bin tok:

"Taim mi stap yangpela, mi i gat strongpela laik long senisim dispela graun. Olsem na prea bilong mi long God i go olsem; 'Lord - givim mi pawa long senisim dispela GRAUN'."

Tasol taim krisimas bilong mi i kamap olsem 45 yia, mi bin luksave olsem hap bilong laip bilong mi i pinis, tasol mi no bin senisim wanpela man yet long laip bilong mi. Olsem na mi senisim prea bilong mi long God long dispela taim; "Lord, givim mi planti blesing na grasias long senisim olgeta manmeri i save stap klostu long mi. Namba wan em ol FAMILI memba bilong mi na ol PREN bilong mi. Sapos ol i senis, mi bai amamas".

Tasol nau mi kamap lapun pinis na de bilong laip bilong mi tu inap long kaunim wantaim pinga bilong mi. Long dispela taim mi luksave olsem - mi wanpela longlong man. Mi bin kamap stupid stret long laip bilong mi na ai bilong narapela. Olsem na prea bilong mi long God i kamap olsem: "Lord, givim blesim na grasias long mi, bai mi inap long SENISIM MI YET". Na man ya i tokim em yet olsem: "Sapos dispela prea mi bin askim God taim mi stap yangpela yet, ating mi no bai lusim taim."

Gutnius bilong namba tri Sande bilong Len i skulim yumi long SENIS o KAMAP NARAKAIN, olsem stori bilong Anthony de Mello. Gutnius i stori long Jisas i kamap narakain antap long maunten: "Pes bilong em lait olsem san, na laptap samting bilong em i kamap waitpela olsem lait". (Mt: 17:2).

Jisas i kamap narakain long maunten i skulim yumi olsem yumi tu mas senis na kamap narakain olgeta taim. Olsem wanpela olpela tok: "YOUR CHARACTER IS YOUR FATE". Yumi mas senis olgeta taim long kamap strong long Kristen bilip bilong yumi. Bilip bilong yumi i no kamap/gro wanpela taim tasol na i pinis. Nogat. Bikos yumi stap long olgeta de, long narapela situesen, narapela taim, na kain kain salens i save kamap. Olsem na yumi nidim taim bilong senis kamap narakain olgeta taim.

Ating planti bilong yumi i bin draiv o kalap long ka na kamap long sampela hap rot, ol man i wokim/stretim rot i stap. Igat bikipela masin i stretim rot, olsem na trafik i save jam na sampela taim ol i dairektim yumi i go long narapela rot. Wanpela taim, man i draivim grader i gat aida long mekim ol manmeri i stap isi na ino behat taim ol i kamap long ples we igat jam na planti ka i wokabaut isi na bihainim narapela rot nogut.

Dispela draiva bilong greda i bin raitim na hangamapim wanpela toksave long fran na long baksait bilong greda bilong em. Em i bin raitim olsem: "THE ROAD TO HAPPINESS IS ALWAYS UNDER CONSTRUCTION. Em i tru. Yumi ken yusim dispela tok save long spiritual laip bilong yumi - olsem; ROT BILONG KAMAP HOLI YUMI MAS STRETIM OLGETA TAIM. Sapos yumi laik kamap gupela Kristen manmeri, stretim yumi yet pastaim. Na bihainim yumi ken stretim ol manmeri i stap klostu long yumi. \*\*\*\*



Yumi mas bihainim tingting na pasin bilong Kraus

Yumi man i gat strongpela bilip, yumi gat wok bilong helpim ol man i no gat strongpela bilip na karim hevi bilong ol. Yumi no ken ting long helpim yumi yet tasol. Yumi olgeta wan wan yumi mas wok long helim ol brata, bai ol i ken kisim gupela pasin na bilip bilong ol i ken kamap strong. Yumi save. Kraus tu i no bin ting long helpim em yet tasol. Pasin i kamap long em olsem buk bilong God is tok, "Ol man i tok nogut long yu, na dispela tok nogut bilong ol i pundaun antap long mi tu." Olgeta tok bipo ol i bin raitim long buk bilong God, em ol i bin raitim bilong skulim yumi. Dispela tok i bilong strongim bei bilong yumi na mekim yumi sanap strong na wetim God i kisim. Yumi save kisim strong long God wanpela tasol na em wanpela i save mekim yumi sanap strong long bilip. Orait God i ken helpim yupela long bihainim tru pasin bilong Kraus Jisas na holim dispela wanpela tingting tasol. Olsem na bai yupela i stap wanbel, na bai yupela wantaim i litimapim nem bilong God. - Rom. 15: 1-6

# Ol sios wari long HIV/AIDS

## ... planti manmeri long kantri i kisim yet dispela sik

OL Sios i gat bikipela wari long disasta o hevi we man yet i kamapim long pasin pamuk (sexual immorality) na tu, long stopim ol ples na ol samting we i sapotim ol pasin nogut i kamap long em.

Dispela disasta o hevi i kamap long pasin pamuk em man yet i save mekim.

Jenerel Seketeri bilong PNG Kaunsil ov Sios (PNGCC) Tom Anayabere i bin wokim dispela toktok long Ekumenikol Sevis we ol Wimens Felosip grup insait long Nesenel Kapitel Distrik i bin kamapim long resim mani bilong Asia sunami na ol pipel long Manam Ailan husat i kisim hevi long maunten paia.

Mista Anayabere i putim askim tu i go long ol sios long PNG na tu, Nesenel Gavman sapos God i givim pawa long daunim na rausim ol ples we ol pasin nogut i save kamap long stopim sik AIDS, ol hevi long famili i bruk, ol sik STD na seivim man long go long helpaia.

"Yumi no save long taim

naturel disasta o hevi i kamap na man i no inap long kontrolim dispela na ol bagarap e mi kamapim. Tasol mi laik tokim ol sios olsem i gat bikipela hevi moa we man i save long en na kamapim.

Dispela em hevi (disasta) bihainim pasin pamuk na sapot long ol ples na ol samting we ol dispela pasin nogut.

Yu wokabaut long strit bilong gol sili ovasis na yu lukim ol lain stoa i gat ol piksa nogut, tanim TV na yu lukim ol piksa i no gupela tumas we ol piksin i lukim, draiv long olo strit long Mosbi long Fraide nait nay u lukim planti naitklab ol man i spask i go wantaim ol patna bilong ol, joinim strit mas long sapotim pasin pamuk na haus pamuk, intenet we ol piksin, papa na mama i lukim ol kain samting i no gupela long en," Mista Anayabere i tok.

Em i tok hau na ol Kristen manmeri i larim ol dispela miks long ol samting nogut na i putim Tok bilong God long hevi. Hau na ol Kristenn bai

stap isi na i no wokim wanpela samting long dispela bikipela hevi man yet i kamapim- em hevi pasin pamuk i kamapim?

"Ol sios i kisim presa i kam long gavman na ol arapeal sekta long kariakut bikipela wok long pait egensim HIV/AIDS.

"Tasol mi askim, em i wok bilong yumi long autim tok long HIV/AIDS long sios o long tokaut long gupela pasin we i helpim yumi long stap gut i bihainim rot we Bikipela i soim yumi?"

Olsem ol Kristen, yumi save kamapim ol pasin nogut long ol wan wan sios bilong yumi o yumi putim God pastaim lon glaip na wok bilong yumi?"

Taim bikipela sik malaria i bruk, gavman i hariap salim ol lain bilong em long pait egensim ol ples na rot ol moskito i save kamap long en. Dispela e mol ples olsem taiswara.

"Mi askim sios na gavman wantaim olsem, God i givim yumi (sios) pawa long pait egensim na rausim ol ples we i sapotim pasin pamuk na long

dispela rot, daunim sik AIDS, pasin bilong famili i bruk, ol STD sik na go long helpaia. O, bai yumi kisim rot long stap long ol wan wan sios bilong yumi na pre na lukluk long ol hevi i go bikipela.

"Rot bilong yum ii wokabaut nau na ol pikinini bilong yumi long bihainim tai mi stap long samting yumi wokim tude na bai yumi ansa long em long God," Mista Anayabere it ok.

Long wankain taim tu, e mi tok ol sios i bin hariap tru long givim helpim long Asia sunami na Manam hevi long Madang provins.

Em i tok long helpim ol Manam Ailan pipel, ol Kristen Sios i bin hariap long saimim ol taunam o moskito net na nau ol i redim long salim ol kenvas bilong wokim ol ples bilong stap long en, yusim ol klasrum long ol pikinini i skul long en long ol kea senta.

Katolik Asdaiosis bilong Madang tu i karimaut bikipela wok long helpim ol Manam pipel husat i bungim hevi na lusim ples bilong ol.



Las wik ol CSN sista long Bogenvil i holim bikipela kibung bilong ol na makim ol nupela eksekutiv. sindaun namel em Bogenvil Bisop Henk Kronoberg SM Foto: ALOYSIUS LAUKAI.

## Lutheran Sios holim musik kos

Paulus Tali i raitim

EVENJELIKOL Luteran Sios bilong Papua distrik i bin holim wanpela trampet kos we i lukim eitpela yut bilong wanwan Kongregesen insait long Pot Mosbi i kisim pepa o greduet wantaim setifiket bilong ol.

Dispela kos i lainim ol yuts long pilaim trampet we em i wanpela kain samting bilong winim strong na mekim musik.

"Mi amamas long lain long pilaim dispela samting bilong wanem em i wanpela samting we i no planti manmeri i save pilai," Junia Nalau, wanpela bilong Kirap Bek kongregesen long Gerehu husat i greduet tu i tok.

Em i salensim ol narapela tu long ol i mas kam na lain long pilaim dispela samting.

Moa long 200 manmeri i kamap long lukim greduesen bilong ol dispela manki we ol bikipela pesman bilong wanwan kongregesen tu i stap.

Pastor Gundu Kal bilong Marimari kongregesen taim em i autim tok i tok olsem; "Pasin bilong lainim ol narapela long samting ol i no save long em, em i gupela pasin."

Em i tok strongim tok bilong Anglican Bishop Peter Fox husat i toktok long pasin bilong disiplin o harim tok.

Em i tok sapos yu pasim maus na harim tok bai yu no inap mekim ol bihet pasin.

Distrik presiden Bisop Somi Setu i tok amamas tu i go long ol yangpela long ol i givim taim bilong ol long lainim dispela kain kos we bai inap helpim ol long sait bilong musik na tu insait long sios.

"Kainkain ol presen i kam long yumi wanwan i kam long plen na tingting bilong Bikipela antap yet.

"Olsem na wanem samting yu lainim em yu i mas kisim gut," siaman bilong Marimari Kongregesen na bipo Sif Jastis Sir Arnold Amet i tok.

I gupela long lainim musik na pilaim we bai i ken kamap gut long lotu na givim preis na biknem long Bikipela.

## Ol sios bai holim intafeit lotu

BAI i gat Intafeit lotu long Sir John Guise Stadium long dispela Sande long tok tenkyu i go long God long ol helpim na fan resing ol pipel bilong PNG i bungim long givim i go long Asia sunami apil na tu long Manam maunten paia hevi.

Intafeit lotu bai kamap long 2 kilok apinun na ol lotu olsem Bahai, Budis, Hindu, Muslim, Sikh, Jew na ol Kristen Sios bai stap long en.

Long dispela sevis, ol lain i makim wan wan sios bai wokim ol preia na givim ol donesen bilong ol. Bai i gat tupela minit stap isi long tingim ol lain i bagarap long tupela birua.

Long dispela lotu tu, ol dispela grup bai prisenim ol sunami na manam rilip mani. Nesenel Kodineta bilong Saut Is Asia Sunami Rilif Apil, Siaman bilong Nesenel Kodinesen Komiti bai prisenim sek i go long Praise Ministria long olgeta mani ol i resim long sunami na Siaman bilong Nesenel Kodineting Komiti i go long Praise Ministria long olgeta mani ol i resim long Manam.

Long wankain taim tu, ol Ekumenikol Wimens Felosip grup insait long Nesenel Kapitel Distrik i bin holim lotu las Fraide

long Sione Kami Sios na bungim sampela mani long helpim Asia sunami na ol pipel long Manam. Ol bin askim ol susa bilong ol long ol arapela provins long wokim wankain long soim olsem ol meri tu i wokim helpim kontribusen bilong ol.

Wanpela long ol kodineta bilong dispela lotu sevis na meri lida long NCD na ol Katolik mama em Virginia Mollok i tok ol bin kamapim K1,434.99 long sevis. Ol bin bungim wantaim tu ol klos long 6-pela bokis na narapela 6-pela katen klos i kam long Hope PNG.

Misis Molik it ok olgeta dispela samting e mol Grasrut meri i givim long bikipela laik long lewa bilong ol. Em it ok long dispela wik Mande, ol bin prisenim ol mani na bokis kola i go long Nesenel Kodineting Komiti bilong sunami apil.

Sir William Skate husat i siaman bilong Nesenel Kodineting Komiti bilong Asia Sunami na Manam Disasta Apil, Asbisop bilong Katolik Asdaiosis bilong Pot Mosbi Asbisop Sir Brian Barnes, Modereta bilong Yunaitet Sios Reveren Samson Lowa, Dairekta bilong Nesenel Disasta na Imejensi Sevis Kenel Eric Ani, Sosel Sevi na Ambaseda bilong Indonesia i bin stap wantaim ol meri long dispela sevis.

### Glasm tok wantaim Bisop Peter Fox

NIUS bilong marit bilong Prins Charles na Misis Camilla Parler Bowles i kamapim ol kain tingting long pablik. Planti toktok i kamap long taitel bilong Misis Bowles sapos Prins Charles i kamap King. Ol i tromoim ol tingting olsem pikinini bilong Kwin bai marit bikos em i gat bikpela laik long dispela o em i marit long inapim laik bilong stet o long wok bilong King/ Kwin olsem Gavana bilong Sios ov Ingran i laikim. Pablik i no sot long autim ol tingting bilong ol. Em isi long lusim tingting olsem aninit long pablik ai na royalti, Prins Charles emi wankain man olsem yumi ol man meri nating husat i laikim bai ol narapela i laikim em. Misis Camilla Parker-Bowles em i divos o brukim marit wantaim man bilong em. Wankain tu long planti bilong yumi. Marit em i wanpela hat-pela samting na em na prins i no nupela long dispela bikos ol i traim long namba wan taim em i no wok. Mi save olsem dispela marit i kamapim planti kwesten na ol eksen we man husat bai King i abrusim amamas bilong em na i go moa. Tasol, i no inap yumi gat liklik pasin sori long em long planti yia em i no stap amamas?

Mi soim yu narapela piksa. Lukim meri i gat 70 na moa krismas na i mama na bubu. Em i bungim hevi long ol famili memba i dai. Papa i bin dai taim e mi yangpela yet, wanpela ankle bilong e mi bin dai long ka bom long Ailen na em i lusim mama bilong em i no longpela taim i go pinis. Em i lukim ol pikinini bilong em i gat hevi long ol marit bilong ol na ol i no amamas. Em i gat ol wari we em i no inap long serim wantaim narapela. Em i wokim ol hat disisen taim em i save olsem wanem disisen em i wokim, bai planti lain i no luksave na ol i no klia long em. Dispela em Kwin bilong yumi. Em i no save kraim long pablik tasol dispela i no min olsem em i no save kraim. Em i tingim taim we ankle o kanderi bilong em i bin givim pawa na ol samt- ing bilong Royel famili long maritim meri i brukim marit wantaim narapela man. Papa bilong em i bin karim ol hevi bilong Empaia



taimWol Wo 2 i kamap. Em i bin bagarapim helt bilong em, ol i tok. Em bin tambuim susa bilong em long long maritim Lord Peter Townsend tasol bihain, em bin lukim em i maritim Lord Snowden. Em bin lukim Prinses Diana na pikinini man bilong em i karim hevi aninit long ai bilong Wol Midia. Insait long ol dispela samting, na olsem mama bilong em pas-taim long en, em i traim hat long karimaut wok bilong em. Tasol em i stap yet olsem meri i karim pen long famili dispela bikos ol na em i laikim preia bilong yumi. Em i laikim ol preia sapot olsem Kwin na wankain meri tasol olsem ol arapela meri long dispela graun.

Yu ken bilip long Monaki (King o Kwin i hetman meri long kantri). Yu ken laikim o no laikim piksa we Royel Famili i prisenim i kam long planti bilong yumi. Poin we mi laik mekim em sampela pipel i stap insait long dispela stori em ol manmeri tru tru husat i gat ol filings na nits. Long soim liklik sori na sapot pasin i no inap long kamapim hevi long mipela.

Mi no bungim yet Misis Camilla Parker-Bowles o Prins Charles. Mi harim olsem ol i gat laik long wanpela arapela long planti yia. Olsem em (Camilla) i no wokim nabaut na i holim pas long prensip wantaim Prins tasol en i tru na nogat man i ken tok dispela i gijaman. Mi nogat save wanem hevi marit bilong tupela bai kamapim long wei ol Royel famili i save stap long en tasol Monaki i bin bungim planti bikpela hevi pinis tasol em i stap yet. Planti taim, em i hat long save wanem kain duti o wok bai yu mekim, tasol yumi husat long sindaun na sasim ol narapela? Mi laik hop tasol olsem ol bai stap amamas.

MI no bungim yet Misis Camilla Parker-Bowles o Prins Charles. Mi harim olsem ol i gat laik long wanpela arapela long planti yia. Olsem em (Camilla) i no wokim nabaut na i holim pas long prensip wantaim Prins tasol en i tru na nogat man i ken tok dispela i gijaman. Mi nogat save wanem hevi marit bilong tupela bai kamapim long wei ol Royel famili i save stap long en tasol Monaki i bin bungim planti bikpela hevi pinis tasol em i stap yet. Planti taim, em i hat long save wanem kain duti o wok bai yu mekim, tasol yumi husat long sindaun na sasim ol narapela? Mi laik hop tasol olsem ol bai stap amamas.

Mi no bungim yet Misis Camilla Parker-Bowles o Prins Charles. Mi harim olsem ol i gat laik long wanpela arapela long planti yia. Olsem em (Camilla) i no wokim nabaut na i holim pas long prensip wantaim Prins tasol en i tru na nogat man i ken tok dispela i gijaman. Mi nogat save wanem hevi marit bilong tupela bai kamapim long wei ol Royel famili i save stap long en tasol Monaki i bin bungim planti bikpela hevi pinis tasol em i stap yet. Planti taim, em i hat long save wanem kain duti o wok bai yu mekim, tasol yumi husat long sindaun na sasim ol narapela? Mi laik hop tasol olsem ol bai stap amamas.

Mi no bungim yet Misis Camilla Parker-Bowles o Prins Charles. Mi harim olsem ol i gat laik long wanpela arapela long planti yia. Olsem em (Camilla) i no wokim nabaut na i holim pas long prensip wantaim Prins tasol en i tru na nogat man i ken tok dispela i gijaman. Mi nogat save wanem hevi marit bilong tupela bai kamapim long wei ol Royel famili i save stap long en tasol Monaki i bin bungim planti bikpela hevi pinis tasol em i stap yet. Planti taim, em i hat long save wanem kain duti o wok bai yu mekim, tasol yumi husat long sindaun na sasim ol narapela? Mi laik hop tasol olsem ol bai stap amamas.

# Nupela buk bilong Pop i kamap

Stori i kam long  
Zenit nius

NUPELA buk bilong Pop John Paul 2 i kamap aste we em i tokaut long taim wanpela man i bin laik sutim em dai long 1981.

Taitel bilong buk em :Memory and identity: Conversations between Millenniums". Dispela em namba 5 buk Pop John Paul 2 i raitim kamap.

Long dispela nupela buk, Pop i tokaut long pablik long dispela taim we ganman bilong kantri Teki em Ali Agca i bin traim long kilim em na sutim em long bel taim em i sindaun

long ka bihain long wanpela bikpela sios sevis long Sen Peters Skwea.


Pop i tok em bin prèt stret na em bin stap long bikpela pen tasol em bin pilim olsem em bai stap laip.

Agcra i bin kalabus long 20 krismas long traim kilim Pop. Em is tap yet long kalabus long Teki long ol sampela rong e mi wokim. Pop i bin bungim Agcra long haus kalabus long Rom long 1983 na tupela i bin stori gut. Pop i bin pogivim em pinis long pasin we em bin laik kilim e mi dai. Taim e mi stap long haus sik long dispela mun, Agcra i bin ringim em na

wokim toktok long Pop i mas kamap orait.

Long nupela buk, Pop i toktok tu long abosen o pasin long kilim dai bebi long bel, Holokost o pasin we gavman bilong Hitler i bin kilim dai planti milien Jiu pipel na Komunis. Abosen na Holokost em Pop i tok i egensim lo bilong God.

Namba wan buk bilong Pop ol i kolim long "Crossing the Threshold of Hope" i bin kamap 10-pela krismas i go pinis na em bin stap long namba wan lista long top buk long intenesenel level. Ol bin salim 20 milien long dispela buk na man i bin go long sariti.



• Pop John Paul 2 i toktok wantaim wanpela Sister husat i bin wok long opis bilong em.

## Anglikan Sios lida i bung long toktok bilong manman i marit

Stori i kam long  
Anglican Church nius


OL lida bilong Anglikan Komyunion o sios long wol i bung long Noten Ailen long dispela wik long toktok long hevi bilong homoseksueliti long sios o man i maritim man.

Homoseksuel o gei lain em ol man i laikim ol man yet.

Planti Anglikan Sios memba i egensim stret pasin ol i makim wanpela gei bisop long Amerika. Planti sios memba long ol developing o liklik kantri i bin egensim tru dispela na em bin kamapim prèt pasin olsem bai sios i bruk.

Ol 38 praimet i makim Anglikan Sios long wol is tap insait long wanpela wik bung we i bin stat long Mande na bai pinis long tumora long Newry siti ausait long Co Down boda.

Ol i glasim Windsor ripot we Lambeth Komisni i bin kamapim long las Oktoba insait long bung bilong ol.



• Asbisop ov Kenteberi Dokta Rowan Williams

Asbisop bilong Kenteberi Dokta Rowan Williams i bin sanapim Komisni long glasim ol ripot long pasin ol gei istap long en long Amerika na Kanada.

Episkopol Sios long Amerika i bin makim Gene Robinson husat i wanpela gei olsem bisop long Nu Wesminista long Kanada we i luksave long marit bilong tupela man yet.

Long Ingran, bikpela paialait dibeit i bin kamap long ol geilain taim ol bin laik nominetim o makim Dokta Jeffrey John olsem Bisop bilong Reading. Tasol e mi no bin kisim dispela wok. Windsor ripot i bin tok i gat prèt bai i gat bruk long sios sapos pasin bilong sekan na bel isi i no kamap.

Bung bilong sios ov Ingran (Anglikan ) las Fonde i bin tok sios i no wanbel long US sios i makim Bisop Robinson husat i wanpela gei long dispela wok bilong sios.

Asbisop Rowan it ok makim Bisop Robinson i mekim sios i no strong sapos e mi no bagarap olgeta. Na dispela i sapotim wankain toktok bilong Anglikan Komyunion.


## Famili na gutpela sindaun woksop sutim bel bilong planti pipel

Big Joe svd i  
raitim

SEN John Vianney Seminari long Vanimo Wes Sepik provins i bin holim wanpela semina long toktok long famili, gutpela sindaun na pasin bilong lukautim pikinini God i givim long ol papamama.

Long dispela tupela Januere '29 na 30, planti pipel bilong kainain ples i bin bung long hap bilong St. John Vianney Seminari long harim ol spika husat ol i kam long Amerika, Australia na PNG tu.

Planti toktok i sutim bel bilong ol lain i stap long semina. Ol lain i bin kamap long wok-



Bisop bilong Vanimo Cesare Bonivento i givim tok welkam long daiosis bilong em. Foto: Big Joe svd

sop em ol nes, ol tisa na pris, ol papamama na ol lain seminari. Deputi gavana bilong Vanimo tu i bin stap ful taim long dispela semina. Ol i harim ol stori long pasin bilong sampela lain i laik daunim populesen nating.

Semina woksop i bin harim olsem PNG i gat gutpela graun na wara

na sapos ol famili i kisim helpim bilong gavman na ol narapela servis ol inap long lukautim gut ol pikinini. Pasin bilong kilim pikinini long bel em i bikplea hevi i no long long pikinini tasol em i bikplea hevi tu long ol mama ol i mekim samt- ing olsem na ol man bilong ol.




### Wanem kain kaikai yu planim, dispela kain tasol bai yu kisim

Ol brata, sapos yupela I save olsem wanpela bilong yupela I bin mekim sin, orait yupela man i bihainim Holi Spirit, yupela I mas mekim pasin isi long dispela man na helpim em long stretim pasin bilong em. Tasol yupela I mas lukaut gut long yupela yet. Nogut satan I traim yupela na yupela tu I pundaun long sin. Yupela I mas helpim ol arapela long karim hevi bilong ol. Long dispela pasin bai yupela inapim tru lo bilong Krais. Sapos wanpela man I ting em I gat nem, tasol em I no gat nem, orait dispela man I gijanim em yet. Olgeta man I mas skelim wok bilong ol yet, yet I gutpela o nogat. Man I mekim olsem, em I ken amamas long pasin em yet I mekim na em I no mas skelim pasin bilong en wantaim pasin bilong narapela man, long wanem, olgeta man wan wan bai karim hevi bilong pasin yet I mekim.

( Galesia 6:1-6)

# Nius Bilong HIV AIDS

Tok Lukaut



wantaim  
David Ephraim

Long dispela wik long tok lukaut mi laik kisim dispela taim long tingim wanpela gupela Lida man bilong Kantri Lebanon. We long Mande namba 14th de bilong mun Februari 2005 I bin dai wantaim 6-pela bodi gad bilong en na ol narapela manmeri we i wokim olsem long 16-pela olgeta we ol idai ausait long wanpela bilding long ka bom atek.

Nem bilong dispela Lida man em Rafik Hariri em bifo Praim Minista bilong Lebanon na i bin ronim kantri Lebanon long mak bilong 10-pela krismas. Long 14-pela mun i go pinis em i risain olsem praim minista na i no long taim tasol na em i dai long ka bom atek.

Leit Hariri em i gat planti mani ol i kolim long bilienia na em i yusim mani bilong em yet long developim kantri bilong em long kamap gupela ken bihain long bikpela pait i bagarapim kantri bilong en.

Em i bin helpim long ribildim Kapital bilong kantri bilong em Beirut wanpela stronpela ples we ol turis i save go long en nau.

Long kain wok bilong em na em i bin winim Yunaitet Nesens (UN) awod long bildim kantri bilong em i kamap gupela ken bihain long bikpela pait insait long ol pipel bilong em yet. We long tok inglis ol i save tok Civil War.

Beirut i bin wanpela teroris kapital (ples bilong kidnap, kilim man idai, na ol kain teroris ples). Tasol dispela i no pretim Leit Hariri long sanap strog long helpim kantri bilong em long kamap gupela ples we nau i stap long en.

Long ol kain wok bilong em planti manmeri i save kolim em long Mr. Magic. Leit Hariri em wanpela man bilong kamapim pis o gupela sindaun na sekan pasin insait long Middel Is long wok bilong em long brigim ol kristen, Muslim na ol Jew long wok bung wantaim.

Leit Hariri i bin wanpela gupela rol model o piksa bilong mi na mi laik tingim em long dispela taim insait long ol ripot mi save

raitim long Wantok Niuspepa. Leit Hariri em wanpela i man husait i wokim em yet kamap bilionea.

Long pinis mi laik tok olsem man i ken kilim i dai ol kain man olsem em tasol ol ino nap long kilim dai ol wok bilong dispela kain man.

May your soul rest in peace Leit Rafik Hariri a true Peace maker. I will remember you as a pencil in the hand of a mighty God writing a love and peace letter to the world.

**Tok Lukaut**

LONG kirap bilong terorisim, raskol pasin, netsurof disasta olsem sunami na HIV/AIDS long graun yumi stap long en. I gat wanpela samting ol i kolim long poret pasin we i wokim planti manmeri i stap insait long ol bikpela hevi. Long las wik tasol, tokwin i wokim planti manmeri i ron-awe i go antap long ol maunten bikos long poret tasol. Poret i save i stap insait long sosaiti, komyuniti na famili bikos ol manmeri i no save o klia long hau ol dispela kain hevi i save kamap.

Dispela em soim stret olsem planti manmeri bilong yumi i nidim moa awenes na tok skul long ol luksave long ol dispela kain hevi olsem sunami. Tok strong nau i go aut long ol NGOs, sios, na gavaman dipatmen long wokim gut wok bilong ol long skulim ol pipel bilong yumi long ol kain hevi olsem sunami na HIV/AIDS.

Long dispela rot ol manmeri i ken klia long taim tru bilong hevi na i no pret nating tasol long nomol drai rif. Na tu long kirap bilong HIV/AIDS planti manmeri i pret yet long go klostu long ol lain husat i gat HIV/AIDS.

Sapos yu save liklik long rot bilong kain ol hevi i save kamap plis tingim wantok bilong yu na helpim long skulim em bipo nem bilong ples bilong yu bagarap.

Ol kain hevi olsem HIV/AIDS na sunami i no save toksave long wanem taim bai ol i kisim yu.

Taim nau long lain-im.

# Nupela buk long HIV/AIDS

Paulus Tali i raitim.

NUPELA buk i stori long sik HIV/AIDS i kamap. Nem bilong buk em "AIDS, My Brother's Story". Raita John Kian husat i wanpela tisa, leksera na dairekta long yumivesiti senta nau i wok olsem Open na Distens Lening Dipatmen long Yunivesiti ov teknoloji long Lae i raitim stori long brata bilong em Jimmy husat i dai pinis long dispela sik nogut HIV/AIDS we planti man long wol na PNG i wok long dai long en.

Long dispela nupela buk, Mista Kian i soim tru ol pret pasin, tingting na toktok we pablik i gat long ol manmeri i gat dispela sik long PNG tasol long wankain taim tu, e mi gviim mesej long hop na luksave long yumi olgeta.

Nesanel AIDS Kaunsel i bin lonsim nupela buk las

wik.

Em i trupela stori we Mista Kian i stori long brata bilong em Jimmy husat i wanpela marit man na i holim bikpela wok long komyuniti olsem tisa na i bin gat bikpela luksave long komyuniti, tasol dispela sik nogut i bin kisim em.

Maski Mista Kian na meri bilong em i gat wok, em i bin lukautim gut brata bilong em inap em i dai long yia 2001.

Mwri bilong brata ya tu i bin dai long yia 2003 na ol i lusim 5-pela pikinini we Mista Kian na famili i lukautim ol i stap.

Long dispela rot nau bai yumi ol narapela i ken luksave long rot wei yumi i ken daunim sik AIDS na helpim long lukautim ol narapela na yumi yet.

Infomesen opisa bilong Nesanel AIDS kaunsel, Margaret Munjin i tokim Wantok nius olsem dispela



Wantok Ripota Veronica Hatutasi i ritim stori i stap long nupela buk. Foto: NEVILLE CHOI.

buk Mista Kian i raitim stat long 2000 i kam inap nau ol i lonsim. AusAID i bin sponsaim dispela buk.

Dairekta bilong NAC, Dokta Ninkama Moiya i tok buk em i moa gupela na em

inap long helpim laip bilong tude.

Em i tok olsem ol bai givim dispela buk i go long ol skul insait long Pot Mosbi na bihain bai i go aut tu long ol narapela senta.

# Ol UPNG sumatin mas lukautim ol yet long AIDS

.....naitklab as long uni sumatin kisim AIDS

Maisan Pahun i raitim

KLOSTU long 50 sumatin long dispela yia bai i painim sik AIDS long ol yia i kam na bai lusim stadi na go long ples. Vice Chancellor (VC) bilong Univesiti bilong Papua Niugini (UPNG) Profesa Leslie Eastcott i bin tokim ol nupela sumatin long UPNG long Mande long stat bilong skul yia.

"I bin gat planti sumatin pinis husat i bin lusim stadi bilong ol na go long ples bikos ol i bin gat sik AIDS," Profesa Eastcott i tokim ol fes yia sumatin long UPNG. Dispela sik nogut i bin kisim planti gupela laip bilong ol sumatin long UPNG na long dispela yia VC i tok strong bai ol nupela sumatin i mas was gut long ol yet na noken mekim nabaut long laip bilong ol.

Em i bin tokim ol sumatin tu long noken skelim nidol o yusim wanpela resa long katim mausgras o gras bilong skin. Sik AIDS i bikpela samting nau long kantri na namba bilong ol sumatin i gat dispela sik i bikpela tru insait long

kantri.

Metropolitan komanda bilong NCD Mista Tony Wagambie tu i tokim ol sumatin olsem planti bilong ol lain i kisim dispela sik nogut em ol lain husat i bin go raun long ol nait klab na kisim. "Mosbi siti em ples bilong kainkain manmeri na long pasin bilong amamas na raun long ol nait klab em yupela mas lukaut gut, nogut yupela painim sik nogut long kain ples," Mista Wagambie i tokim ol sumatin long taim bilong opim skul yia bilong ol.

Namba i kamaut i soim olsem planti ol sumatin i kisim sik AIDS taim ol i painim pren long nait klab.

Moa long 1000-sumatin-bai stadi long UPNG mein kempes na open kempes long dispela yia. Long dispela yia tu bai gat tupela sumatin bilong Yunivesiti bilong Saut Pasifik (USP) long Fiji kam stadim lo long UPNG bihain long wanpela senis program i bin kamap we tupela sumatin long UPNG bin go daun long USP. Dispela i wokim UPNG kamap olsem wanpela top yumivesiti insait long Saut Pasifik na wol tu.

Nau yet i gat wanpela

sumatin long UPNG stadi i stap long Rykus Univesiti long Japan. Long Olgeta yia i save gat 3500 sumatin long ol narapela univesiti long wol resis long go long dispela univesiti tasol 1000 sumatin tasol save kisim spes long dispela skul. Na tu i gat 3-pela narapela sumatin stadi stap long ol univesiti long Canada na Amerika.

Long namel long dispela yia tu bai wanpela sumatin long UPNG medikof skul bai go long yurop long presentim wanpela akademik pepa bilong em long yurop. "Dispela ol samting i soim olsem PNG sumatin i ken mekim gut long top bilong wol," Profesa Eastcott i tok.

Skul bai i stat tude long ol fes yia na ol kontiniu sumatin long neks wik. VC tu i tok strong olsem UPNG i tambu long ol sumatin long dring bia o karim bia ikam insait long univesiti, man sumatin paitim ol meri, na long sumatin paitim ol sekuriti bilong Univesiti. "Sapos wanpela bilong yupela sumatin i wokim ol dispela pasin bai bai ol i rausim yupela long UPNG," Profesa Eastcott i tok.

# Papamama nidim aweanes long redi long skul fi

....pinisim skul fi long pinis bilong tem 1

Veronica Hatutasi i raitim

OL papamama i nidim aweanes long redim ol yet long wok bilong ol, moa yet long sait bilong skul fi, planti skul we Wantok i toktok long ol i autim tingting olsem.

Dispela em bikos long stat bilong olgeta yia, wankain stori i kamap long planti papamama na gadien olsem ol i sot long mani long peim skul fi long ol pikinini bilong ol.

Ol skul i bin tok strong tu olsem ol i nidim mani long karimaut ol wok bilong ranim skul na ol papamama i mas luksave olsem sapos ol i laikim ol pikinini bilong ol long kisim gupela save, sindaun gut long skul na lainim ol samting, ol i mas mekim hap wok bilong ol na dispela em long baim skul fi.

Long wankain taim tu, sampela skul i pilim olsem Nesanel Kapitel Distrik Edukesen i no strongim kona bilong em long sapotim ol skul insait long siti husat long bung bilong ol i bin tok strong long ol sumatin i mas peim ful skul fi bipo skul i ken kisim ol i go insait. Tu, planti skul i gat ol skul fi dinau i stap yet long ol papamama bilong las yia na sampela, long ol yia pastaim tu.

"Ol papamama i nidim aweanes long redim ol yet long skul fi. Ol i mas stretim na redim gut ol yet na ol i gat planti taim long wokim dispela inap long pinis bilong yia. I gat sampela i bungim tru hevi na dispela mipela i luksave. Tasol sampela i no gat trupela hevi," tisa bilong wanpela skul i tok.



## Polis Fos i mas gat gutpela pasin

Paulus Tali i raitim.

POLIS i mas i gat bikpela disiplin o pasin bilong harim tok na bihainim gut lo.

Dispela em i wanpela bikpela toktok Gavana Jenerel bilong Papua Niugini Sir Paulius Matane i bin mekim taim em kamap las wik long Bomana polis kolis autsait tasol long Pot Mosbi long wanpela pered.

Em i tok nau i nogat planti polis i save bihainim gutpela disiplin na em i tok strong long dispela long polis i mas kamap gut na helpim long strongim wok bilong lo na oda insait long kantri.

"Kantri bilong yumi i kisim independens long 1975 i kam i nau 2005, na em i 30 krismas nau na yumi i mas soim gutpela disiplin na rispek long ol narapela na dispela bai i mekim ol pipel tu i gat rispek long lo na oda," Sir Paulias i tok.

"Narapela bikpela samting tu em i haus na welfea bilong sosaeti na famili long polis fos. Komisina bilong polis i mas lukluk na stretim ol dispela kain hevi we ol polis i ken sindaun gut na wokim gut wok bilong ol," em i tok.

Sir Pauluas i tok i gat gutpela lidasip bai polis fos i ron gut na karim gutpela wok bilong polis fos insait long kantri.

• Kandre bilong Pater Frank Mihalic i kam raun long Wiriu pres long Wewak na lukluk long ol masin na oipela *Wantok Niuspepa* we Pater Frank Mihalic i bin stap insait long kamapim long PNG. Em i kam long Amerika long dispela yia na lukluk raun long ol han mak na ol wok bilong kandre bilong em Pater Frank Mihalic hia long PNG. Pater Mihalic i bin go bek long kantri bilong em Amerika na i dai pinis.

## Nupela polis Inspekta bilong Waigani

Paulus tali i raitim.

WAIGAIN komyuniti polising yunit i gat nupela inspekta bilong ol nau.

Inspekta David Komara i kisim dispela wok bilong em long Disemba 17, 2004 na nau em i lukautim dispela divisen.

Inspekta. Komara i stap aninit long Asisten Komisina bilong polis Tony Wagambie.

Inspekta. Komara i tok dispela yia em i wanpela salens yia bilong em we ol bai i karim gutpela wok i go long ol pipel long traim na daunim lo na oda problem insait long ol komyuniti olsem Waigani, Tokarara, June Vellay, Morata, na Ensisi Valley.

Narapela progrem bilong komyuniti polising ol i mekim nau i pinis wantaim *Wantok Redio Light* we ol i toktok moa long hevi bilong mariwana, pasin bilong paitim meri, rep na ol narapela bikhet pasin.

Olgate Tunde yunit bilong inspekta. Komara tu i save mekim ol awenes long banis bilong Waigani polis stesen na husat manmeri i laik harim na save i ken i go tasol long polis stesen.

"kantri bilong yumi em i Kristen kantri na yumi i mas wok bung wantaim long daunim dispela kain ol hevi," Inspekta. Komara i tok.

Em i salensim ol yangpela long rispektim laip bilong ol meri na ol mama na laip bilong narapela man tu bikos laip i kam long God na em i bikpela samting.

Long Waigani tu i gat ol opisa i stap olsem Saijen. Pathryn Dikin, Mich Bourke husat i kam long Australia aninit long ACIL.

Ol narapela em Steno Toitoti na Elizabeth Tiban. Ol dispela lain i lukautim komyuniti polising yunit long Waigani polis stesen.

"Ol kesuel wok lain olsem mi iken kisim wankain benefit ol planti lain i kisim pinis"



## Gutpela nius bilong ol kesuel na ensileri woklain iwok wantaim ol pablik sekta insait long Papua Niugini.

Sapos yu klina, draiva o gaden boi isave wok long ol haus sik o ol arapela pablik sekta opis olsem kesuel o ensilari wok, igat bikpela sans olsem yu inap kisim membasip bilong POSF.

Membasip wantaim POSF ino bilong ol fultaim woklain tasol.

Membasip bilong POSF igat planti benefit o helpim. Wanpela bilong ol em Suparenuesen fan. Yu putim 6% bilong fotnait pe bilong yu na wok opis bilong yu bai putim 8.4%. Taim yu pinis o iusim

wok yu ken kisim olgeta mani wantaim interes we ikamap wantaim POSF invesmen (19% long 2003).


Arapela benefit o helpim long ol memba em diskaun igo long ol memba long sampela stua na helpim bilong baim haus.

Ol kesuel na ensileri woklain igat rait long joinim fan bihain long ol iwok tripela mun pinis long hap ol iwok nau. Olsem ol fultaim memba isave kisim, ol tu igat rait long putim sampela moa mani igo antap long seavings bilong ol bihain long takis.

Dispela em long apim ol benefit na helpim ol inap kisim bikpela moa taim ol ilusim wok. Askim opis bilong yu long harim na save moa long dispela gutpela nius.



A new future with POSF



Salim pas i kam long  
WANTOK  
Niuspepa  
P.O. Box 1982,  
Boroko, PNG

## Nogat gutpela sevis long Kabwum

**Dia edita**

Mi no lukim gutpela sevis bilong Kabwum memba long ples bilong mi.

Em i bin promisim mipela nating long stretim ol rot long Wasu i go long Kabwum na Derim i go long Yalumet.

Insait long hairim kampani o wanpela konstraksen kampani long i go na wokim rot mentenens na wokim nupela rot, tasol Kabwum memba bin baim ol sawof, sarep, krubar, tamiok na arapela tuls bilong digim graun na wokim rot.

Dispela kain tingting em bilong 1920s tasol memba bilong Kabwum Mista Bob Dadae kisim i kam long 2005 na mipela manmeri bilong Kabwum lukim dispela

na i no stret long komyuniti na ai bilong pipel.

Olsem na ol manmeri putim dispela komplem long yu ken wokim gutpela disisen na bringim sevis i kam long ples wantaim nupela sistem.

Ol manmeri i tes pinis long wokim rot wantaim han. Dispela kain wok em ol tumbuna bin wokim ples balus em inap.

Nau em 2005 na yupela memba noken giamanim pipel na putim mani i go insait long poket, em we i no alawens mani bilong yupela nogat em mani bilong pipel na yusim long we bilong em.

**GUNIONG M.  
KABWUM  
MOROBE PROVINS**

## Wetim yet win mani bilong gol kampani

**Dia Edita**

Mi wanpela grasrut man long ples mi laik autim wari bilong mi i go long Wantok Niuspepa bai Wantok i ken helpim mi long autim long pablik.

Wari bilong mi em i olsem. Mi bin lukim long Wantok Niuspepa na ol man tu i bin tokim mi olsem i gat sampela rot i stap em inap long helpim yupela ol grasrut lain long ples.

Ol i bin tok olsem yupela i mas baim sia o invest long dispela kampani ol i kolim KVDC Gold Ltd em bai inap long helpim yupela long baim skul fi o kamapim ol liklik wok bisnis long ples.

Olsem na mipela i bin harim na mipela i amamas tru na mipela i baim sia o invest pinis

na mipela i wok long wetim winmani bilong mipela na i stap yet.

Tasol mipela i no kisim wanpela toksave i kam long kampani olsem wanem taim bai kampani baim sia o dividen bilong mipela ol grasrut man long ples. Olsem na mipela i laikim olsem Wantok Niuspepa i mas traim long painim aut na toksave long mipela bikos em wanpela rot tasol bilong mipela ol grasrut lain long ples.

Em tasol wari bilong mi. Mi bai amamas tasol long kisim bekim bilong pas bilong mi long Wantok Niuspepa o adres bilong mi em: PO Box 509, Madang.

**JAMES SAN POPE  
NCR  
MADANG**

**Toksave:** Sampela ol pas mipela i kisim i longpela tumas na i no givim spes long ol arapela pas. Inap yupela i sotim pas bilong yupela nogat edita i kalim pas long inapim spes. -Edita

# Wanpela sios tasol long Baibel

**Dia edita,**

Mi laik putim aut wanem samting mi save long en long Buk Baibel na ol manmeri long PNG i ken skelim.

Minim bilong sios. Baibel ol i raitim long tok Grik pastaime olsem na dispela nem sios long tok Grik ol i kolim "Ekklesia" em i tok olsem, ol manmeri harim singaut na i kam aut (the call outs) narapela em Kingdom, em i gat wankain mining olsem wanpela king i stap na i mas i gat lain bilong em na ol i mas istap insait long Kingdom bilong em.

I gat tok profet olsem sios bilong Krai bai stat long Jerusalem. Olgeta dispela ol profet i tok olsem sios bilong Bikpela bai kamap long Jerusalem na em i winim 600 i go 800 yia i go pinis na em karim kaikai (Joel 2:28-29, Aisia 2:2-4, Daniel 2:44, Sakaria 14:9, 1:16, Mika 4:1-2).

Taim Jisas i kam daun long graun Jon bilong Baptais i tok, tanim bel Kingdom bilong heven i kam klostu pinis (Matyu 3:2) na Jisas yet i tok yupela ol manmeri i stap long dispela taim bilong Jisas ol bai i no i dai yet na bai ol i lukim sios bilong Krai bai kirap long promis graun long Jerusalem na ol yet bai lukim long ai bilong ol. (Mak 9:1) Na Jisas yet i tok aut olsem em bai wokim sios bilong em (Matyu 16:18).

Jisas i dai na em i kirap bek na i stap 40 de (Aposel 1:3) na em tokim ol disaipel ol i mas i go stap long promis graun (Jerusalem) (Aposel 1:8). Taim ol wet long Jerusalem 10-pela de i go pinis na de bilong Pentikolen na olgeta manmeri i kam long Jerusalem olsem 17- provins olgeta i kam (Aposel 2:5-10).

Pita wantaim ol arapela aposel i wok long sanap strong long taim Holi Spirit i kam long ol na ol i stat autim gutnius (dai, planim, kirap bek bilong Jisas) long ol manmeri.

Ol aposel i bihainim tok bilong Jisas long mekim dispela wok bilong autim Gutnius. (Maty 28:18-19, Mak 16:15-16)

Yes ol manmeri i harim tok bilong God long maus bilong ol aposel i sutim tru bel bilong ol na long dispela de 3000 man-

meri i kisim baptais (Aposel 2:41) na em i go antap long 120 bilip manmeri i stap pinis long em (Aposel 1:15) na bungim wantaim namba i go antap 3120 bilip manmeri na planti i wok long i kam insait olgeta de (Aposel 2:47) na namba suruk i go antap olsem 5000 (Aposel 2:47) na ol hetpris tu bilip na i go insait long sios bilong Krai (Aposel 6:7).

Ol manmeri i kam insait long sios bilong Krai i kisim nem kristen namba wan taim (Aposel 11:26) na ol i tok mipela i kisim pinis dispela Kingdom i no inap guria (Hibrew 12:28). God baim bek yumi ol manmeri bilong graun na putim yumi i go insait long sios o kingdom bilong Pikinini bilong Em (Kolosi 1:13-14). Taim Jisas i kam bek namba 2 taim em bai kisim sios o kingdom bilong em yet na givim long God. (Korin 15:24, Reve 19:7)

Yu i no inap lukim kainkain nem bilong lotu (33000) long holi buk Baibel tasol bai yu lukim wanpela sios bilong Krai (Rom 16:16) tasol tude long wol i gat dispela namba (33000 dinominesin o ol lotu).

Pasin bilong lotu insait long dispela sios Jisas i wokim. Yu no ken putim i go antap o rausim tok i stap long Baibel (Rev 22:18-19); Pol i tok wanpela man o ensei i kam bihain na autim i no wankain olsem mipela autim long yupela em i ken lus (Galasia 1:6-9); Spirit bilong God yet i kamapim olgeta tok long Baibel (2 Timoti 3:16-17); Dispela tok bilong God em i tru olgeta (James 1:25). Sios bilong Bikpela long Baibel i save bung long olgeta Sande long kisim komunio na givim kolekta (Aposel 20:7, 1 Korin 16:2) na harim tok bilong God (Hibrew 10:25)

Taim sios i bung long lotu ol meri i no save mekim wok olsem lidim song, prea o autim tok ol i save pasim maus tasol na kisim tok Baibel i gat tok (1 Korin 14:34-36, 1 Timoti 2: 11-15)

Sios Jisas i wokim ol i no i save makim taim bilong baptais, o wokim sina prea o i stap long klas redi bikos yu i no inap painim ol dispela tok long buk baibel tasol long Baibel i gat dispela 5 pela we: Harim tok (Rom 10:14, Mak 16:15-16); Bilipim tok (Rom 10:17, Jon 14:1); Tanim bel (Luk

13:3); Autim bilip (Rom10:9-10, Matyu 10:23 na Baptais (Jon 3: 3-6, Rom 6:3-4, Mak 16:15-16, Aposel 2:36-41).

Wanpela we long God i kisim bek man em dispela 5 pela we Baibel i holim rekod na ol eksampel i stap long dispela Baibel ves yu i ken lukim na skelim. (Aposel 2:36-41, 8:13-14, 9:18, 16:11-15, 16:33-35)

Sios histori. Sios i stat long Jerusalem long 33AD, 23 yia ol aposel autim Gutnius (33-56AD) 56AD i go 96AD ol raitim buk Baibel (40 yia)

Long 33 AD i kam long 96AD ol manmeri i bilip long Jisas i kisim bikpela bagarap long han bilong ol hetpris na ol soldia bilong Rom bikos Jisas em tok em pikinini bilong God na ol i strong long kisim em i dai (Luk 22:70-71).

Taim ol man i tok Jisas i kirap bek ol hetpris na ol soldia bilong Rom i wok strong long kilim tausens na tausens kristen olsem na papamama i no larim ol pikinini i ken save long wanem samting ol bilip long em olsem na ol pikinini i no bihainim. Long yia 96AD - 605AD in gat wanpela lotu (33000) i stap, nogat Baibel i stap na sios bilong Krai i stap (Church of Christ Rom 16:16).

Dispela em ol kainkain lotu i kam em i stap yu i ken painim em stat long we? Na husat statim na yia yu i ken lukim na skelim gut.

Taim	Ples	Man statim	Sios
606AD	Rom	Bonituca III	Roman Katolik
1520AD	Jemeni	Martin Luther	Luteran
1534AD	Inglen	Henry VIII	Ephiskoplan
1536AD	Swisilen	John Calvin	Presbitrian
1550AD	Inglen	Robert Brown	Congregation
1607AD	Holand	John Smitie	Baptist
1739AD	Inglen	John Wesley	Methodist
1830AD	Amerika	Joseph Smith	Mormons
1830AD	Amerika	William Miller	Adventists
1866AD	Amerika	Mary Baker	Christian Scientist
1872AD	Amerika	Charles T. Russel	Jehova Witnes

Nau 2005 i gat 33000 lotu i stap tasol promis long Baibel i tok sios bilong Jisas bai kirap long Jerusalem tasol ol dispela kain lotu i kam we? Yumi bai bihainim tok bilong God o man? Sios bilong Krai em stat long Jerusalem na olgeta pasin bilong lotu i stap long Baibel tasol ol man i kirap ol putim lo bilong ol yet (Matyu 13:7-9, Rev 22:18-19, Galasia 1:1-10, 2 Timoti 3:16-17)

Jisas yet i tok bai mi wokim sios bilong mi (Matyu 16:18) Baibel i tok, i gat wanpela God i gat wanpela spirit i gat wanpela baptais na i mas i gat wanpela sios bilong Krai (Efesas 4:4) na Jisas yet em het bilong dispela sios (Kolosi 1:18).

Dispela ol tok bilong God em bai pait liklik long tingting bilong yu em mi save tasol em wanem samting mi save long em na mi beten na putim aut yu yet i ken skelim na gutpela long en yu kisim na nogat long em yu lusim (Jon 12:48).

Yumi stap long fri kantri olsem na yu i ken tokaut long wanem samting yu ting em inap helpim arapela. Tenk yu tru na God i ken blesim yu moa yet. Olgeta Church of Christ i givim gutde long yupela olgeta (Rom 16:16).

**MARK DUA  
CHURCH OF CHRIST - JUNE VALLEY  
NCD**



**Pul igo long maket...** Ol femili bilong ples Angoram i kisim ol kaikai na sampela o samting long salim long Angoram maket. Hia yu ken lukim olsem ol i yusim wanpela mambu kanu na seil i go long taun long salim ol kaikai na ol kaving long maket.

Poto: PHIL GIBBS

**WANTOK**  
**KOMENTRI**

**Stopim sik AIDS long bagarapim skul**

SIK AIDS inap bagarapim tru gutpela yangpela laip na skul bilong ol yangpela sumatin bilong Papua Niugini long bihain taim sapos nogat gutpela was na ol wok bilong stopim dispela hevi i go insait long ol banis bilong skul nau.

Taim skul yia i stat ol papamama na famili i amamas long lusim ol pikinini i go stap bilong ol yet long skul long stadi bilong ol tasol dispela taim ol i mas mekim samting wantaim tingting na kontrol. I gat pret olsem wanwan sumatin i save painim dispela sik nogut long taim ol i go aut na kam bek long skul. Ol i go aut long wiken pati wantaim ol pren na ol inap kisim dispela sik na kam bek skelim long ol gutpela sumatin long skul we ol i save pren wantaim o serim ol resa bilong sev o rausim mausgras, ol nil o sap samting we ol i save yusim wantaim.

Tasol i gutpela long lukim olsem planti skul na koles insait long kantri i gat ol program bilong givim tok stia na gutpela was long ol yangpela pikinini long skelim gut sindaun na wokabaut bilong ol taim ol i stap long skul na go ausait long banis bilong skul.

I gat pret olsem nogut ol sumatin long ol yunivesiti na ol koles insait long kantri i stap long taim nogut we sik AIDS i wok long kamap bikpela na sans bilong ol long kisim dispela sik i bikpela moa. Planti sumatin em krismas bilong ol namel long 16 na 30.

Vice Chancellor bilong UPNG Profesa Leslie Eastcott i bin tokim ol sumatin long lukautim ol gut na noken mekim nambaut nambaut. Em i askim ol long yusim gutpelea tingting na rot long lukautim ol yet na i no putim ol yt long rot bilong kisim AIDS.

Bos bilong polis tu long Mosbi na Sentrel Tony Wagambie i strongim dispela toktok na salensim ol sumatin long putim skul bilong ol i go pastaim na noken westim taim long painim pati na amamas bilong siti.

Em i tru olsem planti bilong ol lain i kisim dispela sik i tokaut olsem ol i kisim taim ol i save raun long nait klab na pati ples bilong siti.

Siti lait i save pulim laik na tingting bilong planti ol yangpela na taim ol i go amamas ol i painim kainkain trabel insait long pasin spak, kisim spak brus, reip na pamuk

Olsem na ol yunivesiti insait long kantri i redi na i kamapim pinis program we bai i skulim ol sumatin long dispela sik nogut.

UPNG, Unitech long Lae, na Divine Word University long Madang i gat skulim arapela program we ol i save helpim ol sumatin. Insait long program ol kaunselor husat i save long wok bilong givim tok stia, wokman bilong lotu na ol ol helt kaunselor i save helpim ol sumatin long ol tok stia na tok was.

Dispela em wanpela gutpela rot ol skul i kamapim bikos ol student em laip na strong bilong kantri bilong mipela long bihain taim na yumi ino inap long larim dispela sik nogut i daunim ol dispela yangpela pipel bilong yumi.

Em i wok bilong yumi olgeta famili long tok strong tu long ol pikinini na famili bilong yumi long lukaut gut na stap gut na isi long skul na tingting stadi bilong ol we em i bikpela samting ol i go long en na i no nabaut nabaut bilong painim trabel, sik nogut na dai.

Taim yumi olgeta i traim long painim rot na wok bung wantaim long stopim dispela sik nogut long i noken go insait bagarapim ol pikinini bilong yumi long skul, ol skul tu i mas taitim ol lo bilong em long skelim wokabaut bilong ol sumatin. Givim mekimsave long ol student i save dring spak long skul bikos ol bai sikirap long paitim pati na go aut. Husat i spak, givim bikpela mekimsave tru long em. Olgeta sumatin i mas kisim blut tes bai skul i ken gat save na kontrol long namba na mak bilong sik HIV insait long skul banis na em i ken kamap wantaim ol rot bilong em long pait egensim dispela sik long noken go bikpela long arapela moa sumatin. Em sampela tingting tasol ol program i ron nau i mas go het wantaim bikpela sapot bilong skul na ol ausait grup husat i save wok insait long dispela program long tokstia na skulim ol manmeri long hevi na nogut bilong sik AIDS.



**Wanem taim bai PNG gat Deputy Praim Minista?**

Klostu wanpela yia, Papua Niugini i nogat Deputy Praim Minista. Opis bilong Deputy Praim Minista em namba tu bikpela politikel opis bilong kantri.

Em i wok bilong Praim Minista, Sir Michael Somare, long makim husat bai stap namba tu bilong em long gavman.

Taim gavman bilong Sir Michael i bin kamap bihain long 2002 Jenerel Ileksen, Mema bilong Rabaul, Dokta Allan Marat, i kisim wok olsem Deputy Praim Minista.

Dispela taim, Dokta Marat, i lida bilong Pipel's Progres Pati (PPP).

Bihain Sir Michael i bin rausim Dokta Marat long sia bilong namba tu Praim Minista na makim Mema bilong Essala long Milne Be, Moses Maladina, long kisim ples bilong Dokta Marat.

Mista Maladina long dispela taim i bin lida bilong Pipels Eksen Pati (PAP).



**TOK PISIN**  
wantaim  
**PETER MAIME**

Ating, Sir Michael i no wanbel wantaim sampela ol politik toktok bilong Mista Maladina na em i bin rausim em long dispela wok bilong Deputy Praim Minista.

Olsem mi bin tok pinis, dispela posisen bilong Deputy Praim Minista i stap nating klostu wanpela yia.

Sir Michael i mas holim yet dispela sia long skelim gut sindaun bilong gavman bilong em pastaim long em i makim husat bai kamap deputi bilong em.

Tasol tu em mas save olsem dispela sia em bilong ol pipel bilong PNG. Em i mas hariap liklik long mekim disisen bilong em long makim Deputy Praim Minista.

Papua Niugini i save taim Sir Michael i kam long gavman, em i kamapim planti ol gutpela wok bilong kantri. Planti pipel i gat bilip long gavman bilong em.

I no long taim i go pinis, Deputy Nesenel Alaiens lida bilong Hailans Rijion and Sivil Aviesen na Trensport Minista, Don Polye, i tok Oposisen long Nesenel Palamen, i malummalum pinis. Sir Michael em i lida bilong Nesenel Alaiens Pati.

Sapos dispela toktok bilong Mista Polye i tru, bilong wanem na Sir Michael i no laik lusim dispela opis bilong Deputy Praim Minista long han bilong wanpela man o meri long sapotim em long ronim kantri?

Sir Michael i pret long husat? Sir Michael em sief na papa bilong dispela kantri na sapos em i pasim dispela opis bilong Deputy Praim Minista longpela taim, i no longtaim ol pipel bilong em long Papua Niugini bai tok bilas long em.

**Lidasip em yumi kolim, bungim tingting wantaim**

Long dispela stail olgeta i skelim gut tingting na toktok wantaim na kirap wok wantaim. Lida i no wokim wan man disisen na tokim ol arapela long bihainim.

Long las wik mi bin tok olsem, yumi mas lukautim gut kantri na mekim gutpela pasin. Em i olsem, olgeta manmeri bilong Papua Niugini na Lida manmeri bilong kantri na sios olgeta yet i kirap long pasim tingting na wok wantaim.

Lida i no gridi long holim namba na em yet wokim disisen olgeta taim.

Nogat em i mas larim ol arapela i kam insait wantaim save na ekspirians bilong ol na em i givim ol rum long toktok na wok wantaim sapos i gat hevi i stap ol i wok wantaim em long painim ansa bilong ol long dispela hevi.

Buk Baibel i tok olsem: Yumi save, i gat wanpela bodi na i gat planti hap bilong em.



**OL PRINSIPOL BILONG**  
**GUTPELA LIDA**  
wantaim  
Pastor na Evangelist OLFARE JABERE

Na olgeta hap i no mekim wankain wok tasol. Nogat.

Olsem tasol yumi tu yumi planti manmeri, tasol long Kraisi yumi stap olsem wanpela bodi tasol na yumi olgeta wan-wan stap olsem poroman bilong ol arapela 'Rom 12:4-5'.

Nau bai yumi toktok long gavman bilong yumi. Yu lukim Sir Michael Somare wantaim gavman bilong dispela de em i bilong Papua Niugini na oposisen Lida Mista O'Neil wantaim memba bilong dispela de ol bilong Papua Niugini tu.

Yumi olgeta bilong wanpela hap tasol. Yu bilong wanem provins, o distrik o komyuniti o wanwan tokples, yumi bilong wanpela hap tasol em Papua Niugini.

Na tu yu save lotu long wanem kain lotu, long Sarere o Sande yumi olgeta bilong Papua Niugini tasol.

Na yu lida man bilong kantri, na yu lida bilong provins na distrik na komyuniti na sios na tok ples yumi save, yumi bilong Jisas Kraisi na Jisas Kraisi em i bilong God Papa bilong yumi olgeta.

Yumi lida manmeri na manmeri nating yumi mas wok bung wantaim long helpim kantri bilong yumi sanap strong gen.

Yupela i save olsem, hatwok yumi i save mekim long Bikpela, em bai i no inap lus nating olsem na oltaim yupela i mas wok strong long mekim wok bilong Bikpela. 1 Korin 15-58

Na helpim kantri gutpela Lidasip bilong Papua Niugini i ken yupela. kamap strong gen long

**WANTOK**  
Published Weekly, Wednesday, for Word Publishing Company, Ltd.  
P.O. Box 1982, Boroko, NCD  
Papua New Guinea  
Telephone: 325 2500  
Fax: 325 2579  
Email: [word@global.net.pg](mailto:word@global.net.pg)

Pe bilong wanpela yia  
52 niuspepa

<b>Ples:</b>	<b>Air:</b>
PNG	K140.00
AUSTRALIA	US\$100.00
ASIA PACIFIC na JAPAN	US\$80.00
AMERICA na EUROPE	US\$150.00

General Manager  
Justin Hansu Kili

Editor  
Yakam Kelo

Published by Jeremy Burgess and printed by Pacific Star, P.O. Box 6817 Boroko NCD at allotment 13 section 38 Waigani drive, Port Moresby

Word Publishing Company Limited is owned by 14 major churches of Papua New Guinea - Catholics 50%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



# PASIFIK NIUS

## Pasifik Kantri kamapim wanpela ikonomi

SUVA - WANPELA ripot we i tokaut olsem olgeta Pasifik ailan kantri i tingting long kamapim Pasifik plen bilong rijinol koperesen o wok bung wantaim i mas kamap tru na i mas wok.

Wanpela taskfos komiti i pinisim pinis dispela plen we bai i go long olgeta Pasifik memba kantri na ol i ken lukim long wokim proposel o ripot bilong ol.

Dispela plen i gat tripela mak bilong em long ol memba kantri tingim na makim. Nupela prektikol helpim, midiem, na long tem helpim. Dispela tasfos komiti i kamapim ful ikonomi plen bilong longpela tem we bai kamap sampela taim bihain long yia 2010.

Sekreteri bilong Pasifik Forum Greg Urwin i putim aut tu sampela senis we bai bringim hariap ikonomi helpim, olsem wankain rul long ranim tred na kastoms.

"Kain samting i save kamap taim tred agrimen i gro bikpela. I gat sampela eria we i no strong we mipela i painim aut long rijen olsem long vokesenol trening," Mista Urwin i tok.

## Polis painim Kabinet Minista

HONIARA - WANPELA Solomon Ailans kabinet Minista i wok long ranawe long lo bihain long em i kamapim wanpela birua long rot.

Polis i wok long painim wanem hap Minista bilong Hom Afes Nelson Kile i hait i stap bihain long em i ranawe long ples we kar i barn.

Minista bai go kot long tupela sas, wanpela em long ranawe long polis na narapela em long i no draiv stret na kamapim trabel.

Deputi Dairekta bilong Kukum Trefik Davis Suirara i tok olsem ol i no painim Mista Kile yet. Mista Suirara i tok ol polis i go long haus bilong em long Honiara tasol ol i kisim toksave olsem em i bin go pinis long lukim ol polis.

"Em i no kam kamap yet na mipela i wok long painim em yet," Mista Suirara i tok. Polis i tok Minista i bin ranawe taim em i bamim wanpela Telekom kar long wanpela rot bihain long Anthony Saru Bilding namel long Honiara taun.

## Afrika ranawe long PNG polis

POT MOSBI - WANPELA Afrika man husat i bin kam insait long Papua Niugini we i no bihainim lo na yusim Vanuatu paspot i ranawe i go olsem pinis long Indonesia.

Kot i bin painim olsem Mista Seth i karim sampela pamuk piksa buk, giaman Amerika dola, na giaman paspot. Em i bin go long kot na bihain em bin peim beil mani na go fri long dispela pamuk piksa buk na giaman US dola o Amerika mani em i bin kisim i kam .

Kot i bin tokim em long stap long Ela Beach hotel inap long ol i stretim paspot bilong em.

Tasol em i bin kros olsem em i gat 45 dei tasol long stap insait long kantri we sapos em i stap longpela taim tumas bai balus tiket bilong em abrusim taim.

Kot i wokim disisen yet we bai em i kam sanap long kot long 26 Januari tasol em i no bin kamap. Wanpela warent i bin go aut long arestim em tasol em i ranawe pinis.

Ofisa we i save was long Trans-National Crimes Unit Inspekta Moses Ibasagi i tok olsem Seth i lusim kantri pinis.

Caleb Seth i bin go long boda bilong PNG na Indonesia na bin lus long hap. Tok tok i kamap olsem em i go long Indonesia pinis.

Seth i bin tok olsem em i wanpela bisnis menesmen student bilong Shaingai long kantri Saina na em i raun i kam long Singapore na kam long PNG

WOL NIUS WOL NIUS WOL NIUS



WOL NIUS WOL NIUS WOL NIUS



## Ol kisim saspekt bilong kilim dai Sisiter

BRAZIL - Brazil polis i kwestenim wanpela saspek long kilim wanpela US sister na ol ami i painim wanpela kauboi long Amazon renforest husat i odarim dai bilong wanpela meri bikos long katim diwai.

Brazil i kamapim wanpela bikpela arres bilong ol raskol we i save kamapim pasin nogut long ol manmeri bilong renfores bihain long ol raskol i bin kilim US misinieri Dorothy Stang long Amazonian state ov Para.

## Jenolis kilim em yet

USA - JENOLIS na man i save raitim buk Hunter S. Thompson husat i autim dispela tingting "gonzo journalism" long ol buk olsem "Fear and Loathing in Las Vegas" i kilim em yet long het bilong em long haus bilong em long Aspen Colorado,



Polis na ol femili bilong em i tok Long februari 20 Dokta Hunter S. Thompson i kisim laif bilong em yet wantaim wanpela gansot long het bitong em long Woody Creek, Colorado. Ol femili bilong em bai toksave moa long memorial sevis na midia kontak bilong em.

## Tok lukaut long Amerika



IRAN - WANPELA Iranian boi i wokaut abrusim ol paintings bilong Imam Hussein, wanpela top Shi'ite Muslim bikman na tumbuna pikinini bilong profet Mohammed bilong Tehran. Long Februari 13 2005, Iran i tokim ol United States long noken salensim nuklia fesilitis na i tok Yurope i kamapim wanpela dil long stretim dispela hait toktok bilong wokim atomic wepons **REUTERS/Morteza Nikoubaz**

## Ol meri demonstret

LEBANON - OL LEBANESE meri holim nesenol fleg we ol soldia i wokabaut long wanpela strit we em i pas long ol demonstreta long Paliamen bilding long Beirut. Dispela Demonstresen em long kolim ol Syrian kamaut long Lebanon bihain long Lebanese palimen i kibung fes taim bihain long praim minista Rafik al-Hairiri i dai long wanpela kar bom long februari 14 2005. **JAMAL SAID/REUTERS**



## Australia plen long salim ol soldia

AUSTRALIA - Australia i plen long salim 450 ami i go long Iraq. Praim minista John Howard i tok John Howard i tok ol nupela soldia bai was olsem sekyuriti bilong ol Japanese enjininia long sauten Iraq na sapot long kamapim demokresi. Em i tok tu olsem dispela wok bai no inap klia wantaim planti ol Australia, tasol em i tok Praim Minista bilong Japan Junichiro Koizumi i askim long telepon na askim long em salim ami i go. Australia i salim pinis 950 trups i go stap pinis long Middle East.



## Beibi i gat tupela het

EGYPT - DOKTA i operesen gut tru na rausim seken het bilong 10-mun bebi. Manar Maged em i wanpela bilong dispela tupela sem kain twins, we sista bilong em i abrus long develop insait long bel bilong mama. Olsem na em i bon wantaim sekn het i pas long em - ol i save kolim dispela craniopagus parasiticus. Manar husat i bin helti i bin go operesen long Benha Childrens hospital long Cairo long Sarere. Dokta i tok seken het bilong em i orait na i ken smail - tasol i no

## Liklik pimeri



PARAGUAY - RICARDO CER- RON (L) na Sara Arauco i holim Milagros Cerron husat i gat 10-mun long wanpela hausik long Lima. Ol i kolim Milagros "little Mermaid" bikos long em i bon wantaim tupela lek bilong em join na operesen i wok long traim katim lek bilong em i go tupela. **REUTER/HO Municipalidad de Lima**



WOL NUIS WOL NUIS WOL NUIS WOL NUIS



WOL NUIS WOL NUIS WOL NUIS WOL NUIS

### UK lukluk long Saina



CHINA - LONG nambawan raun bilong Chancellor bilong UK Gordon Brown, em i go long Saina long painim aut long em yet olsem wanem Saina i go pas long wol long sait bilong groim meja ikonomi.


### Ol dokta sekim ol bear



CHINA - WANPELA enimol wokman i klinim titi bilong wanpela bear long wanpela reskiu senta long Sichuan provins, China.

### German i redi long welkamim Presiden George W Bush

GERMANY - GERMAN i redi long US President George W Bush - we em i mekim 5 dei raun long Yurop long stretim ol tingting wantaim ol kantri long hap.



### Indonesia bagarap gen

INDONESIA - Klostu 40 pipel i dai na sampela i lus yet bihain long graun i bin bruk na pundaun long Indonesia. Ol ofisal i tok bikpela ren i wokim wanpela ples we ol i save tromoi rabis i bruk na karamapim planti manmeri long klostu hap. Sampela bilong ol manmeri dai em ol i save bungim rabis na salim long kisim mani long dispela hap. Dispela samting nogut i bin kamap long Cimahi, klostu long West Javan siti bilong Bandung, 180 km saut-is long Jakarta.



### Bikpela kol i kamap long England

ENGLAND - OL MANMERI long Britain i redi long bikpela kol bihain long bikpela sno i pundaun long planti hap bilong kantri.



### Bus i tok tok wantaim Yurop



BELGIUM - PRESIDENT Bush i tokim ol Yuropien lida long Mande olsem trans-Atlantic unity i gutpela long skelim salens - wantaim Middle East pis, na toktok olsem Irani i kamapim nuklia poret na i muv longwe long demokrasi na i go klostu long Russia. Long fes dei bilong em long raun long Yurop, Bush i kaikai wantaim President bilong French Jacques Chirac husat i wanpela bilong ol lain tok agens Amerika long pait wantaim ol Iraq long 2003.

### Ol Palestine i kalabus lain i fri



PALESTINE - WANPELA Palestine meri i amamas bihain long Isreal i rausim 500 Palestine kalabusman i go fri aninit long wanpela wanbel long noken sut nabaut long gan.

# Lotu kamapim senis long ol Bihute kalabusman

James Kila i toktok long ol gutpela wok i kamap long Bihute haus kalabus long Goroka, Isten Hailans provins.

PLANTI ol kalabus banis insait long Papua Niugini i wok long lukim planti gutpela senis i kamap bikos wok bilong lotu i kamap strong namei long ol lain kalabusman-meri.

Wanpela brata Charles Akunai bilong Kefamo viles insait long Goroka husat i bin stap sampela taim insait long Bihute banis kalabus long Isten Hailans i stori olsem planti ol bikhet trabelman i wok long senisim laip bilong ol na go insait strong tru long kisim bikpela Jisas Kraiss long laip bilong ol.

"Planti ol dispela bikhetman o raskol i wok long mekim planti kainkain samting long laip bilong ol. Tasol ol i no wok long lukim senis o painim gutpela amamas insait long laip bilong ol.

"Ol i luksave nau olsem insait long lotu pasin tasol bai ol i ken painim gutpela amamas namei long ol yet na famili bilong ol long komyuniti."

Charles i stori long laip bilong em bihain long banis kalabus long Bihute olsem nambawan taim tru taim em i go insait long em i pilim olsem banis kalabus i no olsem ples bilong pore. Ol lain long banis i gat ol hetman husat i tok welkam long em na mekim gutpela toktok long amamasim em long sevim taim long banis kalabus.

"Long namba wan taim mi go insait wanpela brata kalabusman i bungim ol narapela kalabus na ol i welkam long mi na askim long nem bilong mi. Ol i no askim long wanem trabel mi mekim. Ol i tok tasol olsem mipela olgeta i mekim trabel long gavman na go insait olsem na mipela mas stap wantaim na sevim taim bilong mipela gavman i givim," Charles i tok.



• Bihute haus kalabus sif Esope wantaim ol kalabus lain long Bihute haus kalabus kopi neseri. Ol foto: JAMES KILA

putim long prea-poin na i save beten strong tru.

hevi bilong ol kalabusman i ronowe long banis i go daun tru.

Planti ol kalabusman i amamas tasol long sevim taim bilong ol na bihain gavman i bin salim ol i go aut long kisim fridim autsait.

### Klasifikesin sistem

Charles i stori tu olsem narapela gutpela samting em Bihute CIS banis kalabus i mekim kamap em dispela "Klasifikesin Sistem" Mining bilong MSU em "Minimum Security Unit".

Aninit long dispela sistem em taim ol kalabusman i go stap long MSU ol i ken kisim wiken na go aut long lukim ol femili bilong ol long ausait na bihain kam bek long banis kalabus. Ol i save go aut long Fraide moning na kam bek long Sande apinun.

Dispela pasin i mekim ol na planti i no tingting long ronowe long kalabus.

"Insait long kalabus banis tu i lukim ol kalabusmanmeri i lainim planti gutpela samting long redim laip bilong ol long bihain taim."

"Ol kalabusman i save skul na tu lainim ol samting bilong wok agrikalsa, kapentri na tu skul long rit na rait o literasi," Charles i tok.

"Dispela ol samting i mekim olsem kalabus banis i no moa olsem ples bilong poref.

Em i stap olsem ples bilong lainim ol gutpela samting long stretim laip bilong ol wan wan kalabusman meri na ol i ken kamap gutpela man o meri bihain long ol i lusim banis kalabus."



• Sif Esope wantaim kalabusman Jacob

Narapela gutpela samting we Charles i bin lukim o painimaut taim em i stap insait long kalabus em ol woda o CIS opisa i wok long givim tok orait long planti ol lotu lain olsem ol pastor, pater na ol Kristen bratasusa long go insait long banis kalabus na autim tok bilong Bikpela long ol dispela lain insait long banis kalabus.

"Mi save olsem spirit bilong Bikpela Jisas Kraiss i wok long opim bel na tingting bilong ol 'bosman' o woda long sapatim wok bilong pasin lotu na givim biknem long Bikpela," Charles i tok. Planti ol bikpela samting i kamap long kantri em ol kalabusman i save

"Long ausait planti ol manmeri i save tingting na beten tasol long gutpela bilong ol yet na femili bilong ol.

Ol i save beten long gutpela sindaun bilong ol yet wantaim femili bilong ol na planti taim ol i save lus tingting long ol arapela," Charles i tok

"Tasol insait long banis kalabus ol kalabusman i save beten strong planti taim long ol bikpela hevi we i bungim kantri bilong yumi PNG," Charles i tok.

Narapela bikpela samting tu em olsem taim lotu pasin i go bikpela long haus kalabus i mekim na dispela



• Ol kalabusman long Bihute haus kalabus

# Hepi 8 betdei Yumi FM



• Rait kru bilong Yumi FM tok pisin redio stesin. Angra Kenedy i no stap.

**Y**UMIFM, nambawan tok pisin redio stesen i bin stat wok brodkas long namba 24 dei bilong mun Februari yia 1997.

Taim YUMIFM i stat wok brodkas, i bin gat wanpela anaunsa fasol, husat i gat-bikpela nem long redio Justin Hansu Kili MBE or JK husat em Bos nau bilong narapela tok pisin media Wantok niuspapa. I kam inap nau planti biknem redio man / meri i kam na igo olsem Paul Max, Mama Franco na ol narapela na bihain long 8th yiar YUMIFM i wok long pairap strong moa yet.

Dispela yia bikpela hamamas i bin stat long Goroka na Mt Hagen long namba 4 dei bilong dispela mun, Kundiawa na Rabaul long namba 18th dei na nau nait em long hia long Port Moresby long Sports Inn na bai pinisim long Players music Lounge.

YUMIFM i gat 8-pela anaunsa husat em Kas.T long Sankamap So, Waviessi long moning na belo, Uncle ET long



• Kas.T long Sankamap So. apinun draiv, Angra Kennedy long nait na Debbie, Kandeman Soko, Turana Kemi na Waven Jay.

Long bikpela hamamas bilong nau nait long Sports Inns bai i gat ol game long pilai long winim naispela prais na



• Waven Jay



• Waviessi long moning na belo. K1,000.00 balloon drop long midnait na nupela grup Bilong Daru Sounds of Daudai bai pefom Laiv.



• Debbie



• Uncle ET long apinun draiv.



• Turana Kemi



• Kandeman Soko

## CATHOLIC RADIO 103.5 FM

6:00 - ANGELUS	6:05 - MEDITATION/INSPIRATIONAL MUSIC	7:00 - VATICAN RADIO WORLD NEWS	7:15 - VATICAN ENGLISH PROGRAM	7:35 - NON-STOP GOSPEL MUSIC	8:00 - JOURNEY HOME (EWTN)	9:00 - VATICAN RADIO WORLD NEWS	9:15 - VATICAN ENGLISH PROGRAM	9:40 - KIDS SING-ALONG	10:00 - CATHOLIC JUKEBOX	10:30 - GOSPEL MUSIC	11:00 - NON-STOP GOSPEL MUSIC	12:00 - ANGELUS	12:05 - VATICAN WORLD NEWS	12:20 - VATICAN ENGLISH PROGRAM	12:40 - REFLECTION MUSIC	1:00 - LAMB'S SUPPER WITH DR. SCHOTT HAHN	2:00 - MUSIC	3:00 - CHAPLET OF DIVINE MERCY	3:20 - NON-STOP GOSPEL MUSIC	4:00 - CATHOLIC JUKEBOX (ENCORE)	4:30 - NON-STOP GOSPEL MUSIC	5:00 - JOURNEY HOME	6:00 - ANGELUS	6:05 - MADANG LOCAL NEWS	6:10 - VATICAN ENGLISH PROGRAM	6:30 - LAMB'S SUPPER WITH DR. SCHOTT HAHN	7:00 - HOLY ROSARY	7:30 - CATHOLIC INSIGHT	8:00 - VATICAN WORLD NEWS	8:15 - MADANG LOCAL NEWS	8:30 - VATICAN ENGLISH PROGRAM	9:00 - TOK STRET LONG HVAIDS	10:30 - VATICAN ENGLISH PROGRAM	6:05 - SUNDAY EUCHARIST (replay)	7:00 - HOLY ROSARY	7:30 - CATHOLIC INSIGHT	8:00 - VATICAN WORLD NEWS	8:15 - VATICAN ENGLISH PROGRAM	8:40 - IN THE LORD'S VINEYARD	10:00 - NON-STOP GOSPEL MUSIC																												
6:00 - ANGELUS	6:05 - MEDITATION/INSPIRATIONAL MUSIC	7:00 - VATICAN WORLD NEWS	7:15 - VATICAN ENGLISH PROGRAM	7:35 - NON STOP GOSPEL MUSIC	8:00 - RADIO ST. JOSEPH PRESENTS	9:00 - VATICAN WORLD NEWS	9:15 - ENGLISH PROGRAM	9:35 - KIDS SING-ALONG	10:00 - CATHOLIC JUKEBOX	10:30 - NON STOP GOSPEL MUSIC	12:00 - ANGELUS	12:05 - VATICAN WORLD NEWS	12:20 - VATICAN ENGLISH PROGRAM	12:40 - REFLECTION MUSIC	1:00 - OUR FATHER'S PLAN	1:30 - AFTERNOON GOSPEL MUSIC	3:00 - CHAPLET OF DIVINE MERCY	3:20 - NON-STOP GOSPEL MUSIC	4:00 - CATHOLIC JUKEBOX (EWTN)	4:30 - NON-STOP GOSPEL MUSIC	5:00 - WAVE FACTOR (EWTN)	6:00 - ANGELUS	6:05 - VATICAN ENGLISH PROGRAM	6:30 - FATIMA	7:00 - HOLY ROSARY	7:30 - STATIONS OF THE CROSS	8:00 - VATICAN WORLD NEWS	8:15 - CRN LOCAL NEWS	8:30 - VATICAN ENGLISH PROGRAM	9:00 - TOK STRET LONG HVAIDS	10:00 - CATHOLIC JUKEBOX	10:30 - VATICAN ENGLISH PROGRAM	11:00 - NON STOP GOSPEL MUSIC	6:00 - ANGELUS	6:05 - MEDITATION/INSPIRATIONAL MUSIC	7:00 - VATICAN WORLD NEWS	7:15 - VATICAN ENGLISH PROGRAM	7:35 - NON STOP MUSIC	8:00 - RADIO ST. JOSEPH PRESENTS	9:00 - VATICAN RADIO WORLD NEWS	9:15 - VATICAN ENGLISH PROGRAM	9:40 - KIDS SING-ALONG	10:00 - CATHOLIC JUKEBOX	10:30 - GOSPEL MUSIC	12:00 - ANGELUS	12:05 - VATICAN WORLD NEWS	12:20 - VATICAN ENGLISH PROGRAM	12:40 - REFLECTION MUSIC	1:00 - SUPER SAINTS	1:30 - GOSPEL MUSIC	3:00 - CHAPLET OF DIVINE MERCY	3:20 - NON STOP GOSPEL MUSIC	4:00 - CATHOLIC JUKEBOX	4:30 - NON-STOP GOSPEL MUSIC	5:00 - RADIO ST. JOSEPH PRESENTS	6:00 - ANGELUS	6:05 - AITAPE LOCAL NEWS	6:10 - VATICAN ENGLISH PROGRAM	6:30 - MOTHER OF REDEEMER	7:00 - HOLY ROSARY	7:30 - SUPER SAINTS	8:00 - VATICAN WORLD NEWS	8:15 - AITAPE LOCAL NEWS	8:20 - VATICAN ENGLISH PROGRAM	9:00 - TOK STRET ABOUT HVAIDS WITH FR. JUDE (ENGLISH)	10:00 - CATHOLIC JUKEBOX	10:30 - VATICAN ENGLISH PROGRAMME	10:50 - NON-STOP GOSPEL MUSIC
6:00 - ANGELUS	6:05 - MEDITATION/INSPIRATIONAL MUSIC	8:00 - VATICAN WORLD NEWS	8:15 - VATICAN ENGLISH PROGRAM	8:35 - NON-STOP GOSPEL MUSIC	9:00 - SUNDAY EUCHARIST LIVE	10:30 - NON-STOP MUSIC	11:00 - IN THE LORD'S VINEYARD	12:00 - ANGELUS	12:05 - VATICAN WORLD NEWS	12:20 - VATICAN ENGLISH PROGRAM	12:40 - GOSPEL MUSIC	3:00 - CHAPLET OF DIVINE MERCY	3:20 - GOSPEL MUSIC	5:00 - SIGNS OF THE TIMES (RTA)	6:00 - ANGELUS	6:00 - ANGELUS	6:05 - MEDITATION/INSPIRATIONAL MUSIC	8:00 - VATICAN WORLD NEWS	8:15 - VATICAN ENGLISH PROGRAM	8:30 - FATIMA, HEAVEN'S PEACE PLAN	9:00 - HOLY ROSARY	9:30 - DOCTORS OF THE CHURCH	10:00 - VATICAN WORLD NEWS	10:15 - VATICAN LOCAL NEWS	10:20 - VATICAN ENGLISH PROGRAM	10:30 - TOK STRET ABOUT HVAIDS WITH FR. JUDE	10:00 - CATHOLIC JUKEBOX	10:30 - VATICAN ENGLISH PROGRAM	10:50 - NON-STOP GOSPEL MUSIC																																							

# Niugini Ailans stail



• Lukim Oshen i soim stail bilong em laiv bipo em i lusim ples long go bek long Hawaii. Ol Poto: CHM

## ...Ol CHM Vidio Hits musik konset i kam bek

Cynthia Buckley-Igua (CHM) i raitim

YUPELA i wet long taim tru long lukim dispela samting na nau bai kamap. Chin H Meen nau bai kamapim ol Vidio Hits Live Musik Konset.

Ol dispela konset bai i soim olgeta musik atis bilong CHM husat i kamap long Vidio Hits musik so bilong CHM long yia i go pinis.

Ol dispela atis bai ol namba wan biknem musik atis anit long Supersound na PGS rekoding nem na ol studio i wok bung wantaim CHM.

Ol CHM Vidio Hits Live Konset i bin stat long 2001 na 2002 na i bin kamap bihainim namba wan musik program bilong EMTV yet, CHM Video Hits.

Planti manmeri long olgeta hap long kantri i save sindaun long olgeta Fonde nait long lukim ol vidio klip bilong ol namba wan musik atis bilong ol.

Ol Vidio Hits Musik Konset i bin karim musik bilong ol atis we ol manmeri i save lukim ol long TV tasol i go daun stret long ai bilong ol man.

Ol Vidio Hits Konset bilong bipo i bin lukim ol musik atis olsem Straky, PS2, Noel Asi, Kanage, JoJo Dolpha na planti arapela musik atis.

Nau ol Supersound musik konset i kam bek na namba wan konset bai lukim ol namba wan musik atis na ben bilong Niugini Ailans i pilai.

Dispela em ol top atis olsem Patti Potts Doi, Junior Kopex na Leonard Kania na Uralom Kania.

Yu mas bukim Fraide namba 4 na Sarere namba 5 de bilong mun Mas long lukim ol dispela konset.

Tolai Rock konset bai kamap long POM Country Club (POMCC) we moa long 1500 inap long 2000 manmeri i ken amamas na lukim na harim ol feivret musik bilong ol. Get fi em K20 tasol.

Lukim Patti Potts Doi i pairapim ol singsing olsem Roangogu na Rama Eno, na Uralom Kania na Junior Kopex kirapim das wantaim Nellian na Sharon.

Leonard Kania bai kirapim bel bilong olgeta sapota bilong em wantaim ol singsing we i

bin kukim long redio olsem Pawa Blekaut na Peegee.

Namba tu CHM Video Hits Konset bai lukim namba wan raitman bilong PNG, Oshen i tok gutbai long PNG. Dispela bai kamap long POMCC bihain long mun Mas. Dispela nai bai nait bilong musik bilong Morobe tasol. Dadii Gii bai mekim namba wan laiv konset bilong em wantaim singsing Ili Bayama wantaim David Rangs bilong Camp 7. Bai yu harim em pairapim ol singsing bilong em olsem Bik Sot na Kande i kam long nupela albam bilong em.

CHM Video Hit Konset bai kisim bekap bilong Supersound Ben yet. Olsem na sapos yu stap long Mosbi, noken abrusim dispela sans long harim na lukim ol namba wan musik atis yu save lukim long TV tasol. Nau em i sans bilong yu stret.

Lukim ol manki NGI wantaim Tolai Rock bilong ol long namba 4 na 5 de bilong mun Mas na Oshen taim mun Mas i laik pinis pastaim long em i go bek long Hawaii. Yu lukim ol pinis long TV, na nau em i sans bilong yupela long lukim ol long POM Country Club!




• Lukim ol manki pairapim Tolai rok long Mas 4 na 5



**SEKIM TV LONG DISPELA WIK**


**2.30PM - SANDE APINUN MUWI - TARZAN AND THE LOST CITY**

YUPELA i save long Tarzan. Dispela man husat i bikpela insait long bik bus wantaim ol monki. Dispela em i piksa bilong Tarzan. Sapos yu save laik ritim ol komik buk bilong em bipo, bai yu laikim stret dispela piksa.



**8.30PM - SANDE NAIT MUWI - FOREST GUMP**

WANPELA pani piksa i bihainim laip bilong wanpela yangpela man nem bilong em Forest Gump. Em i no wanpela man i gat bikpela save, tasol pasin bilong em tasol i sutim bel bilong planti manmeri long wol.





# Musik man laik strongim ol meri

MI YET mi bin askim dispela man long kam na stori long musik bilong em na tingting bilong em long helpim ol yangpela meri long kamapim gutpela sindaun bilong ol yet na noken hait baksait long ol pasin tumbuna na kastom.

"Mi wok long askim olgeta yangpela meri husat i gat gutpela nek bilong singsing long kamaut long ol ples ol i hait long en na soim na serim save na strong bilong ol long singsing we God i givim ol wantaim olgeta arapela manmeri na mekim musik olsem wok bilong ol," em i tok. "Ol musik meri husat i ken singsing i ken resis strong wantaim ol man insait long musik bisnis long PNG. Mipela i lukim pinis wantaim Nathalie Makoma na Vanessa Quai na mi bilip olsem ol meri PNG i ken mekim wankain samting."

Taim yu lukim dispela man, bai yu save olsem em bilong ples Kiwai long Westen Provins.

"Nau i gat wok i go het long sanapim namba tu rekoding studio bilong Westen provins long Daru Ailan, mi bai lukluk raun painim ol yangpela meri insait long provins long traim strong bilong ol long mekim musik. I no long musik tasol. Bai ol i mas traim mekim ol ektiing samting tu. Na mi yet mi bilip olsem ol i noken lusim ol pasin kastom i stopim ol long bihainim laik na strong bilong ol."

Ben Wainetti em dispela man. Em i gat 29 krismas husat i wok long pilai laip musik long long Australia na Torres Strait inap long 13 yia i go pinis. Em i bin pilai musik namba wan taim long Thursday Ailan taim em i 16 krismas tasol.

Nau em i gat tupela yanpela manki, Elton 12 na Andrew 8. Ben i tok het bilong em i klia na tingting bilong em i stret long helpim ol musik atis insait long Westen Provins long mekim nem insait long PNG na Australia na long taim bilong malolo, em i save stap long



haus bilong papamama bilong



**• Ben i sekim nius insait long Wantok Niuspepa.**

em na lukautim tupela yangpela boi bilong em.

Long dispela as tasol na Ben i no bin kisim wanpela 12-mun kontrak long pilai musik long Sydney wantaim biknem musik meri bilong Australia, Christine Anu.

"Christine Anu i bin opim tingting bilong mi long lukluk long helpim ol meri bilong yumi husat i gat strong long pilai musik na rekodim musik insait long kantri," Ben i tok. "Tupela yia samting i go pinis, bihain mi bin pilai long Torres Strait, mi tokim mi yet olsem bai mi wok hat long traim putim moa nek bilong ol meri long radio, TV na nau mi pilim olsem taim bilong mi long mekim dispela."

Papamama bilong Ben i dai pinis. Mama Bessie Maurice i bin lusim ol long 1988 na Papa Wainetti Anagogo i bin lusim ol long 1995. Mama bilong em bilong Murray Ailan long Torres Strait na Papa i kam long lsten Milen Be.

Mama i bin karim Ben long 1975 na em i las bon insait long famili bilong em long 8-pela brata na 4-pela susa.

Em i wok long Daru Ailan long bisnis bilong Ben Menesa bilong em, Steven Douglas. Steven i go pas long Sounds of Daudai.

Ben em i lit singa bilong ol na nau. ol i stap long Mosbi long katim albam bilong ol. Long dispela wik, Ben i stretim nupela solo albam bilong em tu we John Wong yet i stretim long Sounds of Daudai Studios.

Bipo Ben i bin lit singa bilong Tamate Memorial Church (TMC) gospel musik grup. Long 1999 em i kamap memba bilong Zuna Entertainment, wanpela musik asosiesen bilong ol as ples long Australia.

Ol i save menesim ol musik atis, ol lain bilong danis na ol Ats lain.

"Mi bin amamas tru taim mi kisim toksave olsem mi kamap opisel memba na registresen i kam long Menesing Dairekta bilong Zuna Entertainment, Brett Tyrell," em i tok. "Mi bin amamas moa yet taim mi painimaut olsem George Telek i bin memba pinis wantaim narapela Australia musik asosiesen Aria na Pius Wasi i bin memba bilong wanpela Ats grup long Australia."

Ben i bin strong long kamapim memba bilong Zuna

memba bilong wanpela ovasis musik asosiesen, "Tasol nau mipela long PNG i wok long mekim ol rekoding long ol musik bilong mipela yet, na mipela i mas kamap memba bilong ol bikipela intansenel musik grup bai mipela i ken lukautim ol rait bilong wok bilong mipela."

Ben i tok maski PNG i gat kopirait lo i stap pinis, dispela lo i no stopim ol man long yusim ol singsing na musik bilong ol arapela man.

Entertainment bihain long em i singsing wantaim Christine Anu na taim em i rekodim na singsing long vidio klip bilong singsing Kulba Yadaye bilong wanpela ABC TV program i soim laip insait long Torres Strait.

Insait long 13 krismas we em i bin wok olsem wanpela musik atis, em i bin pilai musik wantaim The Island Cousins, Waruku Rainmakers, Andrew Namok (DrewZ) bilong Mabiug Ailan, Richard Odo, wanpela kandre bilong Sentrel provins nau i stap long Murray Ailan, Ricardo Idagi, Uprising Band, The Mills Sisters na Christine Anu yet.

Ben i bin pilai musik wantaim Brett, wanpela musik man tu na menesa bilong The Mills Sisters bilong Torres Strait, wanpela ben we meri bilong em Rita Mills i bin singsing olsem lid singa.

Em i bin gat wanpela musik kontrak wantaim Thursday Island Hotel we em i bin singsing wantaim wanpela grup bilong ol Daru manki. Ol i mekim nem taim ol i save pilaim ol singsing bilong Kiwai na Torres Strait yet.

Long wanpela yia taim em i bin stap wantaim Brett Tyrell long haus bilong em long Cairns, Ben i bin singsing long ol bikipela ples long is na wes kos bilong Australia.

Em i bin singsing long ol setelmen bilong Alau, Seisia, New Mexchico, Injinoo, Bamaga, Cape York Peninsula, na ol ailan long Torres Strait.

"Ol Australia manmeri i bin laikim tru Kiwai musik na ol i askim mi long karim moa musik atis bilong PNG na wanwan taim mi save bungim ol musik man bilong Westen provins na mipela i save go pilai raun long ol ailan," Ben i stori.

"I gat ol sut tokok i kamap long nius midia long ol musik atis i yusim musik bilong ol arapela man na ol i no kisim tok orait pastaim. Na i nogat wanpela man i wok long sekim dispela lo na stopim dispela kain pasin," Ben i tok.

Long stat bilong wok bilong em insait long musik, em i bin pilai wantaim TMC long 1998. Em i rekodim 3-pela albam wantaim ol.

Bihain long 1989 em i bin pilai wantaim Faded Glory, em i stap 2-pela yia wantaim Sounds of Daru long 1990 i go inap 1991, na em i bin rekodim Land of Paradise wantaim Cathy Lee long makim Saut Pasifik Gems long PNG.

"Nau i gat tupela rekoding studio long provins, mi biip olsem Kiwai na musik bilong Westen provins bai i ken sanap wantaim musik bilong ol arapela hap bilong PNG."

Mi bilip wantaim mak bilong helpim i kam long ol bisnisan olsem Steve Douglas na ol politikel lida bilong mipela olsem Leba Minista Roy Biyama, Memba bilong Saut Flai, Conrad Haoda na Gavana Bob Danaya long sait bilong spot, ol yangpela manmeri bilong Westen provins nau bai i mekim nem insait long PNG musik indastri."

Taim mi askim em sapos tupela yangpela manki bilong em bai bihainim em, Ben i lap na tok, "Yes, yes, yes, Elton i wok long skulim danis long skul, tasol yangpela Andrew bai go bikipela tru lon musik. Lukaut long dispela manki."

**"Yu ken ritim stori blong ol musik man/meri long What's On With Raitman insait long POST COURIER tasol, Trinde, olgeta wik.**

# EMTV GAID

Fonds 24/02/05	Mande 28/02/05
5.30 JOYCE MEYER MINISTRY	5.00 JOYCE MEYER MINISTRY
6.00 TODAY SHOW	6.00 TODAY SHOW
9.00 CREFFLO DOLLAR	9.00 CREFFLO DOLLAR
9.30 DR PHIL	11.30 CLASSROOM BROADCAST
10.20 EMTV PRIME TIME LINE UP	2.30 KIDS KONA
4.57 EMTV TOKSAVE	4.57 EMTV TOKSAVE
5.00 THE PRICE IS RIGHT	5.00 THE PRICE IS RIGHT
\$100,000 SUPER SHOWCASE	6.00 NATIONAL EMTV NEWS
6.00 NATIONAL EMTV NEWS	6.30 A CURRENT AFFAIR
6.30 A CURRENT AFFAIR	6.58 TOK PISIN NEWS UPDATE
6.59 LOTTO DRAW	7.00 LOTTO DRAW
7.00 CHM SUPER SOUND	7.01 PRAISE
7.57 EMTV TOKSAVE	8.00 INSAT
8.00 SPORT SCENE	8.27 EMTV TOKSAVE
9.00 WITHOUT TRACE	8.30 WHO WANTS TO BE A MILLIONAIRE
10.00 RUBY WAX with Joan Collins	9.30 C.S.I CRIME SCENE INVESTIGATION
10.30 EMTV NEWS REPLAY	11.00 EMTV NEWS REPLAY
11.00 RENOVATION	11.30 CHM SUPERSOUND
12.00 NIGHTLINE	00.00 NIGHTLINE
0.30 STATION CLOSE	1.00AMCLOSE

Fralde 25/02/05	Tunde 01/03/05
4.59 STATION OPEN	5.29 STATION OPEN
5.00 CREFFLO DOLLAR	5.30 JOYCE MEYER MINISTRY
5.30 JOYCE MEYER MINISTRY	6.00 TODAY SHOW
6.00 TODAY SHOW	9.00 CREFFLO DOLLAR
9.00 CREFFLO DOLLAR	10.00 CLASSROOM BROADCAST
9.30 DR PHIL	4.57 EMTV TOKSAVE
10.30 PRIME TIME LINE UP	5.00 THE PRICE IS RIGHT
1.00 ONE DAY SERIES FINAL	5.30 CRICKET CONTINES
4.57 EMTV TOKSAVE	6.00 NATIONAL EMTV NEWS
5.00 THE PRICE IS RIGHT	6.30 A CURRENT AFFAIR
\$100,000 SUPER SHOWCASE	6.58 TOK PISIN NEWS UPDATE
6.00 NATIONAL EMTV NEWS	6.59 LOTTO DRAW
6.30 A CURRENT AFFAIR	7.00 HAUS & HOME
6.58 NEWS UPDATE TOK PISIN	8.00 BACKYARD BLITZ
6.59 LOTTO DRAW	8.27 EMTV TOKSAVE
7.00 TOK PISIN	8.30 THE APPRENTICE
7.30 WALKER TEXAS	9.30 THIRD WATCH
8.27 EMTV TOKSAVE	10.30 EMTV NEWS REPLAY
8.30 FRIDAY NIGHT AFL	11.00 ER
10.30 EMTV NEWS REPLAY	00.00 NIGHTLINE
11.00 RENOVATION RECUE	00.30 STATION CLOSE
00.00 NIGHTLINE	
00.30AM STATION CLOSE	

Fonds 24/02/05	Mande 27/03/05
7.00 BARNEY	6.29 STATION OPEN
7.30 JAYJAY THE JET PLANE	5.30 JOYCE MEYER MINISTRY
8.00 PLANET FANTA	6.00 NATIONAL NINE EARLY NEWS
9.30 DOWNLOAD	7.00 TODAY
10.00 SO FRESH	10.30 CLASSROOM BROADCAST
11.00 JAPAN VIDEO TOPICS	2.30 KIDS KONA
12.00 DOCUMENTARY: When pilots ejects	4.57 EMTV TOKSAVE
1.00 EMTV WIDE WORLD OF SPORTS	5.00 THE PRICE IS RIGHT
4.00 THE CAR SHOW	6.00 NATIONAL EMTV NEWS
4.30 THE BOAT SHOW	6.30 A CURRENT AFFAIR
5.00 ESCAPE WITH ET	6.57 TOK PISIN NEWS UPDATE
5.30 FISHING AUSTRALIA	6.59 LOTTO DRAW
6.00 NATIONAL EMTV NEWS	7.00 WORLD OF WILDLIFE
6.30 AUSTRALIA'S FUNNIEST HOME VIDEO SHOW	7.30 MCLEOD'S DAUGHTERS
7.00 STARSTRUCK	8.27 EMTV TOKSAVE
8.30 SOUTH PACIFIC MUSIC	9.00 WEDNESDAY NIGHT MOVIE: JITTERS
9.27 EMTV TOKSAVE	11.00 SOUTH PACIFIC MUSIC
9.30 XENA: WARRIOR PRINCESS	11.30 EMTV NEWS REPLAY
10.30 HECULES	12.00 NIGHTLINE
11.00 EMTV NEWS REPLAY	12.30 STATION CLOSE
00.30 THE LEGENDARY HIDDEN CITY	
00.30 CLOSE	



**60 MINUTES IS BACK!  
7.30 PM EVERY SUNDAY**

## NATIONAL WEEKLY HIT PARADE

Sarere Februari 19, 2004  
Twisties i sponsa

Singsing	Musik Atis	Dispela Wik
Kande	Dadii Gii	1
Mi No Bik Sot YetDadii Gii		2
The Way	Soul Harmony	3
Lili	Itambu	4
Veuaku	Pune Kapa	5
Kudougou	Vanessa Quai	6
Emsi	Dadii Gii	7
Sigi Mangi	Grumo Masalai	8
Meri Wantok	Sharzy	9
Iti Bayama	Armstrong	10
Rosie MararaSharzy		11
Dimugura	Bits & Pieces	12
Vereleku	Pune Kapa	13
Na Wonde	Tom Lari	14
Six Pocket	Pikinini Black Bokis	15
Poroman LewaGeorge Telek		16
Jombie KunexNew Painim Wok		17
Towescop	Itambu	18
Sharon	Uralom ft Rokas	19
Tropical FineO'Shen		20

### Man, Graun na Solwara



Komyunikesen na awenes tingting i kam long PNG Marin Kousavesen Network

"DINA, yu kirap pinis?" Dina i harim nek bilong tumbuna meri bilong em i kam long haus win we smel bilong smok i wok long kamaut long en. "Dina, pikinini yu kam. Karim botol bilong kambang bilong mi i go long Anti Dau. Askim em long pulamapim bilong wanem mi mas kaikai buai long statim dispela de. Em i kukim sampela kambang aste long ol kambang ol manki i bin kisim long rip klostu long narapela ples hia las wik."

"Moning Bubu na Mama, na olgeta lain we?" Em i askim long Bubu man na papa bilong em wantaim tupela bikipela brata na tupela liklik susa bilong em. "Ol i go katim dispela saksak diai klostu long wara. Mipela bai kaikai saksak long Krismas," mama bilong em i tok.

"Dina, mi mas kaikai buai," bubu meri bilong em i tok olsem tru em bai dai sapos em i no kaikai buai.

"Orait Bubu Meri, tasol tingim dispela kambang yu save kaikai wantaim buai na daka em ol i save kukim long ol ston kambang bilong solwara."

"Dina, bihain long mi kaikai buai bilong mi, yu ken tokim mi long dispela kain samting, orait?"

"Dina, yu hariap go we? Lukaut, nogut yu barnim mi," Anti bilong em i kamaut long ol hap bus we em i wok long katim ol lip i stap.

"O Anti, mi sori tru, bubu meri i laikim sampela kambang. Em ya, botol bilong em ya."

"Karim na bihainim mi. Na tokim bubu meri olsem mipela i wok long salim dispela kambang bai mipela i ken salim kandre bilong yu Dudu long skul long neks ya. Em nau," Anti Dau i putim ol lip i go daun. "Dina, botol bilong kambang i kam na go painim ol kandre bilong yu bai mi ken pulamapim kambang."

Ol kandre bilong Dina i wok long kaikai smok pis na saksak i stap. Ol i askim em long kaikai wantaim ol.

"Tasol mi no inap long kaikai long hia, bai mi karim i go bek long haus bilong wanem Bubu Meri i no inap wetim kambang bilong em. Ol i karamapim pis na saksak wantaim lip na em i lukim Anti Dau i pulamapim kambang bilong Bubu Meri. "Dina, tokim Bubu Meri, em bai K5. Na em i mas baim kwiktaim bilong wanem mi mas bungim mani bilong ol skul fi."

"Hey," wanpela man Dina i luksave olsem wanpela kaunsol bilong arapela ples i singaut. "Soim mipela long haus bilong Dau. Mipela i gat wanpela kot pepa bilong em long sanap long viles kot," dispela man i tok.

Dina i kirap nogut, em i no laik bagarapim anti bilong em, tasol em i lukim olsem wanpela bikipela samting i mas kamap na em i soim em long haus. "Em hia, namba wan haus bihain long kapiak diwai." Em i sanap na luktuk. Dina i lukim kaunsol i wokabaut i go long haus bilong Anti bilong em na tok tok long Kandre Man bilong em na givim em sampela pepa.

Em i lukim Anti i kamaut long haus na tok tok wantaim kaunsol. Dina i ron i go bek long lukim wanem samting i stap long ol dispela pepa. Em i lukim olsem samons o kot pepa bilong anti bilong em na ol kandre bilong em long sanap long viles kot long ol i kisim ol kambang long rip klostu long arapela ples i stap klostu. "Dispela rip em rip bilong mipela olgeta," Anti Dau i tok. Kaunsol i tanim na tokim em, "Dispela rip

em bilong mipela olgeta. Em i tru. Tasol em i stap insait long wanpela ples tambu na husat manmeri i go painim pis o brukim kambang bai kisim mekimsave aninit long lo. Yu bai sanap long viles kot long Mande. Sapos kot i painim olsem yu asua, yu mas baim K100."

"Aiaaaaa, bai mi kisim K100 long we?" Anti Dau i krai. "Mi traim long mekim inap mani bilong skul fi bilong pikinini meri bilong mi, sore long mi nau ya."

"Mipela bai lukim yu long viles kot, sapos yu no inap long peim dispela fain, yu bai i mas mekim sampela wok, Sam, yu mas kisim meri na pikinini bilong yu i go sanap long kot. Lukim yupela long Mande," Kaunsol i tok na i lusim ol. Nogat man i toktok taim kaunsol na ol lain bilong em i go pinis. Bihain Dina i tok, "Aunty Dau, mi sore tru. Mi bai stori long papamama bilong mi."

"Bubu, mama, Anti i kisim singaut long sanap long viles kot bikos em i brukim kambang insait long ples tambu. Kaunsol bilong arapela ples i kam toksave long ol long moning. Bubu, nau yu luksave long toktok bilong mi. Kambang em ol animal tu. Em i stap long lo bilong Lokol Level Gavman bilong yumi olsem mipela i mas i gat ol ples tambu olsem ples we Anti Dau na ol pikinini bilong em i go kisim kambang long en. Husat manmeri i go painim pis o kisim kambang long hap bai kisim mekimsave."

Long nait, famili i sindaun na patim toktok long dispela samting. Sief bilong ples na ol kaunsol bilong em i bin stap. Sief i toktok pastaim, "Dau, mipela i sore olsem yu kisim dispela kot pepa, tasol yu yet yu asua pinis, yu brukim lo we i stap long lukautim ol solwara bilong yumi. Yu mas tokaut olsem yu yet yu rong. Mipela bai helpim yu long peim dispela fain. Dispela nau em i skul bilong mipela-olgeta. Mipela i mas helpim long strongim dispela lo bilong dispela ples tambu."

Dina i tingim sains klas long skul bilong em. Ol kambang em ol animal na i no ston nating. Olsem na mipela i mas lukautim ol gut bai ol i ken groa na givim kaikai long ol pis we mipela i save kisim bilong kaikai na salim. Dina i tok, "Sief, inap mi mekim wanpela toktok." Yes Dina, yu laik tok wanem? Olgeta manmeri i stap isi na harim toktok bilong Dina.

"Sains tisa bilong mipela i skulim mipela olsem ol kambang em ol animal na mipela i mas skulim ol wan ples bilong lukautim ol na noken bagarapim ol olsem ston nating. Inap mipela i gat wanpela ples tambu klostu long ples bilong mipela?"

"Em i tru Dina," Sief i strongim toktok bilong Dina. "Ol kambang em ples bilong ol pis long hait na kaikai. Dispela em i ples bilong ol pis long kam kaikai. Em i gaden bilong ol. Em i ples bilong ol long hait na maloko. Ol kambang em ol haus bilong ol. Dispela em ples we ol liklik pis i save hait na groa. Ol kambang em olsem ol neseri."

Taim mipela i bagarapim ol kambang long kukim na mekim kambang bilong kaikai, o taim yumi save bromoi dainamait na yusim ol posin rop, mipela i wok long bagarapim gaden, haus na neseri na wod bilong ol mama pis. Em i wok bilong mipela long lukautim ol bilong wanem ol i save givim naispela kala long solwara na ol turis daiva bai i ken kam na mangalim solwara bilong mipela. Mipela bai sanapim wanpela ples tambu bilong dispela ples."

# Mekim chips long durian fruit

Matthew Poienou i raitim

## Durian em i wanpela diwai prut bilong ol Esian kantri olsem Thailand.

Dispela diwai prut ol i bin kisim i kam long Papua Niugini moa long 40 ya i go pinis. Long Lae yet we NARI Wet Loulens Ailans Progreim i stap long en i gat klostu olsem 50 long dispela diwai i stap.

Ol man i save tok olsem; 'Durian em King bilong ol Prut Diwai'. Dispela i save bihainim tasol luksave long ol sap nil em i gat we i raunim durian prut na swit bilong kaikai bilong en taim ol i kaikaim. Planti man i traim pinis long kaikaim dispela prut taim ol i rausim malmalum gris mit we i karamapim sid insait long prut.

Na NARI yet i wok long promotim dispela prut long pasin bilong helpim ol fama long kaikai na kisim sampela makmak o mani long en.

Planti taim ol prut we fama i kisim i save bagarap hariap na fama i no inap long kaikai o kisim gut mani long ol prut bilong en.

I gat planti pasin long mekim prut i ken stap longpela taim liklik tasol ol dispela rot em planti fama i no inap long bihainim long women em ol i dia tumas.

### Daunbilo em ol wanwan step yu inap bihainim long kamapim durian sips.

1. Durian prut i no mau
2. Opim durian prut na rausim skin bilong ol
3. Kisim ol pikinini diwai prut wantaim gris karamap bilong ol na rausim ol sid
4. Katim gris karamap i go liklik liklik
5. Kukim ol sips long oil inap olsem 8 i go 10-pela minit
6. Taim i tan pinis putim ol sips long hap pepa bai rausim sampela oil na putim sampela sol long en sapos yu laik.
7. Durian sips

Tasol wanpela isi rot long stopim ol prut i bagarap nating em long wokim durian sips.

Pasin bilong mekim durian sips long ol prut i no mau yet em i kamap nupela.

Planti man long Esian kantri i bilip olsem swit bilong durian sips em i winim potato sips.

Durian sips ol i wokim long ol prut we i pundan taim ol i no mau yet o taim binatang i kaikaim ol na ol i pundan tasol ol i no mau.

Durian sips ol i wokim long gris i karamapim sid o pikinini diwai insait long prut.


Opim prut na kisim dispela gris i karamapim sid na katim liklik liklik olsem 1 mm o bikipela bilong wanpela tus brumstik.

Kisim ol dispela ol liklik hap yu katim pinis na kukim long oil inap samting olsem 8 igo 10-pela minit na bihain rausim.

Putim sips i stap ausait long drai gut. I gutpela long putim antap long hap pepa bilong draim oil long sips.

Em nau sips i redi long kaikai.

Yu ken putim sol pastaim o kaikaim nating. Dispela sips inap stap longpela taim sapos yu draim liklik moa long ples i hot liklik.



• Durian prut i no mau



• Rausim ol sid



• Fraim ol



• Durian sips



**Bisnis bilong Groim Diwai  
insait long PNG  
- Ol hevi bilong  
planim samting  
long ol renfores ples**

Ol hevi bilong planim samting long ol renfores ples

**Wok bilong planim**

PASIN bilong planim o rausim ol plaua, diwai o bus i go long planim long arapela hap i ken kamap long ol ples we i save kisim planti ren.

Long ol ples we i save drai tasol i gat taim bilong ren, taim bilong planim em long stat bilong ren.

Bikpela samting em graun i mas i gat inap wara long en, tasol i noken gat planti wara tumas.

Long apinun em i gutpela taim long planim na bihain yu mas givim inap wara long en.

Wanpela arapela bikpela samting em sais bilong hul we you bai planim samting long en. Sais bilong hul i mas inapim stret sais bilong diwai yu planim na wanem kain graun yu planim samting long en.

**Rot bilong planim ol sidling:**

Longpela bilong hul i mas go daun winim longpela bilong kontena o pot plaua i sindaun long en - inap long 50 cm na bikpela moa i raunim.

Yu mas dikim hul wanpela wik pastaim long yu planim samting. Long ol ples drai, yu mas pulamapim wara long ples bilong planim bihain lusim graun i daunim olgeta wara pastaim long yu stat long planim.

Yu mas dikim wanpela hul long namel long ples bilong planim bikpela moa long longpela bilong ol ruts.

Sapos plaua em i bikpela plaua, lusim hap graun long namel bilong hul bai i gat inap rot bilong wara long ron taim yu planim.

Sapos plaua i stap insait long ol neseri tub o pot, yu mas putim wara long en pastaim long yu rausim. Em bai mekim isi moa long rausim na bai yu no inap long bagarapim ol rut.

Taim yu laik rausim plaua long pot long planim long graun, tanim pot, holim plaua namel long ol pinga bilong yu na han bilong yu i mas pas long graun i slip antap raunim has bilong plaua.

Sapos i gat ol bikpela han ruts i stap ausait long bikpela rut bal, katim rausim ol longpela pastaim long yu putim plaua insait long hut.

Yu mas sindaunim gut plaua i go daun liklik long em i bin sindaun long pot inap long ol ruts i bung i stap na yu mas opim ol han rut i go aut.

Karamapim isi graun i go insait long hul bai graun i karamapim gut ol rut.

Taim hul i no pulap gut yet, muvim plaua i go antap na i go daun bai graun i go gut insait long ol rut.

Pusim graun isi i go daun taim yu pulamapim hul. Olgeta taim yu putim

sampela graun, pusim i go daun liklik. Taim hul i pulap, putim sampela kompos o ol drai lip o gras raunim as bilong plaua antap long graun. Sapos yu inap, givim wara long plaua.

Sapos yu laik planim wanpela sidling long kontena o i nogat graun long en, yu mas opim gut ol rut insait long hul. Rut sistem bilong diwai long bihain taim i save ron bihainim rot rut i save bihainim long taim bilong planim.

**Dispela em ol hevi i save kamap long taim bilong planim:**

Taim bikpela bilong hul i no inap long kisim rut sistem bilong sidling. Taim ol rut i sut makim wanpela hap tasol na diwai i no inap sanap strong taim em i bikpela.

Taim hul i no go daun inap long mak bilong diwai bai i ken sanap strong. Taim yu planim diwai long ples drai na yu no givim inap wara long en.

**Spes namel long ples bilong planim**

Gutpela longpela i save senis bihainim wanem kain plaua o diwai, graun na ren na san. Olgeta wanwan plaua o diwai i mas i gat inap spes bai em i ken groa gut. Ol Sidling bilong ol diwai i ken stap 3 mita samting namel long wanwan na namel long ol lain i mas 3 mita samting tu. Sapos yu bihainim dispela, yu ken planim samting olsem 1,100 insait long wanpela hekta.

**Sanap bilong ol diwai sidling**

Yu mas planim diwai bihainim wanpela lain bai em i isi long lukautim. Long sait bilong maunten, planim ol diwai bihainim sait bilong maunten bilong holim bek graun.

I no olgeta sidling bai groa. Yu mas sekim ples bilong planim olgeta taim namel long namba wan 3 inap long 6 mun na senisim ol sidling i dai wantaim ol nupela.

**SAMPELA SAMTING BILONG TINGIM TAIM YU PLANIM OL SIDLING:**

- Planim ol strongpela sidling
- Redim gut graun pastaim long yu stat long planim
- Planim tasol diwai insait long graun i gat wara long en
- Stretim gut ol rut bai ol ron i go aut long sait na i go daun
- Givim wara long namba wan de bihain long yu planim
- Rausim ol gras nogut inap long 50 cm raunim wanwan diwai
- Putim ol sting gras na lip i gat gris long en raunim has bilong diwai
- Putim marasin sapos yu rausim ol gras pinis
- Banisim yangpela diwai long ol animal nabaut

**\*Neks wik bai mipela i toktok moa long rot bilong lukautim ol yangpela sidling yu planim pinis.**

**McCarthy & Associates (Forestry) Pty. Ltd.**

National & International Forest Consultants

mccaf@datec.net.pg

"Long kisim tok stia long olgeta wok diwai"

# Distrik treseri opis bai poroman wantaim BSP benk na Post PNG

...Pablik sevans i noken go moa long provinsal hetkwata

**James Kila i raitim**

SEKETERI bilong Fainens Thaddeus Kambanei i tokaut olsem ol nupela distrik treseri opis bai givim sevis olsem ejen bilong Benk Saut Pasifik (BSP) na givim benking sevis i go long ol rurel pipel long ol distrik.

Mista Kambanei i bin mekim dispela toktok las wik taim em i bin raun long Isten Hailans provins long opim 8-pela nupela distrik treseri opis. Ol dispela opis em Dipatmen ov Fainens i putim K3.24 milien long kamapim aninit long rol aut program bilong em long wokim na opim 89 kain opis long ol distrik long PNG.

Ol narapela sinia ofisal husat i bin givim ful-sapot na tu i bin raun wantaim Mista Kambanei long dispela raun bilong em long Isten Hailans em Jenerel Menesa bilong BSP benk, Aho Baliki, menesing dairekta bilong PNG Pawa, Lawrence Solomon na sif operesens opisa bilong Post PNG Limited Brian Riches.

Mista Kambanei i bin go raun wantaim Fainens na Treseri Minista Bart Philemon wantaim ol narapela sinia opisel bitong gavman long opim dispela ol 8-pela nupela distrik treseri opis.

Fainens na Treseri Minista, Mista Bart Philemon i tok olsem long taim tru ol pipel long rurel eria long kantri i save painim hat tru na planti i save abrus long ol gavman sevis olsem benking, telefon, pawa na ol narapela samting. Olsem na dispela rifom bilong gavman long bringim sevis i go klostu long rurel pipel em wanpela bikpela samting tru insait long histori bilong PNG tude.

Isten Hailans provins i kamap namba tu bihain long Morobe provins long opim ol nupela distrik treseri opis bilong en.

Dispela mak bilong mani we i go insait long kamapim ol dis-

pela 8-pela nupela distrik long Isten Hailans provins em i olsem Daulo (K336,300), Goroka (K353,200), Unggai-Bena (K342,900), Kainantu (K353,200), Obura-Wonenara (K432,200), Henganofi (K285,700), Lufa (K548,700) na Okapa (K589,700).


Mista Kambanei i bin mekim dispela ol mani i bin go long wokim na stretim ol opis na tu redim ol ples bilong putim ol masin olsem kompiuta na tu wokim na redim haus bilong ol wokman bilong ol treseri opis na tu long baim na

redim ol pawa jenereta bilong ol dispela opis.


Em i tok olsem taim ol dispela treseri opis i redi olgeta ol bai givim moa gutpela fainensol sevis i go long ol pipel long distrik level.

Dispela tu bai mekim ol rurel pipel na ol pablik sevans long noken hatwok long go long kisim ol fainens sevis long taun.

Mista Kambanei i tokaut tu olsem ol dispela nupela treseri opis bai mekim planti wantaim wok olsem ol opis long bikpela taun o provinsal hetkwata.



• Nupela distrik treseri opis long Henganofi bai stap long dispela nupela haus.



## Cat® 428D Backhoe Loader

Raising the standards for performance, versatility operator comfort.

**More than a machine. A Partner.**

The 428D benefits from increased hydraulic performance and operator comfort, whilst maintaining the high levels of visibility, durability and reliability that Caterpillar Backhoe Loaders have long established in the industry.

- **Engine and Hydraulics** - The Caterpillar<sup>®</sup> 3054 turbocharged engine is designed for strength, performance and versatility. The load sensing, closed centre hydraulics system provides power where you need it, when you need it.
- **Operator Station** - Style, comfort, superb visibility and ease of operation maximise operator comfort and productivity.
- **Serviceability** - Excellent access and fewer maintenance requirements add up to unparalleled ease of service.

### Hastings Deering



PORT MORESBY  
Phone: 300 8300  
Fax: 325 0141

LAE  
Phone: 472 2355  
Fax: 472 1477

TABUBIL  
Phone: 548 9045  
Fax: 548 9155

RABAUL  
Phone: 982 1244  
Fax: 982 1129



# Tok pilai wantaim Kanage olgeta wik!!

Ol tru tru poro o wantok bilong gutpela raitman Kanage i laikim tru sapos yupela i ken salim sampela tokpilai bilong yupela i kam na mipela putim long tok pilai kona bilong Kanage. Salim i kam long TOK PILAI KANAGE P.O. Box 1982, Boroko NCD o kam long opis klostu long BSP Waigani na neksdua long Mondo Sekanhan klos stua. Mipela stap long las opis. Sapatim raitman bilong yumi, Kanage!!

Paps Kanage bilong Kimbe Oil Pam kantri na em kisim wok olsem kuk boi bilong wanpela waitman long hap bilong Lae. Masta bilong Kanage save pulumapim frisa bilong en long kainkain abus na kaikai.

Moning em save dring ti na save kambek long belo long kisim belo kaikai na apinun long kaikai bilong slip.

Long olgeta 10 kilok moning em taim bilong Paps Kanage long fraim sosis. Masta i no save long muvmen bilong Kanage.

Em hat tasol na savolim olgeta sosis long frisa, Wanpela taim wait masta i sekim frisa na lukim olsem klostu olgeta sosis i pinis.

Em slip na moning em dring ti na go wok. Taim masta i lusim haus,

Paps Kanage hariap tasol kisim 2-pela sosis na fraim antap long stov. Taim sosis i hot na redi long kalkai Masta kam nok long dua.

Kanage spai long windua na lukim Masta bilong em i kam nok long dua na hariap tasol kisim tupela hot sosis na supim i go daun long poket bilong trausis na kilim stuv na kam opim dua.

Hot sosis wantaim hot oil i kukim tru tais lek bilong Kanage olsem na em putim han i go insait long poket na sekim. Masta kirap nogut na askim Kanage.

Hei ai bilong yu ret na skin bilong yu guria na bilong wanem yu sekim poket bilong yu? Klostu yu laik brukim trausis.

Paps Kanage kirap na kaikaim tit stret na tok, Masta, masta yu kambek long 10 kilok mon-

ing na mi amamas nogut tru.

**PETER MARASIN KAIP MT HAGEN**

Kanage em bilong gras kantri long Wara Keram. Long mun Septemba 2004 Kanage wantaim ol singsing grup bilong em i go long Mamba na Garamut so long Wewak.

Long moning tru Kanage wantaim ol singsing grup i kalap long wanpela kar bilong Angoraim. Yu save olsem planti 2.4 kar bilong Angoram i nogat gutpela kondisen bilong ol na draiva bilong dispela kar i ron long olupela gia.

Holim long 60 tromoi long 80 i go long 100 kamdaun long 40.

Trangu Kanage em pilim bel i pen na pispis tu klostu kapsait.

Nogat we long stopim draiva. Antap long kar i gat ol meri tu i stap.

Kanage sindaun namel long ol na em hat stret. Boi holim nogat em putim han long bilum bilong wanpela mama kisim wanpela koka kola plastik.

Isi tasol surukim lek trausis i go daun na kisim plastik pispis i go daun.

Taim em pispis pinis em tromoi plastik i go daun na ol meri i askim 'hei papa yu tromoi wanem ya?'

Kanage bekim 'sori gels mi tromoi sampela blak pawa na bai draiva i noken mekim eksiden.'

**GEEY LENUA ANGORAM IS SEPIK PROVINS**

Kanage bilong Simbu na marit long Koki na em i no save olsem olgeta manmeri i lusim

haus na banis na tekov pinis long maunten bikos ol i tok bikpela solwara bai i kam brukim ol haus na ol samting long Mosbi siti.

Kanage i no save na slip gut long rum bilong em long Koki na harim musik i stap long radio kaset.

Em harim musik i go na i laik go aut long toilet na em lukim olsem i nogat nois long ol haus. Em harim nius long 2 mail maunten na lukim ol lait bilong kar pulim lain i go antap na ol manmeri pulim longpela lain i go.

Em sindaun na lukim wanpela bikman i wok long bungim ol kago na i laik karim na ron i go na em singaut, hei, mero. Olsem wanem ya.

Olgeta pipel i go we?. Na bikman ya i tokim em, yu no save a, sunami bai i kam ya. Olsem

na olgeta pipel i ronawe i go ya.

Yu harim tu o nogat?. Kanage harim na bikmaus, yupela ol Papua ya motu motu tasol na mi no harim ya.

Tok pisin tu bai mi ken harim gut ya.

Yupela laik stap laif na mipela ol Hailans bai i dai ah?.

**JOE MAX MOSBI**

Kanage sindaun na lukluk long ol yangpela mangi i dring stim i stap na em i paul tru long hau na ol boi i spak long dispela dring.

Kanage i lukim klinpela wara botol na ol boi i wok long miksim wantaim coka cola na dring isi na kisim filings na Kanage tu i kisim filings long testim tu.

olsem na em i askim wanpela boi long skelim liklik i kam na em bai testim.

Ol boi i lap long Kanage na tokim em, taim yu dring pinis yu mas singsing ah.

Ol i givim wanpela drop tasol long maus bilong Kanage na em dring na tok em i no kik, olsem kus marasin ya. Olsem na ol boi skelim sampela moa na em dring ya nogat samting ya i kik stat na wilwilim het bilong Kanage na em i stat long poin i go long skai.

Ol boi i lukim na tokim Kanage, noken poin long skai, yu mas singsing.

Kanage pilim olsem em i flai long skai na em singim, come and fly me home.

Olsem boi i harim na i no isi long lap long Kanage.

Ol i tokim em, samting yu no save long en, noken sikirap.

**PETER ROKS MOSBI**



AVINUN NAU BOSS I SAVE KAM NA SEKIM OLSEM Sosis I WOK LONG LUS WAN WAN NA SASPEKT LONG KANAGE...

TUMORO MI MAS KAM LONG 10-KILOK NA SEKIM EM...

KANAGE EM HAUSBOIS LONG WANPELA WAITMAN LONG TAUN... EM I SAVE KLINIM HAUS NA LUKAUTIM TU...

OH-HO! BOSS I KAM BEK YAH! MI PAIA PINIS!!

TASOL LONG 10-KILOK KANAGE SAVE STILIM OL Sosis LONG FRISA NA FRAIM NA KAIKAI...

Sosis I HOT NA MEKIM SAVE LONG Tais Bilong Kanage Na Em I NO SANAP GUT... BOSS I ASKIM EM...

KANAGE, YU ORAIT O? LEK BILONG YU GURIA I STAP!

ER... BOSS, YU KAM LONG 10-KILOK NA MI AMAMAS LONG LUKIM YU!



**PMSA prisisen dro**

Sarere 26 Februari, 2005

**Bisini Wan**

Taim Divison Pilai

- 08:00 MP1 Mirel Momase (2) vs KB United
- 09:20 MP3 BE Pirates vs Souths United (1)
- 10:40 MP1 United PS vs Souths United (2)
- 12:00 WP LBC Defence vs Momads
- 13:20 MP2 Mirel Momase (1) vs Cosmos (1)
- 14:40 MP4 Guria vs Singkin
- 16:00 MP1 MBS vs Bavaroko

**Bisini Two**

- 08:00 MP2 Boregaina vs Mungkas
- 09:20 WP Cosmos vs Telikom
- 10:40 MP3 Kurti Andra vs YMC Kareko
- 12:00 MP3 LBC Defence (1) vs Raitman
- 13:20 MP2 Telikom vs Namu
- 14:40 MP4 Markham Yarangs vs Blue Kumuls
- 16:00 MP2 PS Rutz vs Rapatona (1)

Sande 27 Februari, 2005

**Bisini Wan**

- 08:00 MP4 UBOG vs EVFC
- 09:20 WP Sunset vs Rapatona
- 10:40 MP3 POM 121 Ela Utd vs Yawata
- 12:00 MP1 Maset vs Modreams
- 13:20 MP2 Gagala vs Rosaints
- 14:40 MP1 LBC Defence (2) vs Manambu
- 16:00 MP3 Cosmos (2) vs Bomana P/College

**Bisini Two**

- 08:00 MP2 University (2) vs Sunset
- 09:20 MP4 Verave vs Mopi Soweto
- 10:40 WP Souths United vs PNG Gardener
- 12:00 MP4 Rapatona (2) vs KG United
- 13:20 WP University vs Lamana GFN
- 14:40 MP1 University (1) vs Oduka

**Yunivesiti osi rul dro**

26 Februari, 2005

Taim Pilai

- 10:00 Southern Crows vs KDC Dockers
- 10:30 Toks Tigers vs Gereka Salty Dogs
- 11:00 Port Power Teale vs KC Dogs
- 12:00 Gerehu Black vs Nats Dwellers
- 12:30 Moresby Swans vs Defence
- 13:00 Southern Crows vs KC Dogs
- 13:30 Eastern Lions vs Gereka Salty Dogs
- 14:00 Port Power Teale vs KDC Dockers
- 14:30 Gerehu Black vs Port Power Teale
- 15:00 Moukele Sharks vs Defence
- 15:30 Uni Bulldogs vs Nats Defence

**Morata ragbi lig mesa semi fainol dro**

Sande 27 Februari, 2005

**Kone Tigers pilai graun**

Taim pilai

C Gret

- 10:00 Hawks vs Knights
- 11:00 Bulldogs vs Megusa

Bai: Warriors

B Gret

- 12:00 Bulldogs vs Sharks
- 1:00 Rats vs Mumuts

Bai: Raiders

A Gret

- 2:00 Talapia vs Bulldogs
- 4:00 Hawks vs Tigers

Bai: Megusa Raiders

**Morata volibol mesa semi fainol dro**

Sande 27 Februari, 2005

**Kone Tigers pilai graun**

B Gret

Warriors vs West

Bai: Sharks

Tigers vs Raiders

Bai: Talapia

A Gret

Megusa vs Rangers

Bai: Bulldogs

Talapia vs Raiders


Bai: Tigers



• ANZ University soka tim husat i pilai long PMSA prisisen soka resis long Bisini.




• Meri tu nau i gat nem long pilai snuka. Snuka resis bai stat liklik taim long POM CC.



• Emily Maha bilong Brian Bell painim sapot long tromoi bal long Praivet Kampani netbol resis.



• Rapatona na PS Rutz traim bun long POM soka prisisen resis.



• Pot Mosbi snuka resis bilong man i stat pinis long POM CC.



• Boregainia pilaia banisim bal long birua bilong em long POM prisisen soka resis long Bisini.



• Pablik Sevens soka resis namel long PNG pawa na Helt.



• Wasman bilong Bulldogs i brukim banis bilong Hawks. Ol poto: JOE IVAHARIA

# Newcastle Knights givim mekimsave long ol pilaia

SYDNEY, Australia: Newcastle Knights i pinisim Dane Tilse long pilai wantaim klab na i askim 11-pela arapela pilai long baim wantaim K80,00 (Aus\$50,000) long brukim kefiu lo.

Nesanel Ragbi Lig i sasim Knights Klab Aus\$100,000 na sasim narapela moa Aus\$100,000 long Klab olsem saspensen fi sapos ol narapela toktok nogut moa i kamap long dispela ol pilaia.

Newcastle Klab i tok em bai i no inap long kisim bek Tilse long pilai inap Tilse i tokaut na soim olsem em i no mekim rong.

Newcastle siaman Maichael Hill i tok dispela hevi i kamap bihain long tupela pilaia i kamap wantaim kros toktok we tupela i no amamas long sampela wan pilaia bilong ol husat i lusim hotel rum bilong ol long 3 kifok moning na go long domitori bilong ol meri long Charles Sturt Yunivesiti.

(Lo bilong kefiu i tok manmeri i no ken wokabaut bihain long taim atoriti i tok ol i no ken wokabaut o raun long en.)

Dispela ol pilaia i kisim dispela mekimsave bihain long sampela toktok i kamap olsem ol i brukim kefiu lo bilong Charles Sturt Yunivesiti na go long domitori bilong ol meri we wanpela pilaia i holim krangki wanpela meri taim meri i silip.

Meri i pilim han bilong dispela pilaia we em i kirap na rausim dispela pilaia. Bihainim dispela pasin ripot i kamap long ol atoriti we ol atoriti i putim toktok i go long Knights Klab na NRL na NRL i sasim Klab long dispela pasin.

Dispela pasin i kamap bihain long Newcastle i kamap long wanpela prisisen pilai bilong em.

"Ol pilaia i brukim lo bilong klab na i mekim rong long yusim bokis bilong kilim i dai paia (paia ekstuingisa) na baik," Hill i tok.

"Mipela i no amamas tru long kain pasin... tasol... mipela i bilip ol pilaia i tok



"Mi gat driman long stap pilai olsem profesinol futbol pilaia na nau sans bilong mi i go pinis na em rong bilong mi." Dane wantaim mama Chris (l) na papa Michael. Stori na foto: SYDNEY MORNING HERALD.

tru long wanem samting ol i mekim na i soim pasin bilong tok sori."

"(Narapela ol pilaia) tu i no amamas. I luk olsem dispela ol pilaia husat i mekim dispela pasin i go bek na silip long hotel we pastaim ol i bin tingting long mekim olsem."

"Ol i tok ol i save long lo bilong kefiu na olsem tru tru ol i brukim lo.

Ol pilaia husat i mekim olsem em Kurt Gidley, Dustin Cooper, Mark Hughes, Matt Kennedy, Todd Lowrie, Blake Mueller, Luke Quigley, Kirk Reynoldsons, Reegan Tanner, Daniel Tolar na Adam Woolnough. Nius i no kam gut long Hill na sif eksekutiv opisa bilong Knights, Ken Conway, long ol i tokaut husat pilaia tru i mekim pasin nogut long holim krangki

meri taim em i silip.

Ol i no tok kfia sapos dispela pilaia i wanpela bilong 12-pela pilaia em ol i kolim pinis. NRL i direjsterim Tilse we i min olsem em bai i no inap kamap long ol pilaia we i kam aninit long lukaut bilong NRL o i gat luksave long em.

Long ol prisisen pilai long wiken Not Kuinsien Kaubois ronowe long Cronulla Sharks 18-10, Manly pairapim West Tigers 40-24, Canberra Raiders ronim Bulldog 30-4, Melbon Storm autim tiket bilong Brisbane Broncos 24-10, Penrith Panthers hamarim Newcastle Knights 44-20 na South Sydney Rabbitosh nekim ol St George Illawara 62-22. Na ol Warriors husat i stap long bai i mekim sampela praktis pilai bilong ol yet.



GOLD COAST, Australia: Mianne Bagger

husat i man tasol i tanim kamap meri i strongim stap bilong luksave bilong em long ol gutpela pilai em i kamap long golf. Bagger long las wiken em planti manmeri i kam tok halo o tok amamas long em long Tee Haus long Royal Pines risort long Gold Coast, Australia. Gutpela tingting i kisim ples bilong ol tingting krangki em ol manmeri i gat long em taim ol i lukim em. Em i laik traim long kaikai long dispela taim tasol taim i sot long wanem moa ol manmeri i kam tok halo long em. Long 12-pela mun i go pinis Bagger i kisim askim i kam long Australia Meri Golf long pilai long nesanel sempionsip. Bagger em mama i karim em olsem man tasol i senisim bodi bilong em na kamap meri long 1995. Nau yet em i gat membasip kad bilong Ledis Yuropin Tua na Australia ALPG. "Mi traim long no ken gat wari, mi no laik long wari," Bagger i tok. "Yu gat ol taim nogut taim yu no swing (paitim) gut bai.

## United winim Chelsea

LONDON: Newcastle United i kamapim wanpela gutpela risalt taim ol i daunim Chelsea, namba wan tim bilong kompetisen 1-0 long pilai bilong tupela long wiken. Tasol win bilong ol i kamap taim Chelsea i sot long tupela pilaia we wanpela i kisim bagarap na narapela em gol kipa Carlo Cudicini i mekim United pilaia Shola Ameobi i pundaun. Ol toktok i kamap olsem Chelsea i lus long wanem rong i stap long menses Jose Mourinho husat i yusim olgeta senis pilaia long namba tu hap. Em i no laik larim sampela gutpela pilaia bilong em i stap pilai yet inap sapos tru em i mas senis orait em i ken senis. Tasol dispela i no kamap. Tasol maski ol i lus ol i stap long namba wan ples, 10-pela poin antap long namba ples tim em Manchester United. Long pilai bilong ol Mourinho i tok: "Sampela taim yu amamas long tim bilong yu long wanem tim i pilai gut...tasol sampela taim yu lus na yu amamas yet olsem pilai bilong nau (wiken). Ol top faiv tim long Inglan primia soka kompetisen em Chelsea, Man/United, Arsenal, Everton na Liverpool.

## MacCracken winim kot

AUSTRALIA: Bipo West Tiger pilaia Jarrod MacCracken i winim kot bilong em long Suprim kot egensim bipo Melbourne Storm pilaia Stephen Kearney na Marcus Bai long bagarapim em long spia takol. Dispela pilai i kamap long raun 15 bilong 2000 sisen long Melbourne Pak. Sas bilong ol bagarap bai kamap long kot gen long Ogas 22 na i luk olsem sas bai sanap olsem K2 milien (AUS\$1.4m) we i makim pe bilong wanpela futbol pilaia. Tasol tupela pilaia i gat insurens em CGU we bai lukluk long baim dispela sas. Tasol kain kot bilong MacCracken bai i no inap wankain long ol narapela we dispela kot i kamap bihainim ol lo bilong bipo moa long ol senis nau i kamap bihain. Spot loa Jackie Solakovski bilong Lander na Rogers loa kampani i tok win bilong MacCracken i tok kot bilong em (MacCracken) "i kamap long taim stret we i soim olsem lo bai kisim yet ol pilaia." Tasol em i tok dispela kot bilong MacCracken i no stat bilong kain kot olsem long wanem i bin gat wankain olsem long bipo pinis we i kamap long kot bilong Steve Rogers.

# Nupela lo long osi rul

AUSTRALIA Futbol Lig i statim ol nupela lo bilong em wantaim stat bilong ol prisisen pilai bilong em.

Namel long ol senis long ol lo em long skelim longpela bilong ol pos we ol gol i save go, lo i go wantaim ron bilong ol rak-man na amamas taim em tupela senta pilai i mas pas long kisim bauns na sampela senis long mekim ol jas we ol pilaia bai mas go long kot tasol ol traibunal i givim tasol jas long ol.

Tasol long taim eksekutiv i wok long tingting long senisim ol lo bikpela toktok i stap yet long wei ol refri i save ronimol pilai. Bikpela toktok i stap long ol refri long ol i mas karimaut ol lo stret na mekim ol stretpela ruling. Planti maski ol i save long lo i laik bihainim laik na tingting bilong ol yet.

Tasol gen ol refri i tok olsem ol i save mekim samting stret. Planti tingting na wari i kamap taim ol pilaia na ol opisel i no save laikim ol disisen em ol i save mekim. Moa yet dispela kain toktok i sut i go long kosa bilong Sydney Swans Paul Ross we em i save gat kain pasin olsem.

Lo nau i senis olsem ol pilaia i mas rausim bal i go aut hariap taim narapela ol birua pilaia i holim. Dispela i min olsem ol pilaia i gat liklik taim long holim bal sapos birua pilaia i kam long kisim bal long ol. Han bilong ol i mas hariap olsem han bilong Dickensia

pikpoket.

Dispela i min olsem ol pilaia i mas paitim bal i go aut o kikim hariap i go. Sapos wanpela pilaia i ron i go long kisim bal na birua pilaia i mekim na em i lusim bal we em i nogat taim long ol gut bal dispela i min olsem em i lusim bal na olsem asua i stap long em.

Tasol dispela i givim hevi long ol pilaia bilong bipo na bilong nau olsem i tru kain lo i kamap em i hat tru long rausim bal taim yu nogat taim long painimaut husat wanwan pilaia bilong ol i redi na i stap long gutpela hap bilong kisim bal. Long givim tok piksa ol Swans long las sisen pilai bilong ol i holim pasim bal planti taim long holim taim bilong pilai na long stopim gutpela ron bilong pilai na i gat planti toktok i kamap long kain pilai bilong ol.

Dispela i no abrus taim ol Ross i no amamas long lo bilong holim taim bilong pilai long las wiken we refri i mekimsave long ol long holim bal tumas. Sapos dispela lo i stap yet kain pilai bilong ol Swans bai lukim ol i kisim planti mekimsave. Tasol sapos dispela lo i senis ol bai gat planti sans long kisim bal.

AFL opisel i statim ol nupela lo bilong ol long pilai bilong Collingwood na Richmond long Fraide nait. Long dispela nait planti ol kosa i kamap we ol lukim ol planti pilaia i kisim mekimsave long holim bal tumas.

## Molik putim ai long winim Gren Slem

NAMBA wan Australia meri tennis pilaia Alicia Molik i putim ai long winim wanpela Gren Slem.

Em i smelim tasol long winim wanpela taim em i winim taitol bilong wanpela tonamen na kamap long kwata fainol bilong Australia Open long las mun. Dispela 24-yia Adelaide meri nau i stap namba 9 ples long wol renk.

Long kwata fainol pilai bilong em wantaim wol namba wan Lindsay Davenport bilong Amerika em i surukim Davenport i go inap long namba tri raun we em i no inap long go moa na olsem Davenport i win. Long ol 24 Gren Slem kamap bilong em em i go aut 11-pela taim long namba wan raun yet.

"Bikpela tingting bilong mi em long mekim moa gut long kain pilai bilong mi long Australia Open. Mi pilim olsem mi bai hapim mak bilong mi long wol renk sapos mi mekim gut long ol Gren Slem," Molik i tok. "Ol renk i soim strong na save yu gat long pilai na i soim wanem level bilong ol pilai bilong yu.

"Mi laik kisim wankain ol gutpela mak long long Gren Slem. Mi ting mi gat save na strong long mekim gut long ol bikpela pilai. Ol samting i wetim mi tasol.

Long ol tripela pilai em i kamap long dispela yia, 2005 em i winim toname long Sydney, kamap long kwata fainol long Australia Open na kamap long semi fainol long Antwerp, Belgium long las wik.

"Oltaim mi wok long pilai gut na olsem mak bilong mi long wol i wok kamap gut tu," Molik husat i kamap long namba foa ples long Qatar Open long Belgium i tok.

# Bikpela samting kam long liklik samting: AFL PNG

Andrew Molen i painimaut olsem AFL PNG i mas wok hat bipo long ol lukim gutpela ron bilong developmen program bilong ol.

**L**ONG ol bikpela samting i save kamap em i mas stat liklik pastaim. Dispela em i trupela tok long planti ol samting i kamap pinis na nau i wok long kamap.

Na wok bilong ronim developmen program bilong Australia rul futbol PNGAFL i wanpela bilong dispela ol samting.

Long dispela taim AFL PNG i wok hat long developim osi rul long kantri na tu long givim moa sans long ol manki bilong PNG long go pilai long Australia na ol narapela bikpela tonamen long narapela kantri olsem Australia.

Wiken bilong "Rememberance" long 2004 i lukim histri i kamap long AFL long PNG.

Long dispela taim mipela i givim taim long tingim ol lain i pait long taim bilong woa, i lukim ol rijinol sempionsip i kamap long anda 13, 15 na 17 level. Dispela i kamap long AFL ailans long Talasea, AFL Saut long Pot Mosbi na AFL Not long Goroka.

Ol manki long dispela ol ples i brukim bun long lukim husait bai i kamap sempion bilong rijen bilong ol yet na tu long lukim husait ol bai i gat sans long i go moa yet na makim kantri bilong ol. AFL Not, Saut na Ailans i pilai strong long lukim husat


tasol long go daun long Australia.

Long Jenuari 10pela nambawan pilaia long anda 17 divisen bilong dispela ol senta i bin i kam long wanpela Steamships anda 18 nesenol kemp we i kamap long Fisherman ailan long Port Mosbi.


Long hap nau ol i kisim faipela pilai long anda 18 husat ol bai i go daun long Cairns long pilai insait long Queensland Kantri Seleksen traili we ol bai i gat sans long stap insait long Kantri Kookaburas tim o long i go long Queensland Stet Sempionsip. Las yia tu i lukim nainpela pilaia bilong PNG i stap i stap insait long Queensland Country Kooaburras long anda 18, 16 na 14 level.

Anda 14 na 16 Binatangs wantaim i bin go long Queensland Kantri Sempionsip fainol na long anda 16 level Ananga Isaac i bin kisim nem olsem "Pilaia-bilong-tonamen" na em i go long Queensland Stet skwat.

**H**at wok bilong AFL PNG na sapat bilong AFL Cairns na Cairns City Cobras anda 18, Desmond Kaumu na Glen Tom i stap bek long Cairns we ol i pilai long sinia level na wok olsem ol developmen opisa wantaim AFL Cairns. Alear Sioni bihain long stail pilai bilong em long 2003 anda 18 nesenol salens i



• Biknem PNG osi rul pilaia Mal Michael i mekim wanpela ron bilong em wantaim Brisbane Lions tim. FAIL POTO.



• Desmond Kamu wankain olsem Alistair Sioni i laki long pilai wantaim Cairns Cobras tim long Australia tim. FAIL POTO

ol bai i kamap long ol nesenol sempion na tu long i gat sans long pilai wantaim kala bilong kantri long skin bilong ol olsem PNG JDA Binatangs long Queensland anda 16 kantri sempionsip long Epril 2005.

Ol selekta bilong AFL PNG i askim ol kosa na ol kodineta bilong dispela ol hap we ol sempionsip i bin kamap long makim wanpela rijinol tim bilong anda 15 bihain long dispela ol tonamen long kam long Pot Mosbi long Septemba long seleksen traili bilong PNG Binatangs na tu bilong nesenol sempionsip. Dispela i olgeta i kamap pinis na AFL PNG i redim tim

pinisim wanpela ful pri-sisen wantaim biknem AFL tim bilong Australia, Brisbane Lions na nau em i mekim nem bilong em wantaim ol Cobras long Cairns.

I gat nau planti gutpela sans i stap bilong ol gutpela pilaia bilong AFL long rot we Oil Search i sponsarim.

Dispela ol sans i stat long fes kik bilong wanpela yangpela manki husat krismas bilong em inap olsem seven o eit aninit long Arnott's Pikinini Pilai Ruls program, i go long PJV Raitman program bilong ol Sekenderi skul manki we i stap long olgeta hap long kantri na bihain i at

sans tu long i go kamap long JDA Binatangs na i go kamap olgeta long Queensland sait we olgeta em Oil Search i lukautim dispela rot.

Long dispela ol husat i wok hat na tren strong i gat bikpela moa sans olsem Alistair Sioni long i go kamap antap long sinia level stret bilong AFL we ol namaba wan pilaia tasol i save pilai na kisim luksave olsem wanpela intenesenel ruki o nupela pilaia we olgeta man i luksave long em.

**W**anpela de mipela i laik lukim wanpela bilong ol manki bilong mipela i joinim Mal Michael long sinia level na ran i go autsait long ol bikpela fil olsem Gabba o MCG olsem wanpela tru AFL pilaia," AFL PNG dairekta Scott

Reid i tok. "Olsem na sapos pikinini bilong yu i save laik lukim AFL long EMTV o sapos em i ting olsem Mal Michael em i wanpela stail pilaia orait kisim em tasol i go daun long wanpela AFL fil klostu long yu.

"Yu no save nogut em bai fes man long i go olgeta long pinis bilong rot," Reid i tok.

Reid i tok long AFL PNG ol i bilip olsem ol bikpela samting i save kamap long ol liklik samting na ol i save wok hat long givim dispela sans long olgeta manki insait long PNG.

Putim yau tasol na lukluk long nius na bai save tasol long husat ol bai inap long karim nem bilong PNG long AFL long hia o long Australia.



• Jnr Magio (l) wantaim poroman bilong em lain long paitim bal. Poto: ANDREW MOLEN.

# Pot Mosbi ragbi lig surukim pilai

Andrew Molen i raitim

POT Mosbi Ragbi Futbol Lig i surukim stat bilong 2005 sisen i kam long dispela wiken.

Long statim sisen Lig i save pilaim 9's asait tasol dispela i no bin go het long wanem sampela ol tim i no stretim hevi bilong pilaia na opisel rejistresen fi bilong ol yet.

POMRFL presiden Solomon Ravu i tok long dispela as ol i surukim ol pilai i go long Mas 4-6.

"Olgeta gret bilong wanpela tim o klab i mas rejista sapos ol i laik pilai," Ravu i tok.

Long rejista ol sinia pilaia i mas baim K30, ol juna K20 na ol ofisel K30.

"I mas i gat 40 pilaia bilong sinia tim na 40 long juna tim bipo long ol i ken rejistarim tim," Ravu i tok.

Em i tok olgeta tim husat i laik pilai insait long pri-sisen 9's salens i mas rejista bipo long 1 Mas. Long dispela yia 24 tim i resisi insait long dispela pri-sisen salens we ol tim bilong Poreporena na primia tim bilong Koiari lig tu bai i stap insait.

Ravu i tok kompetisen bilong dispela yia bai bikpela moa we i lukim ol SP Intasiti kap gem tu bai i kamap.

"Ol gem bilong Pot Mosbi lig bai mipela

i putim i go long ol Sarere na sampela bai i kamap long Sande.

"Tasol Sande em mipela i makim bilong SP Kap pilai tasol," Ravu i tok. 14 pilai bilong SP Kkap em POMRFL bai holim.

Long wankain taim Ravu i tok olsem Pot Mosbi ragbi lig bod i kisim bek Post Puma i kam insait long kompetisen long Februari 7 bihain long ol i askim long kam bek bihain long ol i stap aut wanpela yia.

"Nau bai i gat 14 klab i pilai long kompetisen," em i tok.

Bai i gat 26 wik bilong pilai we raun wan bai i stat long Mas 11-12 wankain olsem NRL long Australia na gren fainol bai i kamap long Septemba 26.

# Morata lig go long fainol

Andrew Molen i raitim

MORATA lig i go insait long fainol siris bilong ol nau na ol gem i go hot olgeta.

Vais presiden na kodineta bilong Morata lig John Mauwi i tok ol pitaia i pilai strong tru nau dispela top 8 tim husat ol i stap long fainol nau i kaikaim tit long lukim husat bai i go insait na kisim taitol bilong dispela sisen.

Megusa em ol fevret bilong kompetisen bihain long ol i kisim maina primiasip tasol defending sempion Bulldogs i putim ai i stap yet.

"Megusa i kamap maina primia bihain long ol i winim 13pela gem we ol i no lusim wanpela insait long kompetisen," Mauwi i tok.

Em i tok ol inap long pinisim sampela gem las wik tasol sampela rong i kamap long ol poins leda na dispela i mekim ol i go isi liklik.

Mein gem bilong ol long pilai long dispela Sande bai kamap namel long Talapia na Bulldogs na wina bilong tupela bai bungim Megusa long narapela wik.

Talapia husat i lus long Megusa las wik bai pilai strong long bungim ol ken neks wik tasol Bulldogs tu i holim taitol na ol bai i no inap lusim dispela samting i go isi.

Long narapela gem Hawks bai

pairap wantaim Tigers we wina bilong tupela bai mekim save wantaim Raiders long neks.

Wina bilong tupela gem long neks wik nau bai redi tasol long gren fainol long wik antap.

Long B-gred, Bulldogs bai traim Sharks long 12 apinun na East bai bungim Mumuts. Raiders na Rats i stap bai na wetim ol wina.

Long C-gred, Easts bai bungim ol Knights long 10 kilok moning na Warriors bai mekim save wantaim Megusa long 11am na Hawks na Bulldogs bai stap long bai.

Long risal bilong ol gem we i kamap long las wiken; Megusa i givim Talapia 22-12, Raiders ronowe long Hawks 16-12, Bulldogs kaikaim rats 20-4 na Tigers kalapim Rangers 6-4.

Long Morata volleyball bilong ol meri tupela difening sempion Tigers bilong A gret na Talapia bilong B gret i putim ai long kisim bek taitol bilong ol.

Presiden Bill Yaki na namba tu bilong em, Mauwi i singaut long olgeta pilaia bilong ol long i noken bikhet tasol long pilai long gutpela spirit bilong spots na pinisim gut ol pilai bilong ol.

"Wanpela bai win na narapela bai lus tasol go wantaim gutpela bel isi olsem ol gutpela spot manmeri," Mauwi i tok.

# Madang Malangan no laik kisim fil long pilaim fainol

SOFBOL gren fainol bilong ol man long Madang i go kranki long las Sande taim Malagan i no bin i laik pilai long gem we ol i stopim long de bipo na surukim i kam.

Ol i bin lusim gem na i nogat wanpela i kisim nem olsem wina.

Dispela gem bilong Malagan we i sapos long kamap wantaim Agmark Kopex long Sarere i no bin i kamap bilong wanem i bin i gat traipela ren we i pinis bihain long san o namel bilong de tasol ol i surukim gem i go long Sande.

Long A Gred gren fainol bilong ol meri Idmon i winim Kalibobo 6-1 long holim bek taitol bilong ol.

Bikman bilong Madang sofbol Ralph Tarasomo i tok em i no amamas long pasin ol man i mekim long wanem ol i mas pilai tasol ol i no pilai. Malagan i winim 09ers

13-2 wik bipo long go insait long gren fainol wantaim Kopex i no laik pilai long Sande bilong wanem ol i tok ol i redi long pilai long Sarere na i no long Sande.

Sponsa bilong Malagan Danny Ling i tok; "Strepela toktok i no bin kamap na ol opisel husat i surukim pilai i kam long Sande i no bin toktok wantaim oo tim."

Ol i tok ol i no amamas wantaim ol ofisol bilong wanem ol i tok ol putim bikpela moni long redi long pilai long Sarere. "Mipela i redi na i laik pilai long Sarere," Ling i tok.

Kosa bilong Malagan Vincent Bunbun i no bin laik toktok na kosa bilong Kopex i no bin i stap long mekim sampela toktok.

Long ol meri B-gred ol Bees i nekim Kalibobo 28-10 na Colts i bagarapim Agmark Kopex 13-1 long pilai bilong ol man.

# Pot Mosbi sofbol go long ol fainol

POT Mosbi sofbol kompetisen bilong ol man i pinisim ol gem bilong ol las wiken na dispela wiken em ol i redi tasol long paia lait insait long ol fainol gem bilong ol.

Top foa tim insait long kompetisen, Airways Bears, Manolos, Malagan na Elcom bai skelim ol yet taimol i bungim pes long Bisini Daimon dispela wiken.

Elcom i kamaut olsem ol maina primia bilong kompetisen bihain long planti yia na nau ol narapela tripela tim bilong New Ireland bai traim long rausim tiket bilong ol. Malagan husat ol i lusim kompetisen long sampela sisen bilong wanem ol i gat sampela hevi long sait bilong menesmen bilong ol i kam bek strong tru dispela yia na i mekim ol manmeri kirap nogut taim ol i go insait long top foa.

Plantil ol opisol tu i no ting olsem Malagan bai i putim strongpela pilai insait long sinia division. Long wankain taim ol primia bilong las sisen Kopex i no stap insait long fainol na ol i nogat sans long difenim taitol bilong ol na i no ol tasol, ol i fes primia tim bilong wanpela sisen i go pinis long i no winim wanpela gem bilong ol long narapela sisen na pinisim sisen wantaim ziro poins na kisim "Wooden Spoon."

Long ol pilai i kamap las Sarere, Elcom i winim Brown Eagles 20-8, Bears kaikaim Manolos 3-2, Gazelle givim Malagan 10-2, Dolphins ronowe long Kopex 9-8. Na Sande, Manalos givim Gazelle 3-2, Elcom



• Tony William (l) bilong Dolphin i traim ron hom tasol abrus na George Taule bilong Brown Eagles i autim em long pilai bipo. Foto: JOE IVAHARIA

kalapim Dolphins 4-3, Bears bagarapim Brown Eagles 17-7 na Malagan digim matmat bilong Kopex wantaim 10-0 skoa.

Bihain long dispela ol laspela pilai long las wik i lukim top foa tim i sanap olsem Elcom i go pas wantaim 24 poins, Bears 23, Manolos 19 na Malagan 15. Ol narapela tim husat i stap ausait long fainol em

Gazelle 12, Brown Eagles 10, Dolphins 9 na Kopex husat i no kisim wanpela poin liklik long dispela sisen.

Long wankain taim ol eksekutiv bilong Pot Mosbi sofbol bilong ol man i bung long Trinde we ol i toktok long wanpela apil bilong Manolos husat ol ampaia i no larim ol long bet.

# Pot Mosbi Rot rana bai traim Lahara rot

Las Sarere 77 rod rana i resis long Gerehu long Pot Mosbi stat long Mobil sevis stesen we plan bilong ol i laik ron long wed olsem 2km, 4.8km na 8.6km.

Wina bilong sotpela resis em Russel Hasu husat i pinisim resis long taim 6.52 sekens na namba tri ples i go long Francis Xavier na Mathew Andrew.

Long 4,3km resis namaba wan ples i go long David Reuben husat taim bilong i kamap em 15.23 sekens.

Long longpela resis James Gurumi i bin i stap long fran taim ol i tanim tasol taim bilong bikpela ren na Simon Pinampio na Steve Hogg i abrusim em we i lukim Simon i winim resis wantaim 32.59 taim.

Hogg i kam namba tu long 33.18sekens na Gurumi i kam namba tri wantaim 33.26 sekens.

Wanpela strongpela resis i kamap namel long ol dispela tripela lain bilong wanem taim bilong Kesa Nathan husat i kamap long namba foa ples i kam long we liklik we taim bilong em i stap olsem 35.22 sekens.

Pam Christie em i wanpela meri tasol husat i ronim longpela resis na em i kamap long taim 47.40. Long sevis stesen long Gerehu ol i ron bihainim bikpela rot inap ol i kamap long rot bung long Waigani.

Ol sotpela resisi i save tanim i go bek long hap ol i stat long en tasol dispela i lukim sampela ol rana i go olgeta olsem long Baruni na raunim i kam bek olsem klostu long Gerehu kantri klab.

Ol i tok i nogat planti ka long dispela hap olsem na i gutpela long ron.

Ol rana husat i save laik ron longpela hap i save tanim long ples ol i stat na ron i go bek long narapela rot we bipo ol i save ron long en na ren em i nais tru long kolim skin bilong ol rana taim ol i ron. Dispela wik bai ol resis stat long Lahara Pak long Boroko na bai i gat nupela resis long dispela taim.

# Yunivesiti osi rul 9s pilai

GUTPELA spirit bilong spomsansip i kamap namel long ol klab husat ol i pilai long raun foa bilong dispela Uni Bulldogs Kick 9's tonamen we i kamap las wiken long Pot Mosbi.

Olgeta klab i strong tru tasol poin bilong ol tasol bai tok husat i stap antap long leda. Long ol fes pul A gem, ol Port Power Teal i gat pawa na olsem ol i abrusim Southern Crows long faiv poin.

Wantaim ol mid filda bilong ol Brendon Lulubo na Dominic Livuana, ol Powers i kikim tripela gol na wanpela bihain we ol Cros i kikim wanpela gol tasol long fes hap.

Seken hap i lukim ol i mekim sampela senis long tim bilong ol na ol Crows i kam bek strong wantaim tripela gol na tupela bihain.

Greg Wakore husat i go pas long ol i singaut long ol beks i mas strongim gut difens tasol ol Powers i kam bek wantaim wanpela gol long win 4.1.25 na Crows 3.2.20. Tigers husat i lus long ol Crows long raun tu i soim tru strongpela spirit taim ol i bungim KDC Dockers.

Rex Leka i go pas long ol na ol i no givim sans long Dockers taim ol i go 26 poins pas long ol Dockers. Tigers i bosim tru fes na seken hap bilong pilai we em kamap insait long 20 minit.

Ol mid filda olsem Allan Brown na Leka i ronim bal i go long sait taim ol i kamap long namel na dispela i givim ol planti sans long ol fowet long kikim planti gol.

Tigers i win 7.3.45 na Dockers 3.1.19. Long ol narapela pul A gem, Gem 3; Pot Mosbi Swans winim Eastern Lions 7.4.46-3.1.19, Nats Dwellers givim KC Dogs 7.3.28-2.1.13. Gem 4; Southern Crows 3.1.19 winim Gereke 2.3.15, KDC Dockers 6.0.36 kilim KC Dogs 4.1.25.

Long pool B Pot Mosbi Swans midfilda, Aloius Baleko soim kala bilong em taim Swans i winim Eastern Lions.

Baleko i go pas long Swans we i lukim em i kikim foapela gol na setim narapel tripela long mekim ol i palai antap yet long ol Lions.

Ol Lions i putim sampela nupela ol pilaia bilong ol we sampela bilong ol em ol anda 16 na 18 Binatang pilaia na ol i helpim Lions long holim strng gem.

Swans i win 7.4.46 na Eastern Lions 3.1.19.

Osi rul pilaia nau i kamap bikpela long kantri bihainim gutpela developmen plen bilong eksekutiv bilong AFL PNG.

**LAE  
BISCUITS CO.**



# WANTOK

# SPOTS

**LAE  
BISCUITS CO.**



# Pilaia mas soim em ... sapos em i laik pilai top futbol: Bai

**Paul Zuvani i raitim**

OL pilaia i no mas silip nating na wetim ol narapela man long tokim ol long stap insait long ol bikpela pilai, biknem ragbi lig pilaia Marcus Bai i tok.

Wantok long dispela wik long imeil i bin putim sampela askim long Bai sapos em ting ol pilaia bilong PNG inap pilai long ol top gret pilai long Australia na Ingran we em i bekim na tok ol inap sapos ol i wok hat na soim ol yet.

Em i tok ol gutpela samting i save kam wantaim hatwok.

"Sampela ol kosa long hia i askim mi long ol pilaia (long PNG) tasol mi mas gat sampela gutpela toktok namel long wanpela man long hap na mi yet we i ken redim ol manki we bai isi (we bai isi) long ol klab hia long riktrut," bai i tok.

"Olsem Stanley Gene i tok em i hat long kisim ol pilaia sapos mipela save long sampela long hap we mipela i gat bilip long ol, we taim mipela i tok ol i harim na mekim samting stret. Mipela i no laik long mekim samting we bihain bai i no inap kamap long wanem ol pilaia na man husat mipela i toktok wantaim i no go het long wanem samting mipela i askim long en.

"Sapos mipela i mekim na samting i bruk daun ol klab na opisel long hia i no inap gat bilip long mipela moa.

"Ol klab long hia i laik long mekim rikrut long PNG tasol em samting bilong wanwan pilaia long soim olsem ol inap long pilai.

"Mipela ol pilaia i mas mekim moa wok long tren na bikpela samting em sapos mipela i gat sans long pilai mipela i mas pilai gut.

"Mi ting olsem ol bikpela pilai olsem ol Tes Mes o Sevens olsem long las yia dispela em i gutpela sans long ol pilaia long soim ol yet. Ol i no ken givap. Ol i mas traim yet inap ol i stap pilai long top futbol sampela taim.



• **Mama! Ol pilaia bilong South Sydney Rabbitohs no laik givim sans long St George Illawarra pilaia long prisisen pilai bilong ol long wiken. Rabbitohs laik kirapim pawa long 2005. Foto: SYDNEY MORNING HEARLD.**

Na yes dispela em i tru long wanem nau yet Ricky Sibiyi bilong Waliya klab long Pot Mosbi nau i stap tren wantaim Toowomba, fida klab bilong Brisbane Broncos long Australia bihain long klab i lukim pilai bilong em long Wol Sevens tonamen long Sidni long stat bilong las yia. Dispela i wankain tu long Makali Aizuwe husat i stap pilai tu long wanpela lowa divison bilong supa lig kom-

petisen long Ingran. "Mi no ting ol pilaia i mas wet long kompetisen i stat na ol i go insait long trening. Nogat. Mipela ol pilaia i kisim planti sans long las 50 yia na em i taim mipela i sanap na soim olsem mipela inap long pilai long bikpela ragbi lig pilai.

"I nogat isi wei. Mipela olgeta i mas wok hat olsem sampela bilong mipela i bin mekim

long las 9-pela yia.

"Sapos mipela i wok hat na wantaim sampela lak em bai yu ken kisim luksave na stap long ol bikpela pilai. Moa yet win bai kamap long sait bilong mipela.

"Wantaim ragbi prisisen em i bikpela samting. Yu mas tren hat na kamap fit. Na taim yu kamap long pilai dispela bai isi long yu. Tasol long pilai tu yu mas pilai hat na pilai gut. Taim yu tren hat yu stap fit wantaim tingting na bodi.

Bai long taim em i mekim dispela toktok long dispela wik em Suprim Kot long Australia i painimaut olsem em i asua long takolim kranki bipo West Tiger pilaia Jarrod MacCracken husat nau i gat hevi long nek bilong em. Kot i painimaut olsem Bai wantaim Stephen Kearney long taim tupela i pilai wantaim Melbourne Storm long 2000 i mekim wanpela spia taskol long MacCracken we MacCracken i kisim bagarapim long nek bilong em.

MacCracken i no inap pilai moa na olsem em i kotim tupela na sas i sanap olsem K1.3 milien (Aus\$750,000).

Tasol kot long painimaut sas bilong ol bagarap bai kamap long Ogas long dispela yia na dispela sas i ken go antap long K2 milien.

Loia bilong ragbi lig Jackie Solakovski i tok kot bilong MacCracken "i kamap long taim stret we i soim olsem lo bai kisim yet ol pilaia," na olsem ol bai i no abrusim lo. Em i tok kot i wankain olsem bilong Steve Rogers.

Bai na Kearney wantaim nau i pilai ragbi long Ingran tasol long narapela narapela klab.

Bai long taim *Wantok* i salim imiel em long bipo Kot i mekim disisen bilong em na olsem em i tok em i no laik long bekim.

Tasol long baim dispela mani insurens bilong tupela CGU long Australia bai baim bilong tupela.

**Andrew Molen i raitim**

PAPUA Niugini kriket tim i wok long ron gut insait long displea wol kap kwalifaing tonaman long Kuala Lumpur long Malaysia we planti ol tim insait long East-Asia Pasifik rijon i stap na pilai.

PNG i bagarapim Itali long Tunde wantaim faivpela wicket we i lukim ol i winim fes tupela pilai bilong ol na i no lusim wanpela yet.

Long narapela grup pilai, ol Pasifik brata bilong ol, Fiji tu i kisim namba tu win bilong ol antap long Zambia.

Bipo Niu Saut Wels na Australi A pilaia Neil Maxwell i mekim namba tu "Pilaia-bilong-tonamemen" bilong em we em i mekim 49 ran insait long 185 ran bilong Fiji long 48 ova.

Zambia i traim bekim skoa bilong Fiji tasol olgeta i aut wantaim 75 ran insait long 31 ova.

PNG i kisim fil bihain long kepten, Farua Dikana i bol pas na bet bihain long Itali na tim bilong em i gutpela bilong wanem pits ol i pilai long em i gutpela bilong ol lain husat i laik bet bihain na ronim skoa bilong ol lain i bet pas.

Dispela i lukim ol Itali i kisim taim long bet na innings bilong ol i no go hariap. Bihain long 22 ova ol Itali i kisim 57 ran na lusim wanpela wicket tasol we i lukim ol i mekim tripela ran insait long wanpela ova.

Narapela 20 ova i go na Italy i lusim faivpela moa wicket na skoa 80 moa ran i go antap wantaim 6-137 bihain long 42 ova.

Taim PNG i stat long ronim skoa bilong Itali dispela i lukim ol i lusim tupela wicket hariap insait long 10 ova bilong wanem ol i save long bauns bilong bal long pits yet we i lukim ol i mekim 27 ran tasol.

Long namel bilong pilai ol i luksave long bauns bilong bal long graun nau na ol i stat

long kisim moa ran na ol i go na skorim 154 ran insait long 40.3 ova we ol i lusim faivpela wicket tasol.

Top tim bilong Esia, Kuwait i no bin inap long ol lain aninit long ol, Nepal husat i winim ol long wanpela gem we skoa i no go bikpela.

Kuwait i putim 95 ran insait long 31 ova na Nepal bihain long ol i stap long 5-39 i go moa na kisim sampela moa ran long win na i no lusim wanpela moa wicket insait long 44 ova.

Long wanpela gem we skoa i bikpela i lukim Qatar i nekim Cayman Ailan wantaim siksipela wicket.

Qatar i putim 4-210 long 47 ova long bekim ol Cayman husat i skorim 207 insait long 50 ova.

PNG i pilaim Kuwait long Mande na Fiji kisim Qatar long ol pilai lukim husat bai go pas long grup blong ol na tu long i gat sans

long stap insait long semi fainol tasol ol risal i no bin redi taim dispela pepa i kamaut.

Long ol narapela gem Nepaf bai pilaim Itali na Zambia bai pilaim Cayman ailan.

Nau (Fonde) bai ol i kisim matolo na ol semi fainol bai i kamap long tumoro (Fraide) na fainol em ol i makim long kamap long Sarere.

Wina bilong tonamen bai kisim namba 12 ples we i stap nating nau long intenesenol Kriket Kaunsel trofi long Ireland long Juliai we ol tim i pinis long top faiv bai kwalifai o i stap insait long 2007 Wol Kap long West Indies.

Long hap bai ol i joinim narapela 10-pela kantri husat i save pilai Tes Kriket na Kenya insait long dispela 16-tim wol kap salens.

PNG Kriket Kaunsel i tok Malaysia i stat bilong kempen bilong ol long stap long Wol Kap pilai long taim ol i kisim K130,00 spon-sasip long SP Brewery dispela yia.